

STENOGRAM

**20. Radne sjednice Skupštine Kantona Sarajevo
održane u srijedu, 29.01.2020. godine sa početkom rada u 10,00 sati**

(sjednicu je otvorila predsjedavajuća Danijela Kristić)

Predsjedavajuća Danijela Kristić

Otvaram 20. Radnu sjednicu Skupštine Kantona Sarajevo. Himna.

Pozdravljam uvažene kolege i kolegice zastupnike, članove Vlade i uvažene goste, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 32 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Damir Marjanović i Elvis Vreto. Kašnjenje najavio Vedran Jakupović

Dnevni red 20. sjednice Skupštine Kantona Sarajevo utvrdila je Skupština Zaključkom na svom 18. zasjedanju, održanom 23.01.2020.godine, a na osnovu člana 226. Poslovnika Skupštine Kantona po prijedlogu za glasanje o nepovjerenju Vladi Kantona Sarajevo potpisan od strane 18 zastupnika u Skupštini Kantona Sarajevo.

Na osnovu naprijed navedenog, dnevni red današnje sjednice glasi:

1. Prijedlog za glasanje o nepovjerenju Vladi Kantona Sarajevo.

Molim zastupnike da se izjasne o predloženom dnevnom redu. Molim rezultate. ZA je glasalo 18 zastupnika, protiv 3 i suzdržanih 11.

Konstatujem da je skupština usvojila Dnevni red kao je predloženo.

AD – 1.

PRIJEDLOG ZA GLASANJE O NEPOVJERENJU VLADI KANTONA SARAJEVO

Prijedlog za glasanje o nepovjerenju Vladi ste dobili 17.12.2019.godine.

Kao izjašnjenje na prijedlog Vlada je dostavila Izvještaj o radu Vlade Kantona Sarajevo za period 01.01.2019. do 31.12.2019. godine.

U skladu sa članom 228. Poslovnika svaki od predlagača ima pravo na sjednici Skupštine obrazložiti prijedlog za glasanje o nepovjerenju Vladi.

Ukoliko ipak želi samo predstavnik u ime Predlagača da obrazloži ovaj prijedlog za glasanje o nepovjerenju Vladi, dajem riječ. Molim vas uključite dopredsjedavajućeg Čelika.

Dopredsjedavajući Mirza Čelik:

Zahvaljujem. Pozdravljam sve prisutne kao i gledaoce pored malih TV ekrana. Pa evo, naime, vrlo kratko ću. Prijedlog za glasanje o nepovjerenju Vladi Kantona Sarajevo je 17.12. 18 zastupnika svojim potpisom uputilo u proceduru i s tim u vezi nova parlamentarna većina je tražila da imenuju izvršnu vlast, tako da Vlada na čelu sa premijerom Fortom je izgubila

povjerenje, kako građana tako i zastupnika u Skupštini Kantona Sarajevo. I evo danas raspravljamo o ovoj tački koju smo i usvojili. Hvala.

Predsjedavajuća Danijela Kristić:

Sada dajem riječ premijeru ili ovlaštenim predstavnicima Vlade ukoliko želi odgovoriti i iznijeti Vladina stajališta.

Premijer Edin Forto:

Dobro jutro svima. Ja ću vam dati malo hronologiju imenovanja ove Vlade prije nego što uđemo u detalje i izvještavanje onoga zapravo što smo uradili, kao neku vrstu polaganja računa vama koji ste nas birali. Kako smo imenovani? Mi smo nakon izbora političke stranke su sjele i jedan broj političkih stranaka sve one stranke tačnije koje su u predizbornoj kampanji obećavale da neće ići sa SDA u nekoj vrsti koncenzusa su odlučili da imaju svoju Vladu i da se proba vladati bez SDA. To je bila priča još uvijek ona politička, predizborna i postizborna priča, koja je jednostavno ponijela jednu grupu zastupnika, u tom trenutku 24 i jednu grupu stranaka, šest stranaka u tom trenutku da imaju Vladu i da probaju kako je to raditi, imajući u vidu kontinuitet koji je SDA imala u Kantonu Sarajevo od rata na ovamo. Ono što je pokušano tada uraditi, a i vi ćete sami ocijeniti, a i građani će ocijeniti da li smo uspjeli, pokušali smo napraviti jedan novi narativ, jednu novu priču o tome kako jedna kantonalna Vlada treba da radi. Od prvog koraka, prije nego što je ovaj Vlada imenovana, mi smo odlučili da krenemo u nešto što se zove program i da, imajući u vidu neke ideološke razlike između šest stranaka, imajući u vidu da se tih 6 stranaka ne mogu oko svega složiti, odlučili smo da napišemo na papir i usvojimo ono oko čega se možemo složiti. Uslijedio je jedan proces iako je tih šest stranaka u to krenulo dvotrećinsku većinu kod vas u parlamentu. Uslijedio je jedan proces koji je trajao par mjeseci gdje se detaljno ulazimo u sve ono što potrebno da se uradi u naredne 4 godine. Ponavljam, 4 godine, na jedan mandat. Neke od tih mjera su bile one koje su se mogle uraditi odmah, na prvoj sjedni i Skupštine i na prvoj sjednici Vlade. Takve smo stvari uradili. Neke stvari su bile tom programu stvar je inicijativa prema višim nivoima vlasi ili drugim novima vlasti a neke su stvarno velike one koje su najteže zahtijevaju višegodišnji pristup i dugogodišnji jedan pravac i viziju koji nakon nekog određenog broja godina ili u najboljem slučaju do kraja mandata mogu uroditi promjenama. Taj dokument, taj program, moram se pohvaliti u ime stranaka koje su ga kreirale tada, svih šest stranaka, i u ime članova Vlade koji su neću reći slijepo, ali su vrlo vrlo oštro insistirali da se radi po programu. Program jedne koalicije poslije rata koji smo mi imali i koji je bio osnova našeg rada je prvi u BIH, a vrlo je rijedak u cijeloj regiji. Rijetko ćete vidjeti u regiji a u BIH nećete vidjeti takav dokument koji je okupio takvu jednu paletu različitosti na političkom spektrumu, i koji su odlučili da idu po jednom programu koji je bio dovoljno detaljan da se može raditi dovoljno dugo na njemu i koji čak uključuje neke principe po kojima se mora raditi. To je ono što je prepoznato u samom startu. Mislim da je taj način ustvari način koji i sljedeća Vlada ako dođe do izbora sljedeće Vlade, i sve Vlade u kantonima i na FBiH i RS, treba da prate. Da se građanima jasno kaže za šta se bori prije nego što se desi glasanje u parlamentu. Na taj način dajemo moć parlamentu i izvlačimo moć iz kancelarija, stranaka, restorana i svega onoga što smo se nagledali u prethodnim godinama. To je ono kako smo mi ušli. Međutim, imaju u vidu da smo taj proces na taj način radili, da smo htjeli da stvorimo osjećaj nove priče, novog narativa, nove politike imali smo strašan pritisak javnosti. Odjednom su postala velika očekivanja da mi moramo u vrlo kratkom roku dokazati da smo mi stvarno neka promjena. I mi smo pod tim pritiskom radili. I ne samo pod pritiskom javnosti i ne samo da se svaka greška multiplicirala u medijima, aha evo ih pogriješili su, isti su. Imali smo također vrlo jak pritisak od opozicije koje je odlično radila

svoj posao, ali i i naših zastupnika u tom trenutku u prvom trenutku 24, poslije nešto manje. Vi ste mogli čuti zastupnike iz skupštinske većine koji kritikuju ovu Vladu. To je nešto što nije praksa ali mi smo to jednostavno razumjeli kao želju da se radi bolje od prethodnika. Ta očekivanja su bila nešto s čim smo se morali boriti u startu, ta lupa medija, to povećalo gdje jednostavno nije nam dozvoljena ni jedna greška je nama pomogla ustvari i olakšala nam rad. Jer ako vas prati opozicija, mediji, vaši sopstveni zastupnici, i pogriješite, i to postane tema, imate priliku da odmah kažete da to je greška, ispravljamo grešku, idemo dalje. To je također nešto što nije bila praksa na političkoj sceni. Obično kada se greške dese pa se desi neki tender, pa neka, govorim za prethodne Vlade, ali ne samo kantonalne, nego generalno na političkoj sceni u BIH, jednostavno se to zanemari i pusti se da taj novinski krug, krug vijesti koji je nekada bio, jednu vijest imate i ona traje po 15 dana ili mjesec dana, samo se o tome priča, danas u vrijeme novih medija neki problem traje 20 do 48 sati, ljudi zaborave. Ali mi nismo dozvoljavali da samo sjedimo i čekamo da ljudi zaborave nego smo reagovali na kritike opozicije, na kritike medija, na kritike naših sopstvenih zastupnika. Također nešto.

Predsjedavajuća Danijela Kristić

Poslovnička intervencija, molim vas uključite zastupnika Nikšića.

Poslanik/zastupnik Damir Nikšić:

Ja se izvinjavam gospodinu premijeru što moram ovo prekinuti. Ja ne znam da li je ispravno da predlagač za izglasavanje nepovjerenja Vladi u jednoj rečenici predloži nepovjerenje i da nema malo opširno, prvo oni da imaju malo opširnije izlaganje u tome zašto danas izglasavamo nepovjerenje Vladi prije nego što gospodin premijer počne da se pravda ili ne znam šta, da odgovara na to. Ja mislim da vi prvo dugujete nama i javnosti da kažete zašto. Ne može u jednoj rečenici 18 ruku i gotovo. Morate reći zašto.

Predsjedavajuća Danijela Kristić:

Neka nastavi premijer.

Premijer Edin Forto:

Pa možda ćete u našim izlaganjima zastupniče Nikšiću i dobiti neke od odgovara zašto. Također želim reći da kada smo krenuli, kada smo imenovani 26.12.2018 nakon ovog procesa koji sam objasnio, koji sam morao podsjetiti kao neku vrstu ostavštine ove većine i govorim sada o svih šest stranaka koje su odlučile da na taj način imenuju Vladu u nadi da će to postati standard. I bilo bi lijepo da mnoge stvari koje su urađene po prvi put postanu standard da jednostavno sve druge Vlade bez obzira na sastav, počnu raditi neke moglo bi se reći demokratske prakse iz sredina koje su daleko razvijenije od naše sredine. Ulaskom u rad onih prvih nekoliko mjeseci osjetili smo strašni otpor. Otpor u firmama, otpor u administraciji, otpor u institucijama. I pri tome neću reći da je to bio isključivo politički otpor. Kažem neki ljudi su imenovani možda po rodbinskim, stranačkim vezama u prethodnim periodima. Svi znamo šta smo gledali od rata na ovamo. Ali neću reći da je to glavni uzročnik. Glavni uzročnik otpora je ustvari otpor koji se dešava u svakoj administraciji, u svakom organizaciji, u svim dijelovima svijeta. To je kada uđete u veliku organizaciju gdje imate desetine hiljada zaposlenih. Mi imamo 24.000 u sistemu. Kada neko dođe i kaže sve što ste do sada radili, sada ćemo malo drugačije, otpor je, bez obzira na politiku jer ljudi imaju navike. I moram reći da čak iako neki tvrde da smo puno uradili, a ministri će vam bolje objasniti šta smo uradili, puno je teže raditi kada radite promjenu nego kada nastavljate dosadašnju praksu. I moram vam reći da je to nešto s čim smo se mi suočili, i većina grešaka koje smo počinili, a bilo je

grešaka, je bilo upravo zbog činjenice da je vrlo teško raditi u sredini, bez obzira na političku pozadinu, teško je raditi u sredini gdje vi zahtijevate promjenu jer ljudi ne žele da mijenjaju svoje navike, ljudi ne žele da mijenjaju način na koji su radili godinama. Ljudi žele da im bude udobno. I to nije samo stvar za Sarajevo, za naš Kanton, to je normalna pojava u cijelom svijetu. Promjena je najteža. Ali onog trenutka ako uspijete pokrenuti promjenu onda po sili inercije teško je promjenu i zaustaviti. I ja se nadam da smo upravo na taj način, ovakvom vrstom rada neke stvari pokrenuli da bez obzira na političku scenu i koje stranke su u kompoziciji vlasti, da neke od praksi naslijede i zadrže i nadam se da će građani upravo tako i insistirati. Ja ću vam reći nešto još o okvirno o radu ove Vlade u svojoj završnoj riječi. Ovo je bio kratki uvod. Ja sam prošao kroz, pošto smo moram priznati puno sati smo radili. Evo ja ću vam sada jednu ličnu notu da vam dam. Mnogo je težak ovaj posao. Neki od ministara su ostajali nakon svih što odu, mi srećemo se po hodnicima sa ugašenim svjetlima izlazimo zadnji iz zgrade. Teško je raditi u instituciji ili sistemu sa ovalikim ovlastima. Kada smo putovali, nismo puno putovali, volio bih da smo više, ali kada smo putovali, recimo kada odete u Tiranu, kada odete negdje u regiju ili inostranstvo i kažete šta je ovlast jednog Kantona da ima i policiju i zdravstvo i zdravstveni fond, da ima univerzitet, da ima sve nivoe obrazovanja, svi stanu i kažu pa to je stvarno veliko, to je kao jedna država, što smo mi u jednom trenutku bili optuženi da forsiramo tu republiku Sarajevo. Ali iskreno, kada uđete u Kanton i shvatite kolike su ovlasti, koliko tu ljudskih sudbina upravljate i utičete na njih, strašno je teško i puno se radi. Imajući u vidu koliko smo mi puno radili, ja bih volio i dat ću ovlast ovom prilikom što mi Poslovnik i daje pravo, pitao sam sve članove Vlade poimenično da li žele da se obrate i oni koji su odlučili da se obrate molim ih da budu kratki, do 10 minuta koncizni i da govore o konkretnim stvarima i da prenesete neke od svojih iskustava i osjećaja kako bi Skupština mogla ocijeniti vaš rad. To je suština. Ja ću sada pročitati redoslijed što mi Poslovnik dozvoljava i molim vas da se obratite u ovom redoslijedu kako slijedi: ministar Šteta, Kovačević, Brčić, Filipović, Bašić, Garibija, Katica i Mandić. Ovo su ministri koji su htjeli članovi Vlade koji su htjeli da se obrate i njih ovlašćujem da to urade. Kada oni završe, nadam se da neće trajati predugo, a siguran sam da će biti zanimljivo, ja ću dati sebi za pravo da imam završnu riječ. Izvolite ministre Šteta.

Ministar Haris Šteta:

Poštovani građani Kantona Sarajevo, poštovane zastupnice i zastupnici, poštovane kolege iz Vlade, evo izrazito mi je zadovoljstvo da imam danas priliku da vam se obratim. Nisam često bio na ovoj govornici u ovih godinu dana. Ali sam mislim decidno i jasno odgovarao na pitanja svih zastupnica i zastupnika iz klupe koje sam dobijao. Pokušat ću ne nabrajati sve ono što smo mi u Izvještaju o radu Vlade poslali vama za današnju sjednicu. Želim da napomenem da 26.12. Vlada Kantona Sarajevo je poslala javnosti i svima vama izvještaj 300 mjera koje su bile naša vodilja za rad u ovih godinu dana sa taksativno nabrojanim svim projektima i zadacima, šta smo napravili, dokle smo došli i koja su sredstva utrošena. U ponedjeljak ste dobili drugi pregled u kojem je nabrojano puno više od 300 mjera, jer da bi vi došli do određene mjere iz 300 mjera moralo se poduzeti puno drugih koraka da bi uopšte bili sposobni to da radimo. Došao sam 26.12. u Ministarstvo saobraćaja koje se bavi saobraćajnom infrastrukturom i javnim prevozom. A da nismo imali Zakon o javnom prevozu i Zakon o cestama Kantona Sarajevo. Možete misliti kako je raditi u okolnostima kada osnovne okvire zakonske nemate, kako se morate i trebate ponašati. U prvih par mjeseci snimili smo stanje, kako u Ministarstvu, tako u Direkciji, tako i z preduzeću Gras koje je u nadležnosti Ministarstva saobraćaja. Polovinom godinom je rađeno jedno veliko istraživanje na tržištu, tj u Kantonu Sarajevo, šta građani kažu i koji su im prioriteti kako bi se poboljšao kvalitet života u Kantonu Sarajevo. Jedan od motivatora mojih ulaska u Vladu Kantona i

kompletnu priču u koju smo ušli svi zajedno osim 300 mjera jeste bilo i naše nezadovoljstvo životom u Kantonu Sarajevo. Konkretno moj u dijelu saobraćaja. Na bazi tog istraživanja koje smo dobili početkom 6. mjeseca. Na pitanje konkretno šta vam je najbitnije da se popravi u Kantonu Sarajevo kako bi imali bolji kvalitet života. Prva stavka, većinska je bila javni prijevoz u Kantonu Sarajevo. I nismo prešutjeli. Uхватili smo se svi posla, i mi u Ministarstvu i kompletna Vlada koja nam je dala podršku, kojom ovom prilikom zahvaljujem na podršci u ovih 12 mjeseci i radili na konkretnim mjerama. Neke su bile kratkoročne a neke smo posložili. Šta smo napravili? Mi danas u odnosu na decembar 2018 godine imamo 24 autobuske i minibuske linije više nego što smo imali. Znači to nismo imali u decembru, to danas imamo. Prije svega smo pokrili padinske dijelove grada koji nisu imali prijevoz nikako. Danas imamo na terenu u Kantonu Sarajevo 70 vozila više koji rade javni prijevoz nego što smo imali u decembru 2018 godine. Danas 65000 naših sugrađana, penzionera, đaka i studenata koristi kupone obadva prevoznika u oba prevoznika jedinstveno na način da ne mora kupovati dva kupona, što nismo imali u 2018 godini. Danas radnici u Grasu primaju platu mjesec za mjesec, stigli smo im tri plate zaostatka, što nije bio slučaj u prethodnim godinama. U 2019 godini država je naplatila od Grasa sve poreze i PDV i doprinose kako zaslužuje i kako treba a ne kako smo mi zatekli 160 miliona duga za PDV i za poreznu federalnu. Zadnji korak koji smo napravili znači i ne bježim od odgovornosti, bitnosti prevoza i saobraćaja za zagađenje zraka koje imamo u Kantonu Sarajevo. Svi mi živimo ovdje, i svi to vidimo i osjetimo. Neke mjere se ne mogu napraviti odmah ali smo reagovali kako smo reagovali. Od sljedećeg proglašenja uzbune epizode zagađenja zraka građani u Kantonu Sarajevo imaju besplatan trolejbuski i tramvajski saobraćaj. Ekološki prijevoz kako bi mogli doći do mjesta gdje rade do nekih drugih ustanova. To su stvari koje su već napravljene. Šta smo pokrenuli? Pokrenuli smo nabavku novih trolejbusa, nabavku novih minibusu, obnovu pruge Marin dvor Ilidža. Proširenje trolejbuske mreže do Vogošće. Izgradnju nove pruge Ilidža Hrasnica. Proces nabavke novih tramvaja, uspostava elektronskog sistema naplate u javnom prijevozu, izgradnja novih tramvajskih stajališta. I znate šta je rezultat toga. U ponedjeljak smo dobili istraživanje poznate agencije, koja kaže: „Na upit građanima Kantona Sarajevo bezuslovan upit šta je najviše doprinijelo da se popravi kvalitet života u Kantonu Sarajevo?“ znate šta je odgovor 24% ljudi je reklo javni prijevoz. To je prva stavka. Uvidjeli smo to na pola godine. Radili smo svi intenzivno na tome i popravili smo ga. I tek će se krenuti popravljati. I ostavljam u obavezu svima nama koji budemo tu u narednim godinama da sve ovo što sam nabrojao da se radi, da nastavimo raditi, jer mi moramo doći do toga da kvalitet života u Kantonu Sarajevo bude onakav kakav građani zaslužuju. Druga stavka koju su građani rekli da se popravila po pitanju kvaliteta života u Kanton Sarajevo jeste infrastruktura, dijelom saobraćajna infrastruktura. Mi smo u 2019 godini završili 31 projekat rekonstrukcije i sanacije puteva i cesta u Kantonu Sarajevo. 24 su u toku i 17 je planirano u 2020 godini. 72 projekta ulica po pitanju rekonstrukcije i sanacije u godinu i po. Slobodno pitajte i načelnike svih opština na koji način je Ministarstvo saobraćaja funkcionisalo po pitanju obnove rekonstrukcije cesta u opštinama. Prijedlog opština, Ministarstvo saobraćaja kroz Direkciju realizira te projekte. Bitna stvar jeste da kapitalne projekte koje radimo zajedno sa opštinama ili Federacijom smo jako puno projekata smo započeli i jako puno projekata smo nastavili koji su bili započeti. Nastavili smo intenzivnu radnju Prve transverzale na dijelu od Šipa do budućeg tunela Kobilja glava. Krenuli smo sa čišćenjem prvog dijela Prve transverzale od Tehničke škole do ulice Braće Begića i u završnoj smo fazi dogovora sa EBRD oko kreditira i početka radova na tunelu Kobilja glava. Devetu transverzalu smo doveli do toga da nam na proljeće uz izgradnju kružnog toga spajamo dva kraka opštine Novi Grad jednom novom saobraćajnicom. Otišli smo u Ceste FBiH koja ima u nadležnosti XII transverzalu ovi koji ne znaju brojeve transverzala, radi se o cesti od Stupa,

groblija na Stupu do Aerodroma, tj granice entiteta koja je uvijek preopterećena i pitali ih kada namjeravate da radite ovu cestu jer imamo primjedbe građana, naših građana na uslove vožnje, na gužve, oni su nam kazali mi trenutno nemamo to u prioritetu. Mi smo rekli je li možemo mi to finansirati? Vi gradite, vaša je nadležnost ali mi želimo da mi to finansiramo kako bi građanima što prije dali tu cestu. I dogovorili smo i potpisali sporazum sa Cestama FBiH. Sa federalnom Vladom i Cestama FBiH i autocestama smo dogovorili da budemo učesnik nastavka gradnje brze sarajevske autoceste od Briješća prema Buljakovom pa Pofalićima pa Prvoj transverzali koja je započeta. Završili smo projekat koji je bio započet koji je financiralo Ministarstvo saobraćaja kružni tok u Vogošći u Jošanici, koji je nevjerovatno ubrzo protok saobraćaja ulaska u gradi izlaska iz grada. Dogovorili samo opštinom Novo Sarajevo veliki kružni tok. Spominjem samo neke kapitalne projekte u Pofalićima. I ono što je jako bitno, neću dužiti, jučer na Vladi, ove stvari koje ja nisam imao kada smo došao, zakon i javnom prijevozu tj nacrt i nacrt Zakona o cestama Kantona Sarajevo jučer n a Vladi prošao, poslan je u skupštinsku proceduru i nadam se vjerujem kroz javnu raspravu da će taj Zakon u budućem periodu biti olakšica onome ko bude vodio Ministarstvo saobraćaja i svim građanima Kantona Sarajevo. Ovom prilikom želim da se zahvalim, prije svega građanima Kantona Sarajevo svima vama u skupštinskim klupama, kolegama u Vladi, ponosan sam na no što smo radili, ponosan sam ja sve njih i ponosan sam na građane Kantona Sarajevo . Hvala vam.

Aplauz

Predsjedavajuća Danijela Kristić:
Hvala ministre. Molim ministra Kovačevića.

Ministar Amel Kovačević:

Poštovano rukovodstvo Skupštine Kantona Sarajevo, zastupnici i kolega u Vladi, cijenjeni građani Kantona Sarajevo dobro vam jutro i eselamu alejkum. Prije svega želio bih da izrazim svoju zahvalnost za ukazano povjerenje i veliku čast da u proteklom periodu obnašam veoma odgovornu funkciju koja se zove ministar finansija u Kantonu Sarajevo, te da zajedno sa članovima Vlade učestvujem u procesu donošenja vrlo bitnih odluka za dobrobit građana Kantona Sarajevo u dugom periodu. Neovisno od ishoda današnje sjednice, trud koji je uložan, rezultati koje je ova Vlada postigla u veoma kratkom periodu, kao i podrška javnosti koja je u velikom interesovanjem pratila naš rad, daju mi za opravo da osjećam se zadovoljnim i ponosnim i da takav stojim ovdje danas pred vama. Imali ste priliku da vidite naš izvještaj koji smo pripremili to je taksativno pobrojavanje ključnih postignuća koje je Kanton Sarajevo i svako posebno Ministarstvo napravilo u prethodnom periodu, no međutim vrijeme za ovom govornicom ne želim da iskoristim kako bih pobrojao sve ono što je Ministarstvo finansija i Vlada Kantona Sarajevo uradila u prethodnom periodu, već želim da se građanima Kantona Sarajevo podijelim neka razmišljanja kuda i kako Sarajevo i Kanton Sarajevo i Ministarstvo finansija i finansije u Kantonu Sarajevo trebaju da izgledaju, kuda treba nadarenom periodu. Jednostavna je to priča svakom domaćinu koji zna kako da upravlja sa svojim sredstvima neobično bi bilo da domaćina t ne znam. A da Kanton, ovakav kakav je sa 24.0000 zaposlenika do sada to nije na žalost radio na adekvatan način. Neophodno je da maksimiziramo naše prihode, i da minimiziramo naše troškove i naše rashode. Na žalost, sistem u koji sam došao, nije pokazivao nikakve znakove da se razmišljalo o tome da se maksimiziraju prihodi Kantona Sarajevo. U ministarstvima koje sam imao priliku da obiđem, kao i u Ministarstvu kojem ja sam rukovodio apsolutno niti jedan čovjek nije radio na poslu koji se zove maksimiziranje prihoda u Kantonu Sarajevo. Nismo imali nikakve platforme, nikakvu infrastrukturu, nikakve poluge, nikakve zaposlenike koji bi se aktivno svakodnevno

bavili pričom kako da unaprijedimo prihode u Kantonu Sarajevo. Što se tiče rashoda i troškova sami znate da alokacija resursa koje imamo na raspolaganju u Kantonu Sarajevo nije dovoljno dobra za opšte funkcije koje mi trebamo da pružamo građanima, a kamo li nije dovoljna i dostatna da uradimo one velike stvari koje su neophodne da se urade kako bi ovo društvo preživjelo, kako bi smo opstali, a ne kako bi smo prosperirali o čemu smo imali priliku da razmišljamo godinama ranije, ali te su prilike iza nas i one su prošle. Da bi smo unaprijedili naše maksimizirali naše prihode u Kantonu Sarajevo poduzimali smo različite vrste mjera. Mjere koje su operativne, koje su da tako kažem menadžerske mjere, mjere koje se tiču zakonskih rješenja i mjere koje se tiču nekih novih tehnoloških rješenja koje će osigurati efikasnost i učiniti ovaj sistem upravljivim i ekonomičnijim. Prije svega identificirali smo sve postojeće i tragamo za novim prihodonosnim kanalima Kantona. Uspostavljamo aktivno i centralizirano upravljanje putem resornih ministarstava, upravljačkih struktura u javnim ustanovama, i preduzećima u cilju revidiranja cjenovnih politika te unapređenja naplate javnih potraživanja. Jačamo kapacitete kantonalne inspekcija u cilju poboljšanja evidencija i povećanja naplate javnih prihoda. Identificiramo kantonalnu imovinu radi stavljanja iste u ekonomsku funkciju. Naročito se to odnosi na novac nekretnine, potraživanja i predmete Kantonalne agencije za privatizaciju. Mi smo imali i imamo imovinu Kantona Sarajevo bila ona likvidna u novcu, bila u nekretninama, bila u potraživanjima, bila u nekim predmetima koje trebamo privatizirati, subjektima koje treba privatizirati, apsolutno nisu tretirane na adekvatan način, niti imamo kvalitetnu priču koja je bila, kada je bilo u pitanju upravljanje gotovinom. Mi smo tek ova Vlada je uspjela da napravi kvalitetnu alokaciju resursa iz perspektive investiranja gotovine u Kantonu Sarajevo koja je raspoloživa i koja nije u opticaju i uspjeli smo u zadnjem mjesecu ove godine da pokrenemo priču oko investiranja gotovine u Kantonu Sarajevo, i to je nešto što će u narednom periodu donositi prihode, neovisno oko toga kakva će biti dinamika realizacije projekata koji su predani. Što se tiče nekretnina, ogromna imovina Kantona Sarajevo stoji neiskorištena, zloupotrijebljena često, i na žalost to je nešto što apsolutno nismo imali priliku da upravljamo. Sada se poduzimaju koraci koji su neophodno da se ta imovina registrira, da se tom imovinom kvalitetno upravlja itd. Kada su u pitanju potraživanja, mi apsolutno nemamo sistem naplate potraživanja, niti ranu naplatu niti kasnu naplatu kako treba, sistem koji nam omogućava da ljudi ostaju dužni Kantona Sarajevo je učinio to apsurdnim. Neophodne aktivnosti na tom planu smo također poduzeli. Uspostavljamo i praćenje realizacije poslovnih planova po pitanju ostvarenja prihoda po svim tim prihodonosnim kanalima. I zato nam trebaju i resursi tehnološki, ali i proces je započeo i taj proces je nezaustavljiv. Zakonska rješenja koja smo poduzeli da unaprijedimo naše prihode su prije svega unapređenje postojećih zakonskih rješenja iz oblasti javno privatnog partnerstva i koncesija kako bi se omasovila primjena istih te maksimizirala naplata pripadajućih prihoda. Pripremamo unapređenje poreskih rješenja sa fokusom na porez na imovinu, u cilju redistribucije dohotka u društvu i povećanje javnih prihoda. U završnoj fazi je nacrt o sudskim taksama. Ovdje želim da se osvrnem, u procesu pripreme ovog dokumenta ustanovili smo da naši sudovi ne vode adekvatnu evidenciju o prodatim uslugama niti vode ikakve procese naplate kada su u pitanju te sudske takse. Rješenje koje ćemo ponuditi je rješenje koje će revolucionarno promijeniti ovu priču. U pripremi je nacrt Zakona o registru javnih potraživanja u Kantonu Sarajevo gdje ćemo na jednom mjestu imati crne liste svih onih koji su dužni Kantona Sarajevo po bilo kom osnovu, i onda ćemo sa tim listama koristeći se svim raspoloživim sredstvima legalnim i menadžerskim uspjeti da maksimiziramo naplatu potraživanja kao što su to dobre prakse svugdje u svijetu. Nacrt Zakona o komunalnim taksama također u pripremi taj Zakon je nešto što će također biti ovih dana izbačen iz naše tvornice i donijet će također neke revolucionarne promjene. U cilju postizanja efikasnosti, neophodna nam je digitalizacija procesa. Uspostava jedinstvene

informatičke aplikacije koja će u realnom vremenu pratiti sve javne prihode u Kanton Sarajevo. Uspostava registra javnih potraživanja u Kantonu Sarajevo, uspostava centra za naplatu javnih potraživanja u Kantonu Sarajevo, a započeli smo i dizajn i uspostavu platforme i sveobuhvatne šeme za mobilno plaćanje u Kantonu Sarajevo. Sve gore navedene aktivnosti treba da sinergijski generiraju nove prihode i unaprijede naplatu postojećih javnih potraživanja u Kantonu Sarajevo. S druge strane poduzimanjem odgovarajuće mjere kako bi smo umanjili budžetske rashode i minimizirali troškove Kantona Sarajevo. Navest ću samo neke od operativnih mjera koje smo poduzeli. Objavili smo javni poziv za zaključenje vandalskih nagodbi u cilju izmirenja duga iz radnih sporova čija bi realizacija dovela do ogromnih ušteda u Kantonu Sarajevo, prijavilo se nekih 17 miliona KM ljudi koje smo rebalansom pripremili i bili spremni da iz postojećih resursa 2019 godini 11 miliona isplatimo našim građanima. Na žalost taj rebalans se nije desio, i na žalost samo 2,2 miliona sredstava je obezbijeđeno za izmirenje ovih aktivnosti. Vlada koja bude vodila procese u 2020 godini imat će u budžetu priliku da izmiri obaveze koje su preuzete po tom osnovu. Zaključili smo anekse ugovora o kreditima sa poslovnim bankama u cilju snižavanja ugovorenih kamatnih stopa, tu uštedjeli nekih 42.000 KM. Ukinuli smo naknade za obavljanje trezorskog poslovanja, čime ostvarujemo uštede kroz smanjenje troškova u poslovanju za nekih 600.000 KM na četverogodišnjem nivou. Postigli smo najpovoljnije cijene kada su u pitanju emisije dionica. Postigli smo, koristili smo moratorij na zapošljavanja na neodređeno vrijeme bez prethodne saglasnosti Vlade Kantona Sarajevo radi stavljanja pod kontrolu zapošljavanja u javnom sektoru. Argumentovano i sa aspekta javnog interesa opravdano smo spriječili povećanje primanja zaposlenika na budžetu kako su zahtijevali granski sindikati koje nije praćeno poboljšanjem kvaliteta pruženih usluga. Pojačali smo kontrole planiranja i zakonskog i namjenskog trošenja budžetskih sredstva od strane budžetske inspekcije i preduzeli odgovarajuće mjere po svim osnovama. Uspostavili smo jedinicu za internu reviziju koja svojim nalazima i preporukama planski, ciljano djeluje na poboljšanje procesa i unapređenje efikasnosti upravljanja. Sproveli smo analizu rashoda budžeta Kantona Sarajevo u saradnji sa UNDP u cilju dugoročne implementacije preporuke iz predmeta tj analize. Donosimo programe saniranja i reorganizacije na osnovu dubinske analize stanja JP u cilju njihovog uređenja po principima optimalne kadrovske politike i efikasnog korištenja materijalnih sredstava. Također neophodne su nam i strukturalne promjene. I nova zakonska rješenja da su u pitanju alokacija postojećih resursa. Konsolidacija u javnom sektoru kao najvažniji faktor u sveobuhvatnom smanjenju rashoda i efikasnijim upravljanju resursa kroz redizajniranje čitavih sektora u različitim resorima kao što su JP, ustanove obrazovanja, kulture i zdravstva. Dakle mi ovakvi kakvi smo, kao jedan bolesnik nećemo moći preživjeti ako ne dođe do konsolidiranja naših sektora, ako ne budemo imali kvalitetniji redizajn onoga što već imamo kako bi smo smanjili potrošnju, kako bi smo smanjili ono što ovo društvo treba za neke druge stvari. Za rješavanje ključnih problema kada je u pitanju ekonomija, ekologija i demografija. Prijedlog Zakona o registru finansijskih obaveza sa ciljem pojačanja finansijske discipline također je izašao iz naše fabrike i stavljen u skupštinsku proceduru. Centralizacija i profesionalizacija javnih nabavki sve neophodno za smanjenje troškova nabavke, naknada za rad, u komisija i broja poništenih javnih nabavki. Sveobuhvatna analiza unutrašnje organizacije i sistematizacije radnih mjesta sa mapiranim procesima i revidiranjem sistema plata i naknada u Kantonu Sarajevo. Donošenje nove strategije upravljanja dugom Kantona Sarajevo i finansijskih obaveza u Kantonu Sarajevo. Kroz donošenje nove legislative osigurali smo aktivniju ulogu osnivača Vlade Kantona Sarajevo u procesu nadzora nad radom upravljačkih struktura u javnom sektoru Kantona Sarajevo. Uvođenjem sistema upravljanja u javnim finansijama Kantona Sarajevo je bazirano na informacionim tehnologijama što obuhvata cjelokupan proces trezorskog poslovanja pripreme i obračuna plata, evidencije

zaposlenika, evidencije zadataka, izvještavanja, dovodi do optimizacije procesa i rješavanja uskih grla koje rezultiraju povećanjem administrativnih troškova. To je jedan od ključnih zadataka koje sam vidio, dakle na žalost sistem koji ima 24 000 zaposlenika koji ima preko 200 budžetskih korisnika nije imao adekvatan informacioni sistem koji omogućava kvalitetnu kontrolu, komunikaciju i prohodnost dokumenata i informacija između pojedinih subjekata. To je nedopustivo i tu smo poduzeli određene korake i nadam se da će plodove toga imati priliku da vide građani Kantona Sarajevo ubrzo. Uspostava registra finansijskih obaveza u Kanton Sarajevo također aplikacija koja je gotova i spremna ovdje hoću da kažem sljedeće; ušli smo u historiju bolesti ovoga kantona, ustanovili smo dijagnozu, propisali smo terapiju, pacijent često odbija saradnju, ali smo uvjereni da bez ovih reformi, svakodnevno gubimo dragocjeno vrijeme i resurse koji su nenadoknadivi za ovo društvo. Hvala.

Ministrica Lejla Brčić:

Dobar dan i lijepo pozdrav svim prisutnim i svima koji nas danas gledaju. Politički je vjerovatno nepoželjno ono što ću reći, marketinški pretpostavljam nepopularno, ali potpuno iskreno moram priznati da sam pod snažnom emocijom, prvenstveno radi siline poruka i podrške građana koju smo moje kolege i ja jutros i ovih dana dobili, i to je nešto na čemu se ja moram javno zahvaliti i to je ustvari jedan od razloga zbog kojeg sam prihvatila iako sam nagovarala kolege da osim premijera niko od nas drugih se ne obraća danas. Ja ne vjerujem u finalne izvještaje, ne vjerujem u ad hock ubjeđivanja da je neko nešto dobro radio kroz neke vremenski period. Ja vjerujem u kontinuiran rad i mislim da smo se mi kao Vlada proteklih godinu dana tako i ponašali. Svakodnevno smo izvještavali sve vas o onome na čemu radimo, kako radimo i zbog toga ste ustvari imali mogućnost da uočavate i greške koje smo pravili i da nas korigujete, i hvala vam i na tome, pored ove podrške koja je pružena. Ono što želim danas reći i što smatram da je osnovna patriotska obaveza svakog ko iole voli ovu državu i ko iole na bilo kakav način razmišlja da doprinese razvoju BIH i ovog društva je da ključna pretpostavka koju od danas pa svih narednih godina koje dolaze moramo imati na umu a to su zastrašujući podaci koje smo čuli neki dan da BIH ima 2,7 miliona stanovnika, a je BIH u posljednjih pet godina da je smanjen broj studenata za 21 000. da je smanjen broj učenika za 17 000, da smo izgubili gotovo 900 odjeljenja. To su podaci koje uvijek moramo imati na umu bilo kakvu odluku da donosimo ako obnašamo javnu funkciju. Zašto u svom govoru nikada ne korist političari, nego obnašaoci javnih funkcija, zato što ja duboko vjerujem u neki dan sam razgovarala sa kolegom Bašićem pa je on rekao da je to ustvari skandinavski sistem i želim da ugradimo taj sistem da građani počnu razumijevati da smo mi odgovorni njima, da smo mi tu zbog njih i da nas oni plaćaju. Prije neki dan sam gledala jednu emisiju u kojoj neka državljanka Amerike pokušava da se vjenča sa partnerom koji nije državljanin SAD i on treba da dobije tu neku vizu i negdje administrativno nešto zapelo. I ona u jednom momentu izgovara rečenicu ja plaćam poreze ovoj državi i imam pravo da dovedem svog partnera i da se vjenčan ovdje. Ja želim zaista da građani BIH počnu razmišljati na takav način, da počnu očekivati od javnih funkcionera odgovornost, da počnu očekivat da rade, da počnu kritikovati kao što su nas kritikovali u ovih godinu dana jer se jedino tako poboljšava sistem, jedino se tako poboljšava društvo. U svom uvodnom ekspezeu kada smo imenovani 26 decembra, ključna stvar, barem ono što je meni ostalo u memoriji pored svih 300 mjera i svega što je potpisano i ono što nam je bila programska platforma na kojoj smo radili i na kojoj radimo, je rečenica koju je premijer izgovorio, a to je da nam je cilj vratiti povjerenje građana, da nam je cilj vratiti nadu građanima. Čini mi se na osnovu, evo i zvaničnih istraživanja i svega ovog što mi proživljavamo ovih dana da smo uspjeli početi ostvarivati taj cilj. To nije cilj koji se može ad hock ostvariti, to je cilj koji se mora zasluživati svakodnevno. To ne može biti ad hock

aktivnost jer jednako kako smo i mi zaslužili povjerenje građana, lošim radom u veoma kratkom periodu bi ga jednako tako izgubili. Ono što je bila ključna aktivnost kojom sam se je bavila u ovih godinu dana je borba protiv korupcije. Zašto borba protiv korupcije? Kod jako puno pripisa koje smo u ovih godinu dana donijeli optuživani smo od strane dojučerašnje opozicije a evo od posljednjih mjesec dana i zvanično pozicije, dijela ne svih, da je to populizam, da su registri koje uvodimo, da su podaci koje objavljujemo, da su imovinski kartoni populizam, da oni nemaju svoju suštinsku svrhu, a time želimo da se dopadnemo javnosti. I to je zapravo ključna razlika između politika koje mi zagovaramo i koje smo pokušali uspostaviti i ugraditi sistem, i ovih politika koje, hajde da kažemo zagovara druga strana. Pretpostavljam da ste pratili u medijima zadnjih dana u susjednoj Hrvatskoj je jedan ministar iz Vlade zato što nije prijavio svu imovinu podnio ostavku iako je vrlo jasno rekao da nije ništa sakrio, da ima sve dokaze za svu svoju imovinu, dakle ništa nije problematično tu. Ali je zaboravio prijaviti i smatra odgovornim i moralnim da se povuče sa te pozicije. Mi u BIH imamo načelnika koji u sličnoj situaciju rekao da ne priznaje Kanton, da ne priznaje vas 35 ovdje koji sjedite koji ste predstavnici građana, da ne priznaje nas iz Vlade i svih Vlada koje sjede evo na ovoj desnoj strani. To su razlike koje mi želimo promijeniti. Otvaranje podataka prema građanima nije populizam. Otvaranje podataka prema građanima je davanje alata, i slanje jasne poruke da postoje ljudi koji ne žele ništa da sakriju, koji žele da daju mogućnost da oni koji prate naš rad i da oni koji nas plaćaju uočavaju nepravilnosti. I da nas mogu korigovati i da nas mogu pozivati na odgovornost i da mogu očekivati da budemo moralni i da podnesemo ostavke u situacijama kada napravimo tako kardinalne greške. Tako da čini se da imamo vrlo jasnu situaciju kako se staje na koju stranu. Ja ću za kraj samo reći da mi je drago i da sam ponosna što sam bila dijelom tima koji je drago mi je što na zakonitoj sjednici danas raspravljamo i glasat ćemo o nepovjerenju Vladi. Izuzetno sam sa aspekta struke sretna zbog toga. Drago mi je što sam bila dijelom tima koji je učestvovao da sačuvamo Ustav Kantona Sarajevo, da sačuvam pravni poredak u Kantonu Sarajevo, imamo tu i predstavnika OHR ja sam u nekoliko navrata se zahvalila i ponovo izrazitu zahvalnost svi poštenu građani Kantona Sarajevo duguju Uredu visokog predstavnika jer bez stava OHR čini mi se da se pojedinci ne bi vratili za sto, ne bi vratili u zakonske okvire i ne bi omogućili evo danas da potpuno demokratski u skladu sa Ustavom i zakonima BIH, ukoliko postoji parlamentarna većina izglasate nepovjerenje Vladi na prvoj narednoj sjednici izaberete nove ljude. I za kraj, pored zahvalnosti svima ili većini vas koji ste podržavali rad ove Vlade ja moram posebno se zahvaliti mojim kolegama i kolegicama iz Vlade. Čast je biti dijelom ovog tima. Mislim da je to najvažniji uspjeh i uzrok ovakvog rada Vlade. Naše zajedništvo. Niste imali i nemate ministre koji su radili u svojim resorima. Imate tim ljudi koji je svaku aktivnost dogovarao zajedno, koji je svaku aktivnost provodio zajedno i koji ni u vrijeme ovih najvećih političkih turbulencija i prljavih igara političkih šefova između sebe nije pokvario odnose, nisu pale teške riječi. I evo jučer, kako je kolega Šteta spomenuo smo jednoglasno donijeli neke vrlo važne propise koji će nadam se doprinijeti i poboljšati život građana Kantona Sarajevo. Hvala lijepa.

Ministar Damir Filipović.

Ja vas prije svega sve srdačno pozdravljam, posebno građane Kantona Sarajevo iz razloga što moje obraćanje nije zastupnicima nego prvenstveno građanima Kantona Sarajevo. Ovo nije i ne smije biti vapaj, ovo je ono da kažemo građanima Kantona Sarajevo šta smo stvarno radili u kakvoj atmosferi smo radili i šta smo postigli zahvaljujući takvoj atmosferi. Sve odluke izuzev možda dvije tri odluke u ovoj Vladi donošene su koncenzusom bez prepirki, bez svađanja, jedine intervencije u ovoj Vladi su bile kao korektivni faktor smo bili jedini drugima da postignemo stvarno konačan cilj, a to je dobrobit svih ovih građana. Sve ono što

smo radili, naravno dostavili smo i u izvještaju, i izvještaj je javan. Naravno treba neke stvari ponoviti i istaći jer mi imamo kratko pamćenje. Želim da istaknem da smo ubrzali dinamiku u odnosu na prethodni period kada je riječ o javnim objektima mi smo uspostavili šestogodišnju dinamiku energetske efikasnosti, energetske sanacije javnih objekata. Nekad je to bilo 7 ove godine 48. ostavili pretpostavku finansijsku i također spisak objekata u obavezu budućoj Vladi da implementira novih 40 objekata iz EBRD kredita odnosno ino zaduženja. Također ostavili 1,5 milion KM za dodatne objekte koji će biti podvrgnuti ovoj sanaciji. Proveli javni poziv e modela za privatne objekte, odnosno oblike kolektivnog individualnog kolektivnog stanovanja gdje smo od 380 aplikanta došli na 293 od čega 99 je kolektivni oblik stanovanja a 114 individualnih oblika stanovanja. Nismo implementirali zato što opće nisu bile u stanju da svojim rebelansima budžeta predvide onaj iznos procentualni koji su bili u obavezi kako bi zaokružili finansijsku konstrukciju. Mi bi ispunili naravno zanemarujući opštine, to da nismo morali iz budžetskih sredstava subvencionirati plin. Uradili smo to u najboljoj namjeri da amortiziramo cijenu, da zaštitimo kvalitet zraka, volio bih da sam vidio da se malo više čitalo a manje da kažemo bavili populizmom znali bi šta su interventne, šta su dugoročne mjere i vidjelo bi se da je ova Vlada imala jasan strateški, planski pristup ka rješavanju problema kvaliteta zraka u Kantonu Sarajevo. Volio bih da su čitali kantonalni ekološki plan pa bi znali da mjere nisu samo u ovom Ministarstvu i onda bi prepoznali u svim drugim ministarstvima da se implementiraju određene mjere. Uradili smo niz stvari kojima stvarno mogu da se ponosim i da dignem glavu i zbog sebe i zbog svojih kolega i prođem mirno gradom ne osvrćući se i ne razmišljajući da li će me neko prozvati za nešto. Da li će neko reći nešto ružno. Mislim da u takvom jednom sistemu, gdje se polazi od pretpostavke da je Vlada nešto negativno, napraviti takav ambijent da smo mi pozitivna Vlada je ogroman uspjeh. Ja se nadam da će buduća Vlada nastaviti istim intenzitetom, da će opštedruštveni interes staviti ispred privatnog interesa, da nećemo nailaziti na probleme i stvari kao što su prodavanje stanova licima koja nisu bila na rang listi, koja nisu u kategorijama predviđenim odlukama, licima koja su u rodbinskom srodstvu pojedinih čelnika iz prethodnog saziva. Da nećemo dolaziti u takve stvari nego da će to biti ovaj put koji smo ucrtali, put koji će pokazati jasan pravac da nemamo ove brojke o kojima je Lejla prije mene govorila. Ja stvarno iskreno želim da kažem da neke stvari su se po prvi put pokrenule u ovom Kantonu. Ono na čemu sam istrajao do kraja i zašto sam se obavezao na samom početku, gdje sam zatekao 300.000 KM za rješavanje stambenog pitanja mladih, gdje nisam odustao dok nismo zaokružili finansijsku konstrukciju da svi mladi aplikanti koji su ispunjavali uslove dobiju taj iznos, do samog kraja smo se borili za to i sa tih 300.000 KM došli smo na cifru od 4,580.000 i svi su isplaćeni. S ovim se posebno ponosim vjerujte mi. Uveli smo neka systemska rješenja kao što je registar ratnih šteta. Prije je to bilo u kojoj opštini ima, kako ćemo to uraditi, hajde ovdje živi taj i onda na taj način se završavalo i uzimali prioritete. Sada imamo registar i po tom registru treba da se vodi implementacija ovog projekta. Znači uspostavili smo jedan systemski pristup svakom problemu u Kantonu Sarajevo. Naravno o svemu što je radilo ovo Ministarstvo na čijem čelu sam bio u prethodnom periodu možete pročitati u izvještaju ali ne možete pročitati ono što je najbitnije da je ova Vlada bila jedno tijelo. Jedna duša. Da je ova Vlada radila u punom kapacitetu 0-24 sata, posvećana, žrtvujući sve ono privatno kako bi postigli konačni cilj. I bojim se, da ovako kažem obzirom da smo na početku bili pojedini okarakterisani kao pripravnici, ne daj bože da nismo bili pripravnici. Šta bi tek onda napravili. I još jednu stvar imam da kažem za kraj. Kratko ću. Kandidovat ću se za Sabor IZ na narednim izborima, to moram da kažem zato što Sabor IZ ne pripada jednoj političkoj opciji, niti šablonima koje ste napravili. Hvala.

Ministar Haris Bašić:

Cijenjeno rukovodstvo Skupštine, cijenjene zastupnice i zastupnici koji ste prisutni u sali, drage kolegice i kolege iz Vlade, i građanke i građani Kantona Sarajevo, izvještaj je Vlada dostavila, on se nalazi na web stranici i nemam sumnje da ga skoro niko nije pročitao ali evo ipak izdvojiti ću par stvari, i vezano za rad Ministarstva privede i mene lično. Dakle u proteklih godinu dana od našeg imenovanja prvi fokus sam stavio u saradnji sa svojim saradnicima na revitalizaciji Ministarstva koje je bilo dosta zapušteno. I vidjelo se od samog početka da Ministarstvo privrede u konfiguraciji Vlade nije predstavljalo mnogo, nije značilo mnogo osim što je značilo određenu vrstu bankomata za isturene centre moći. O tome smo govorili u proteklih godinu dana mnogo s obzirom da su određeni broj javnih preduzeća a i Turistička zajednica u ingerenciji rada Ministarstva privrede i članovi Skupštine Kantona Sarajevo kao i Vlada kao i građani su bili upoznati sa mnogim neugodnim i negativnim stvarima koje smo imali priliku da zateknemo. Uložili smo mnogo napora da revitaliziramo te institucije i da vratimo na ispravan kolosijek kako bi mogle da rade i servisiraju građane. U drugoj polovini svog angažmana u protekloj godini odlučio sam u saradnji s Vladom i parlamentarnoj većinom koja je tada bila aktuelna da se fokusiram na zakonske inicijative tako da sam Skupštini Kantona Sarajevo predstavio izmjene i dopune Zakona o koncesijama, izmjene i dopune Zakona o šumama koje su još uvijek u skupštinskoj proceduri pa se nadam, mada sumnjam naravno da će se i nakon dolaska nove Vlade ti zakoni ozbiljno razmotriti, eventualno usvojiti i prevashodno zato što su reformske prirode i tiču se poslovne zajednice Kantona Sarajevo koja će omogućiti veće prihode kroz koncesije Vladi kao što će omogućiti rasterećenje parafiskalnih nameta kao što su Zakon o šumama. Time ću ovaj dio koji je oficijalan i kojeg u suštini rijetko koga zanima ostaviti. I ponovo iskoristiti ću priliku da kažem nešto kao i moje kolege da mi je bilo zadovoljstvo raditi u timu sa ovom Vladom. Pošto se dugo bavim politikom i na visokim sam bio znam da od nove Vlade pored izbora nema ništa. Prava Vlada koja će eventualno raditi nešto će doći pod kraj godine, nakon lokalnih izbora kada će se definitivno konfiguracija u Kantonu Sarajevo izmijeniti. Ali svejedno, šta god da bude želim svima uspješan rad u nastavku. Želim da barem dijelom nastupe sa entuzijazmom kojim smo mi nastupili mada sumnjam da će kolegijalni odnosi biti na razini koji su b8ili između nas. I u tom kontekstu zahvaljujem svima koji su nas izabrali jer sam imao priliku da upoznam ove ljude i da zajedno s njima sarađujem i ovo je za nas jedan novi početak što ćete imati priliku da vidite veoma brzo. Ovo se obraćam građanima, naravno, ne skupštinskoj većini, koju u suštini ne zanima šta ću reći, niti je to bitno. Da građani znaju da je ovo za ovu ekipu jedan novi početak. Da će nas ako bog da veoma brzo vidjeti u jednom novom angažmanu koji slijedi i da će imati priliku, eventualno ako su zadovoljni bili našim radom, što su pokazali kroz određene istraživanja, da i valoriziraju na biračkim mjestima. I ponude nam novu šansu da radimo za sve. Hvala lijepo.

Ministar Malik Garibija:

Zahvaljujem predsjedavajuća. Sve vas srdačno pozdravljam i zahvaljujem se na prilici da kažemo nešto i odbranimo ovo čime smo se bavili u proteklom periodu. U proteklih godinu dana služio sam na poziciji ministra za rad, socijalnu politiku, raseljenja lica i izbjeglice Kantona Sarajevo. Radili smo jako puno. Međutim sve ono što smo uspjeli je u suštini timski napor i timski trud jednog velikog broja ljudi u samom Ministarstvu, timski rad ove Vlade, timska podrška ovih ljudi ovdje u Skupštini i jedna puno šira podrška jedne ekipe iz čitavog Kantona. Ja se zaista ovim putem moram svima najiskrenije zahvaliti. Ono što je prvi dojam od čega moram početi je da se na socijali štedilo. I ja vas molim, da vi koji preuzimate vlast, ukoliko promijenite ovu Vladu, imate na umu da se to više ne smije raditi. Ne smije se na onima koji najmanje imaju štediti. Pokušat ću dati neki kratki osvrt na projekte pogotovo na one projekte koji su važan iskorak, neću spominjati akicone planove, strategije i slične stvari

koje bi se vjerovatno desile i da nismo mi bili tu u Vladi. Što se tiče sistemskih projekata koji su možda ovdje i najmanje vidljivi a najviše vrijedni projekti moram ih nekoliko izdvojiti. Dakle prvo kada smo došli u Ministarstvo morate znati da u Ministarstvu rada i socijalne politike postoji čitava šuma propisa preko 80 zakonskih i podzakonskih akata kojima se vode i niko nije imao jasan odgovor šta to mi sve uopšte nudimo građanima. Evo da smo firma koji je to naš proizvod. Dakle šta nudimo građanima. Pokrenuli smo projekat koji se zove mapa prava i usluga Ministarstva za rad socijalnu politiku raseljena lica i izbjeglice Kantona Sarajevo. I vrlo vrijedno smo ušli u rasplitanje sve te šume propisa da probamo da definišemo, ali isto tako i da ponudimo građanima jasnu i preciznu sliku da vam ne treba štela u opštini da znate šta su vam prava i da se ne morate raspitivati dalje. Dakle 115 prava i usluga smo vrlo jasno razložili. Pokazali građanima koji su to, postoji internet stranica „mapa prava i usluge.ba”. Postoje vrlo jasni podaci na osnovu kojih Zakona, kojih podzakonskih akata, kojih članova, koliko novca možete ostvariti koje dokumente morate predati, šta su to uslovi, koliko novca Kanton troši na to itd. Dakle uspjeli smo to rasplesti ali osim ovog što smo dali građanima, takve informacije na slobodu korištenja isto tako jako bitno ljudima koji se ovim bave, jedan jako važan alat da mogu dalje razvijati svoje socijalne politike. Također kreirali smo jedinstveni registar korisnika socijalnih naknada. Prije nego što ću ući u Ministarstvo analize i studije koje sam čitao govorile su o nekih 37 000 korisnika ako se ne varam. Po dolasku bio je neki interni podatak 33 000 ljudi, međutim niko nije znao ko su tačno ti ljudi. To je bio zbir nekih različitih eksel tabela i slično. Počeli smo sa, zahvaljujući čitavom ovom raspletenom projektu kojih prava i usluga šta to sve imamo, počeli smo s projektom kako da osiguramo taj jedinstveni registar. Napravili analizu svih softverskih rješenja koja imamo na tržištu, analizu jednog rješenja koje je nekada davno početo u Ministarstvu, potrošena su neka sredstva ali nikada nije zaživjelo i ovoga što imamo na nivou FBIH spušta se prema kantonima i opštinama. Donijeli smo odluku koje je to najpovoljnije rješenje i onda kreirali taj jedinstveni sistem.u ovom procesu najveći nedostatak bilo je oko 20.000 korisnika iz oblasti porodične zaštite. Dakle ti ljudi jednostavno nisu bili u tom jedinstvenom sistemu. To je bio njegov najveći nedostatak uz sjajnu saradnju sa svih 9 opština moram zaista pohvaliti ljude iz svih 9 opština smo uspjeli rasplesti i ovu situaciju, unijeti sve te korisnike. Napravili smo kasnije analizu gledali gdje se podudaraju gdje se ne podudaraju podaci i riješili smo dosta tih problema. Samo na ovom projektu je preko 30.000 KM godišnje ušteda na ljudima kojima smo plaćali zdravstveno osiguranje a mrtvi su. Dakle samo na ovom projektu. 30.000 godišnja ušteda na ljudima kojima smo uredno plaćali zdravstveno osiguranje, a to su ljudi koji su mrtvi. Zahvaljujući jedinstvenom sistemu mi više nimao taj problem. Sada odmah imamo podatke kada nekog pokušate unijeti platiti mu nešto, ako je on mrtav pokazuju se između ostalog odmah podaci. I danas tačno znamo u broj, u ime u ovom momentu oko 27.000 korisnika. Pogledajte razliku. Kada planirate politike vi mislite da imate 33.000. zapravo govorite o 27.000 korisnika. To su drastične razlike. I tačno svaki mjesec koliko novca, po kojoj usluzi, na koji način, za koliko članova porodice itd. Sve potpuno transparentno na jednom mjestu i ono što je jako važno, na taj način možemo kontrolisati eventualne zloupotrebe u sistemu socijalne zaštite. Također prelazak na isplate bankovnih, dakle 22 miliona KM smo u kešu plaćali ljudima godišnje. 2019 ljudi u opštinama kucaju na nekim starim mašinama, to su oni printeri stari, nosaju ručno te uplatnice. 22 miliona poštari nosaju po ulicama. Imamo jednu potpuni problem ekonomske inkluzije koja je nešto specifično za ljude koji su socijalno ugroženi itd. Uspjeli smo, pregovarali smo sa 17 banaka, odnosno sa više. Sa 17 banaka smo potpisali ugovor, uključujući sve banke u FBIH koje imaju sjedište u FBIH, dogovorili nulti trošak za KS, i dogovorili posebne pogodnosti za sve naše korisnike. Neke od tih banaka su dale 0 KM za otvaranje računa i 0 KM za vođenje računa. Štedimo 210.000 KM godišnje na troškove poštarine. Dakle samo na ovom projektu.

210.000 KM na troškove poštarine. Završena je prava faza socijalne karte. Ovo su, ova četiri projekta s eoni međusobno prepliću zato što su bitni jedan za drugi ali evo nemam dovoljno vremena da vam sve obrazlažem. Dakle završena je prva faza socijalne karte, jako dugo se o njoj priča, nekada 2000 mislim da je pokrenula naša Besima Borić. Jako puno posla je tada urađeno, međutim zbog promjene vlasti nije došlo do kraja. Jedan sjajan tim ljudi okupljeni vrhunski stručnjaci, naši domaći, također puna saradnje sa OSCE koji je uključen u Ekspertni tim, puna saradnja zahvaljujući GIZ i Njemačkoj ambasadi, puna saradnja i sa jednom berlinskom kompanijom koja radi za njihova Ministarstva za njihove lokalne i regionalne zajednice na sličnim projektima. Završena prva faza, završen pilot projekat, mašina apsolutno podmazana i pripremljena novac osiguran u budžetu. Sve što treba da uradi naredna Vlada ako bude izabrana da pusti tu mašinu da radi, u ovom momentu nemate nikakav problem i nikakvu prepreku, može samo biti nedostatak političke volje da se druga, odnosno finalna faza ovog projekta dovede do kraja. Odatle imate i neke jako vrijedne druge stvari kao što je recimo jedan ogroman i vrlo opsežan obrazac, koji ima više od 250 varijabli i koji se u naknadnim fazama nakon socijalne karte može koristiti za jedinstvenu živu socijalnu kartu svih korisnika socijalnih usluga što je jako važno. Građani čak i ljudi u Skupštini, vrlo često miješaju socijalnu kartu sa registrom stanovništva. Nisu u pitanju iste stvari. Kompleksna država, registar stanovništva je jedna puno šira priča. Što se tiče povećanja socijalnih naknada, 11 godina stagnira povećanje socijalnih naknada. 11 godina. Niko, ali apsolutno mi niko ne može reći da 11 godina nije bilo para za povećanje socijalnih naknada koje košta manje od ratraka koji ne može da ide uzbrdo, manje od lifta koji ne može da radi zbog prejakog vjetra itd. 11 godina je to stagniralo. U toku ove godine dva povećanja. Ukupna vrijednost povećanja 10%. u budžetu za narednu godinu obezbjeđeno još 10 % povećanje. Imate sredstva na računu, samo vam treba politička volja da kažete hoćemo da povećamo naknade. Ovim naknadama je obuhvaćeno 23 000 korisnika. Nisu obuhvaćeni korisnici invalidnina dakle neratnih i civilnih žrtava rata. Vrlo često dobivamo pitanje, građani moraju znati u pitanju je odluka sa Federacije. Dakle mi ne možemo povećati te invalidnine, može Federacija. To je nešto što građani moraju znati. Također povećan broj ljudi koji ostvaruje subvenciju za grijanje na 1370 domaćinstava s prethodnih 870. ovdje smo uključili najugroženiju kategoriju ljude koji primaju stalnu novčanu pomoć. To je grupa najugroženijih ljudi u Kantonu Sarajevo, dodali smo im i ovo pravo i osigurali im i ovo pravo pored prava koje trenutno imaju. Također povećali smo subvenciju grijanja sa 450 na 500 KM godišnje. Što se tiče podrške osobama sa invaliditetom ovo je sigurno grupa, vrlo je šarolik i ogroman resor ali sigurno grupa koja najmanje podrške ima, a najviše potreba su osobe sa invaliditetom. I da toga budete svjesni. A dio problema je u tome što najmanje problema osobe sa invaliditetom imaju u resoru koji ih predstavlja slično kao što je za zagađenje govorio moj kolega Damir, potreban je aktivan angažman kompletne Vlade i svih resora da bi se riješili problemi osoba sa invaliditetom. Jako je bitno znati da podrška osobama sa invaliditetom nije socijalna pomoć, ne dajete vi njima socijalnu pomoć, omogućavate im osnovno ljudsko pravo, niko od njih nije birao da bude osoba sa invaliditetom. Ali oni koji plaćaju poreze, koji finansiraju nas koji ovdje sjedimo ne mogu da uđu u ustanove koje treba da ih predstavljaju i koji treba da rade za njih. Između ostalog jedan od najvećih problema, imali smo sjajnu saradnju sa udruženjem osoba sa invaliditetom i sa nizom drugih organizacija osoba sa invaliditetom. Jedan od projekata na koji sam zaista najponosniji, preko 3 miliona KM ulaganja u uklanjanje arhitektonskih barijera. Dakle uklanjanje arhitektonskih barijera je prva prepreka ne mogu da dođu do problema na šalteru ljudi. Zato što ne mogu ni da uđu u zgradu ljudi. Obuhvaćeno javni poziv, poslano 49 ustanova se obratilo, 43 mislim da su ostvarila pravo, procijenjena vrijednost preko 3,5 miliona mi smo osigurali, nešto više od 3 miliona također UNDP i služba za zapošljavanje dodatno doprinijela. Uklanjaju se

arhitektonske barijere u školama, bolnicama, socijalnim ustanovama, sudovima, domovima zdravlja, ambulancama, fakultetima itd. Da ne nabrajam. Institucijama kulture. I ono što je jako važno, većinu u komisija koja odlučuje kome idu pare, kojim redoslijedom čine osobe sa invaliditetom. Neće sjesti ministar i reći ja sam dobar sa onim direktorom, daj prvo njega. Osobe sa invaliditetom su većina u toj emisiji i oni odlučuju kako, kome i kojim redoslijedom ide ovaj novac. Završen projekat „Životni put osobe sa invaliditetom” da se vratimo na onaj problem s početka, ne znamo, tumaramo u mraku, pojma nemamo ni koliko problema imamo. I onda se sapletemo o neki problem i onda kažemo e vidi hajmo ovo rješavati. Dakle to nije strateški pristup. Napravili smo jedan projekat koji se zove Životni put osobe sa invaliditetom, gdje smo skenirali probleme različitih 15 grupacija osoba sa invaliditetom i njihovih porodica po različitim periodima, dakle od 0-3, 3-6 itd, različitim periodima u životu i različitim oblastima života, zdravstvo, školstvo, rad zapošljavanje, slobodno vrijeme itd. Rezultat je ogroman pregled u preko 540 polja gdje vi tačno sada možete znati u redu šta je problem evo slijepe osobe u periodu od 40 do 60 godina u oblasti zdravstva. Odete i pogledate, imate sve taksativno naloženo, sa preko 15 fokus grupa stotine sati uložene u taj posao, imate sjajan alat da radite dalje. Konačno smo upalili svjetlo u toj mračnoj sobi i sada imamo pregled svih problema koji su pred nama i sada možemo ih redati i rješavati tim redoslijedom. Izdvojeno je 730.000 KM za podršku udruženjima između ostalog i osoba sa invaliditetom ali i različitim socijalnim i humanitarnim projektima. Nastavili smo stabilnu podršku Koordinaciji osoba sa invaliditetom i za narednu godinu im povećali budžetiranje za 20% računajući na osnivanje kancelarija za osobe sa invaliditetom. Jedna od strašnih stvari koje vam se dese kada vam priđu ljudi koji žive zatvoreni vrlo često u svoja četiri zida i kažu ja se nemam ni kome obratiti. Otvaranje kancelarija za osobe sa invaliditetom će biti konačno ta spona i to mjesto. Također donešeno je sistemsko rješenje za održavanje spomenika civilnim žrtvama rata. Prilaze mi na kod Tržnice ljudi i kažu mi godinama molimo da se spomenik očisti. Da se očisti. Napravili smo pregled, kontaktirali sve opštine, kontaktirali sva udruženja, civilnih žrtava rata, porodica, napravili kompletan pregled, registar svih spomenika civilnih žrtava rata, kada su se nekada pravile niko nije razmišljao o tome ko će ih održavati i preuzeli obavezu da Kanton Sarajevo od sada za sve, od njih ne znam tačno 80 i nešto, mislim da je u pitanju samo 6 ima tačno osoba odnosno institucija koja ih održava. Kanton je preuzeo odgovornost za održavanje svih ostalih i od sada je Kanton taj koji čuva dignitet ljudi koji su izgubili živote u agresiji na BIH. U oblasti rada i zapošljavanja radili smo na reformi tržišta rada. Osnovali jednu ogromno tijelo koje se zove Vijeće za reformu tržišta rada. Tu smo uključili eksperte ljude iz Udruženja poslodavaca različitih komora, privredne, obrtničke, ljude sa fakulteta i svih ministarstava koji su zaduženi i uradili desetine i desetine intervjua i razgovora sa ljudima koji su poslodavci, koji rade za poslodavce, koji dovode ovdje različite investitore i slično, da vidimo koji su to ključni problemi, šta i kako da raspetljivamo. Paralelno sa tim smo i te probleme i mnoge od tih problema i rješavali što će se vidjeti možda kasnije. Uvedeni supervizori za zapošljavanje i novi standardi transparentnosti u zapošljavanju u ustanove i ne institucije ali ustanove i preduzeća Kantona Sarajevo uz veliku podršku Ministarstva pravde. I između ostalog, osim supervizora od sada i na internet stranici ne mora nema više skrivenih oglasa. Svaki oglas u Kantonu Sarajevo mora biti na internet stranici Službe za zapošljavanje. Ogroman je to efekat imalo i na efikasnost rada Službe za zapošljavanje. Kreirali smo Zakon o ekonomsko socijalnom vijeću, vi ste usvojili Nacrt, uskoro ćete pred sobom imati prijedlog na narednoj sjednici Vlade kojim se uključuju sindikati i poslodavci u svaku važnu odluku ovdje u Kantonu Sarajevo. Omogućeno radno iskustvo svima preko 8000 ljudi sa visokom stručnom spremom je na Službi za zapošljavanje. Na evidenciji Službe za zapošljavanje. Pola njih, a govorim samo o ovima sa VSS nemaju nikakvo radno iskustvo, 0 dana, a kakav god oglas da imate ili privatni ili javni kažu ne može

ako nemate radno iskustvo. To su ljudi koji su najosjetljiviji na ovu mogućnost da napuste Sarajevo da napuste BIH, da idu vani. Dakle donijeli smo odluku prema kojoj sve institucije Kantona Sarajevo moraju otvoriti svoja vrata u skladu sa Zakonom o volontiranju, omogućiti dugoročno volontiranje, prijaviti se i imati punu saglasnost i punu potvrdu da imaju radno iskustvo. Za podsticaj u zapošljavanju, ogroman, glavni problem u BIH nezaposlenost. I vi imate milione na službi za zapošljavanje, problem su administrativne i političke prepreke da se ti milioni ulože. Dakle najveći problem u Službi za zapošljavanje je bio da se potroše pare za najveći problem koji država ima. Ubrzali procedure, otklonili sve prepreke. Ove godine sva sredstva koja su bila na Službi za zapošljavanje, sve smo investirali, preko 17 miliona za otvaranje 2800 radnih mjesta u Kantonu Sarajevo. Između ostalog većina njih za mlade, značajni programi za zapošljavanje šehidskih porodica. Podrška struci, bila je tu jedna neuvezanost. Imate ljude na UNSA koji su naša najveća pamet, imate u isto vrijeme ljude u struci, plaćate i jedne i druge a ne uvezujete i ne koristite kapacitete njihove. Uvezali smo, uveli smo kvartalne susrete stručnih i naučnih radnika, podržali printanje i stručnih časopisa, kupovali posebne knjige, obogaćivali biblioteke za naše i buduće studente i stručnjake. Također uvezivanje stručnih radnika, ljudi se međusobno ne znaju. Rade u ustanovi u resoru, ministarstvima, ne znaju se, a svakodnevno rade i saraduju. Jako puno problema tu izbija. Od sada, jednom mjesečno imaju susrete gdje se tematski zaključuje, rješavaju se problemi u radu. Uvedene naknade za staratelje po službenoj dužnosti, što je bila naša zakonska obaveza a nije se radilo i nije se izvršavalo. Uveli su superviziju za stručne radnike u ustanovama socijalne zaštite, obaveznu superviziju. Nezamisliv je taj posao bez supervizije bilo gdje u razvijenom svijetu. Konačno smo otklonili i taj problem. Angažovali također zaštitare u Centrima za socijalni rad. Jedan od privih zahtjeva kada smo obilazili, a obišli smo sve u resoru naravno, je bilo napadaju nas ljudi. Tuku nas. Molim vas zaštitite nas. I drago mi je zaista da smo uspjeli i taj problem riješiti. Od kako smo riješili nije bilo više zabilježenih napada. I zapošljavanje stručnih radnika. Ja pretpostavljam zbog činjenice da ranije nije bilo konkursa na određeno, zapošljavale su se desetine i desetine ljudi na određeno. I ustanove su trošile konstantno. Samo u Centru za socijalni rad preko 31 stručni radnik sada zaposlen. I tu imate jednu stabilnost dugoročnost na koju se možete osloniti. Podrška Centar za socijalni rad. Mislim ne okrećene kancelarije po 10 godina. Nema papira za printanje da vam izdaju rješenje. Nema goriva da odu na teren da vide slučaj na kojem trebaju da rade. Fala bogu sve smo riješili i prevazišli. Što se tiče podrške ustanova višemilionsko investiranje u toku ove godine u ustanove socijalne zaštite. Nismo dozvolili da se više šteti na ovim ustanovama. Dakle u Centru za socijalni rad na tri nove zgrade krovovi su prokišnjavali, nisu ljudi su radili na računarima po 16 godina starim. Mi smo tu gubili stotine radnih sati kada to pretvorite u pare to su milioni koji odlaze iz Kanton Sarajevo. Zato što onaj službenik mora 10 puta isključiti kompjuter i izgubi sat vremena posla na tome. Da ne nabrajam po ustanovama sada, ali višemilionsko ulaganje u sve ustanove socijalne zaštite i riješeni dugogodišnji problemi. Najveće ulaganje ja mislim da je bilo u Gerontološki centar koji je i dalje najzapuštenija ustanova, dobro obratite pažnju na Gerontološki centar. Mi smo ove godine preko pola miliona sa Ministarstvom prostornog utopljanje, 300.000 za stacionar, preko 200.000 za kupatila, da ne nabrajam dalje ali i dalje ta ustanova treba jako puno pažnje, kao i druge ustanove. Djeca bez roditeljskog staranja, trudili smo se da imamo jednu posebnu osjetljivost prema toj djeci. Radili smo na transformaciji Doma za djecu bez roditeljskog staranja Bjelave. Omogućili ovaj jedan prvi, važan korak gdje studenti više nisu u samom domu, nego su u studentskim domovima. Osnovali smo službu za hraniteljstvo koja treba da pomogne ovom institutu strateški važnom institutu. Zatekli smo SOS sela koja nisu imala riješeno pitanje finansiranja, riješili smo, stabilizirali finansiranje prema SOS selu. Što se tiče javnih kuhinja, ove godine, jednim jako uspješnim projektom zajedničkim Ministarstva javnih

kuhinja, inspekcije, veterinarske stanice osigurali prvo najveću do sada donaciju. Druga stvar da su sve te donacije po PS-u, svaki komad mesa sa papirom i uštedili opet desetine hiljada KM zato što smo tonama mesa koje smo tada uspjeli i zakupili smo za njih i posebne hladnjače, koje smo tada uspjeli sačuvati i nismo morali povlačiti od dobavljalca desetine hiljada KM: uštedeno je na ovaj način, povećan kvalitet hrane. Također uložili smo, promijenili jelovnike, značajno poboljšali hranu, količine mesa, mlijeka itd, uveli puno veću raznovrsnost. Izdvojili preko 200.000 za to. I povećali smo sufinansiranje plata ljudima 32 osobe rade u javnim kuhinjama. Povećali smo i plate. I dalje je to daleko od dostojanstvene plate ali smo i to uradili. Za izbjegle i raseljenje radili vrlo intenzivno u koordinaciji migrantske krize, okupili sve ljude iz vladinih, nevladinih, međunarodnih i svih organizacija jer nemamo nadležnost a imamo problem na ulicama i ne možemo ga tek tako gledati. I onda redovnim sastancima, redovnim radom sanirali sve probleme, preduhitrili mnoge probleme koji su nas trebali i mogli zadesiti. Na žalost zbog nerazumijevanja viših nivoa vlasti odlučeno je da se dva velika kampa naprave u Kantonu Sarajevo, svaki problem koji se ovdje desi, a vezan je za migrante znate tačno kome možete fakturirati. To su ljudi koji su odlučili da se ne bave svojim poslom. Umjesto da naprave veliki broj kampova u čitavoj državi, na taj način nigdje da ne naprave problem, ni jednoj zajednici i da omogućuje povlačenje sredstava preko 15 miliona eura, nisu povukli stranih sredstava ko ji su im stajali pred nosom. Mogli smo investirati u lokalne zajednice, mogli smo dobiti sa migrantskom krizom, izgubili smo. Uspostavljen mehanizam readmisije u Kantonu Sarajevo. Jedan vrlo važan mehanizam, da ga nemamo, a Sarajevo je važno zbog međunarodnog aerodroma možemo izgubiti ovaj vizni režim, uspješnoj saradnji sa svim opštinama i to smo uspjeli riješiti. Podrška održivom povratku, 450.000 KM za projekte održivog povratka, najviše za Srebrenicu koja ovih dana vidite šta sve trpi i upratili ste sigurno šta se dešava. 350.000 za Srebrenicu i tu su također još neke 22000 za Stolac, vidimo i šta se u Stocu dešava, dole za podršku Domu zdravlja u kom se uglavnom povratnici liječe, a koji je totalno zapušten od lokalne zajednice vrlo slično za dom Bijeljina, odnosno za ambulantu Janja itd. Da ne nabrajam. Također vrlo intenzivan rad na projektima izgradnje objekata za stanovanje. Dobivamo džaba sredstva, CEP 2 projekat. Dakle ljudi nam nude pare daju nam Kanton Sarajevo ne mora davati svoj novac, da zatvore kolektivni centar Hrasnica, da izgrade desetine stanova za izbjegle i raseljenje, šta mi radimo? Ništa. Stoji Hrasnica zbog 30.000 KM duga VIK-u. Dakle našem preduzeću duguju 30.000 KM a 1,5 milion čeka zbog 30.000 KM. MI smo, kompleksan je projekat ono što je bilo nadležnost Kantona, sve smo riješili imovinsko pravna okolčavanja, tamo-vamo, ove dozvole i sada smo doveli do dijela gdje glavni projekat treba da implementira nivoo FBIH. Također otkočili pitanje, imali novac za izgradnju zgrade u Hadžićima, nije postojala saglasnost, uz jako dobru volju načelnika otkočen je i taj projekat i otkočen projekat izgradnje zgrada u Gladnom polju. Također tu smo imali problem na sudu ali smo uspjeli ubrzati procese i dobivamo desetine stanova. Što se tiče aktivnosti koje su trenutno u toku, nisu završene izmjene i dopune Zakona o socijalnoj zaštiti će se naći na narednoj sjednici Vlade, uskoro će doći i pred vas, sve ono o čemu ste pričali i što ste govorili od izuzimanja automobila, od omogućavanja zdravstvene zaštite svoj djeci, itd. Da ne nabrajam, od uvođenja novih kategorija, samohranih roditelja i slično. Sve apsolutno imate u tom novom Zakonu. Ja se najiskrenije nadam da ćete podržati ove promjene. Između ostalog 1000 KM za svaku socijalno ugroženu porodilju, imate u ovom Zakonu i omogućit će im se na ovaj način. Donatorska platforma za sve naše ustanove da uvedemo transparentnost i malo promoviramo više pomoć našim ustanovama. Rješenje pitanja zgrada za socijalno stanovanje u Otesu ovo smo vrlo intenzivno radili. Dakle nalazimo se pred rješenjem još Pravobranilaštvo da riješ određene tačke na koji način da se to reguliše. Milion KM Kanton Sarajevo gubi zbog ovoga. Potrebna je hrabra odluka. Nećete dobiti rješenje koje će biti povoljno ako budete neko ko

bude predlagao imao hrabrosti da ga predloži. Sada imamo katastrofalan ugovor. Iz njega se treba izvući, treba sačuvati 14 do 17 miliona Kantonu. Ne možete to dobiti sa dobrim ugovorom. Ali možete dobiti solidan ugovor. U minusu smo možemo doći na nulu, obratite pažnju na to i nemojte dozvoliti da milion KM godišnje propada. Nova zgrada u Domu Nahorevo, počeli smo neke pregovore sa UNDP i sa bolnicom Jagomir. Ja se iskreno nadam da će se ovo pitanje konačno riješiti. 600.000 KM nam je kirija, podsjećam vas. I izrada registra osoba sa invaliditetom u saradnji sa višim nivoima vlasti, predložili smo im jedan jako dobar model koji mogu replicirati na sve kantone. Nadam se da će ga i prihvatiti. Za narednu godinu vam je osigurano u budžetu:

povećanje socijalnih naknada za 10%, treba samo htjeti sve imate. Dakle 10% povećanje svih socijalnih naknada. Povećanje džeparca za korisnike ustanova socijalne zaštite sa 30 na 100 KM. Osigurano u budžetu samo trebate to uraditi. Uvođenje jednokratne pomoći za porodilje o kojima sam spominjao u visini od 1000 KM, povećanje finansiranja smještaja u Sigurnu kuću koja se trenutno 70% samo finansira od Kanton Sarajevo. Uvođenje zdravstvenog osiguranja za svu djecu u Kantonu Sarajevo. Uvođenje programa stariji brat- starija sestra za djecu koja su u riziku i djecu bez roditeljskog staranja. Uvođenje dnevnih centara, 1,8 miliona KM na budžetu našeg Ministarstva u prijedlogu. Imate na socijalnim programima. Bit će zahtjevno napraviti taj socijalni program, ono kako smo ga mi projektovali u saradnji sa organizacijama nevladinim koje već na tome rade. 1,8 miliona KM dobrom voljom ove Vlade.

Kada govorim o zapuštenosti, ne mislim da je to toliko do mojih prethodnika. Mislim da je u pitanju dobra volja Vlade. Ova Vlada je bila socijalno i jeste socijalno osjetljiva. Ima tu socijalnu osjetljivost, neće da štedi na socijalu i mislim da morate zadržati taj duh ako promijenite Vladu. Također osigurano povećanje redovnog finansiranja ustanovama socijalne zaštite za više od 1 milion KM. I povećanje sufinansiranja stanovanja, uvođenjem novih kategorija poput djece bez roditeljskog staranja. Ta djeca nemaju nikoga osim vas, u vas gledaju. Imate novac osigurajte im da imaju sufinansiranje stanovanja. Oni ne mogu to dobiti ni od mame ni od oca. Imate novac završite to. Isto tako za žene žrtve nasilja kada napuste sigurnu kuću da ne idu u ruke svojim predatorima. Da sumiram, jako puno smo radili, ali opet ovo je sve rezultat timskog rada, sjajnog tima Ministarstva, sjajnog tima Vlade i svih vas koji ste nas podržavali. Stojimo vrlo poniženi pred ogromnom podrškom javnosti, zaista. Dakle ovo što smo doživjeli nismo očekivali i osjećaj je onako ponižen. Ali i počašćeni i osjećamo obavezu. Obavezu da ovo nastavimo. Možda ćemo promijeniti front ali borba ostaje ista. Idemo dalje. Hvala.

Ministar Admir Katica:

Drage građanke i građani Kantona Sarajevo, sve vas lijepo pozdravljam. Ja sam tako sretan, ponosan i zahvalan bogu što se danas nalazim na ovom mjestu i što sam bio dio ekipe koja je godinu dana budila nadu građanima da ovdje može puno bolje. Ja sam svjedok toga da je i u polju sigurnosti gdje je Vlada pokazala svoje lice, MUP pokazao svoje lice da je i to dokaz ove moje prve početne rečenice. Kada bi morao u nekih 30-40 sekundi reći šta je to suština onoga što je rađeno u ovom polju sigurnosti, polju policije rekao bih to je vladavina prava i Zakona kao prvo. To je ono sa čime se Ministarstvo unutrašnjih poslova i Vlada Kantona Sarajevo prvo srela kada smo došli na ovu poziciju. Sjetite se prošle godine kada se pokušalo vaninstitucionalnim metodama medijskom harangom, pritiscima, lažima, omanuti institucionalno odlučivanje u pogledu ocjene rada policijskog komesara, smjene policijskog komesara, tada smo mi kao Vlada pokazali pravo lice kako se brani država, kako se brani vladavina prava, vladavina Zakona, procedure, institucije, u ovom slučaju Nezavisni odbor, ministar, Vlada itd. Drugo što bih rekao to je nešto što može biti istorijski rezultat ove Vlade,

a što je u suštini banalno. Dakle vratili smo struku u policiju. Vratili struku u policiju iako je to nešto što je kondicijus sinekvanon, nešto bez čega se ne može u svakoj drugoj oblasti. Kada slomite nogu, povrijedite koljeno, idete ortopedu, znate da je on završio tu školu i da će vas liječiti kako treba. U policiji je do sada bilo banaliziranje policijskog posla, bagateliziranje policijskog posla, nije bilo potrebno da završavate posebne škole, posebne fakultete, da bi ste bili dobar kriminalistički istražitelj da se ne bi dešavali slučajevi Dženan Memić, Sanjin Sefić, da e ne bi dešavali takvi kolapsi u sigurnosnom i pravosudnom sistemu. Vratili smo struku tim zakonom o unutrašnjim poslovima. To je jedan veliki, historijski rezultat ove Vlade. Taj Zakon, Zakon o unutrašnjim poslovima i Zakon o policijskim službenicima rodio je još nekoliko principa koji su učvršćeni na ovaj način. Borba protiv korupcije i nepotizma nema štele, nema teorijskih osnova, pravnih osnova u ovome Zakonu da bude korupcije i nepotizma u zapošljavanju u policiji. Svi budući kandidati, budući policijski službenice i službenici, mogu znati da imaju pošten sistem ispred sebe. Imamo formirane komisije na zakonskim osnovama, koje su šarolikog sastava, gdje imamo svojevrstu međukontrolu između članova komisije, svojevrstne suprevizore koji kontrolišu i ne daju da se rađa plodno tlo za bilo kakvu korupciju, za bilo kakav nepotizam. Transparentnost, upravo ovo o čemu sam govorio. Mi smo neki dan objavili preko 1200 pitanja koja se na našoj web stranici. Svi budući policajci mogu znati koja će ih tačno neko pitanja pitati. Ako su spremni da budu policijski službenici, sjest će učiti, naučiti ta pitanja, i izaći u jednakoj utakmici sa svima, izboriti se za mjesto policijskog službenika koji će odgovarati građanima. I osiguravati sigurnost građana. Radili smo na pravima policijskih službenika, upravo kroz ovaj Zakon, uspjeli smo usvojiti dvostepenost koja je potpuno drugačija od onog sistema kakav smo imali. Dakle, onaj sistem u kojem je bilo kadija ti tuži, kadija ti sudi, sve jedna osoba može odlučiti i pravima policijskih službenika, mi sada imamo pravi drugostepeni organ koji može odlučivati o pravima policijskih službenika i zaštititi ih. Pored ove zaštite ova Vlada je izmijenila kolektivni ugovor prošle godine, mi radimo sada na novom kolektivnom ugovoru, princip je bolja, poboljšana jača prava policijskih službenika i što bolji materijalni položaj. Radili smo i na poboljšanju integriteta policijskih službenika. U tome, zbog određenih razloga nismo do kraja uspjeli kada je u pitanju eksternaliziranje unutrašnje kontrole koja se u dijagnostičkoj studiji koja je urađena od strane USAID spominje kao jedan od osnova jačanja integriteta policijskih službenika. Ovdje je to dočekano kao neki čin nastojanja da se ostvari politička kontrola, što apsolutno ne stoji i ja tvrdim to kao ministar unutrašnjih poslova i kao neko ko je u sektoru sigurnosti dugo godina da je to jedan od osnova kako bi ojačali integritet, poštenje policijskih službenika, bolje policijske službenike u praksi. Radili smo na depolitizaciji policije, ovim zakonom je rečeno, ne može biti niko policijski komesar ko je ikada u životu bio član političke stranke. Ko je bio na izvršnoj funkciji, ko je bio ministar MUP-a, bio ministar bilo gdje, ne može više biti policijski komesar, kao što je to bilo prije. Imali smo ljude koji su danas u političkoj stranici, danas su na političkoj funkciji, već sutra su potpuno nezavisni, profesionalni, depolitizirani, naravno navodno i radni posao upravo u cilju ostvarivanja političkih ciljeva. Ono što su nam zamjerali, a što smo mi smatrali da je suština našeg rada da imamo jaku policiju. Ja se pitam koja to država, koja to politička struktura ne želi jaku policiju. Jaka policija je ono što treba nama kao državi, treba nama kao građanima. Policija koja zna, policija na kojoj smo radili da imao reformu znanja, uspostavili smo saradnju sa bazama znanja u Kantonu Sarajevo: Fakultetom za kriminalistiku, kriminologiju i sigurnosne studije, Pravnim fakultetom, Fakultetom političkih nauka odsjekom sigurnosti. Dakle da izgradimo one sisteme, edukacijske modele da imamo savremena znanja u borbi protiv savremenih oblika kriminaliteta, u borbi za bolji osjećaj sigurnosti građana. Jaka policija, jaka policija je ona koja ima helikopter. I to i dan danas tvrdim. Koliko god je ovdje neko lagao, spinovao, koliko god je htio da neko od toga napravi politički kapital, to nije istina. Ja i sada,

kao ministar unutrašnjih poslova i kao neko ko je ekspert iz ove oblasti kažem, doći će vrijeme, siguran sam u to, kada ćemo vidjeti koliko je to bitno. Kada neko strada u nekom bespućju na Bjelašnici, kada budemo ne daj bože imali poplave, neke ekstremne situacije, pitat ćemo se gdje je. Nije tačno 40 miliona maraka. Nije tačno. 10 miliona dolara, ili negdje blizu 17 miliona KM. Isto onoliko koliko koštaju oni helikopteri koji su došli u Oružane snage. Isto. Ne duplo više, isto. Na tih 10 miliona dolara dodatna oprema neophodna, hangar, obuka pilota, to je projekat koji živi 30 godina narednih. Vaša djeca imaju benefite od toga, i moja. Jaka policija je ona koja ima preventivne mehanizme jake. Ima video nadzor. Ja ću vas obavijestiti u prošloj godini ova Vlada i ovaj MUP je uspio uraditi to da ulaz i izlaz u Kanton i iz Kantona su pokriveni video nadzorom. Ne može se više desiti da neko počini krivično djelo, pobjegne u RS a da to nije zabilježila kamera. Sada to znamo. To je jaka policija. Ove godine, do kraja godine, nadam se, imat ćemo video nadzor na svim raskrsnicama u gradu Sarajevu. To je jak preventivni mehanizam. Ono što nama treba. Pomogli smo i drugima. Mi nismo sigurnosni sistem takav da ga poistovjećujemo sa Kanton Sarajevo. Kanton Sarajevo je svoja administrativna jedinica. Sigurnost je širi pojam. Morali smo pomoći posebno krilima BIH. Pomogli smo USK; kada je trebalo u borbi vezano za migrante. Pomogli smo našem desnom krilu BIH BPK u opremi, u naoružanju koje nisu imali, nevjerojatno je koliko su malo imali i hvala bogu pa nismo znali to prije. Evo čim smo saznali radili smo na tome da kapacitiramo ove ljude, da se mogu da oni se mogu osjećati sigurno radeći svoj posao. Obezbjedili smo i to da obuče policijske službenike kojima nedostaju za njihov rad. Radili smo Zakon o nabavljanju, pored Zakona o unutrašnjim poslovima, Zakon o policijskim službenicima, uradili smo Zakon o nabavljanju, nošenju i držanju oružja koji je otklonio prepreke koje su postojale dugo da naši građani ne mogu ostvariti pravo da nabave oružje. I to je na neki način spinovano na ovaj ili na onaj način, ali to je jedan od Zakona koji je stvorio pretpostavke za legalno posjedovanje oružja koje je uvijek prihvatljivo. Ilegalno je ono protiv kojeg se borimo. Na koncu želim reći da smo ostvarili određene rezultate u borbi protiv kvaliteta i to onoga koji je najviše tištio građane Kantona Sarajevo. Za 30% je manje maloljetnih počinilaca krivičnih djela na području Kantona Sarajevo. 30%. 1/3 manje u 2019 nego što je to u 2018. 40% manje je krađa putničkih motornih vozila. Pola od tih 40%, 50% dakle se vrati vlasnicima tih vozila. Ubistva koja smo imali, koji su uvijek izazov za svaku policiju, sve rješavano upravo po onim stručnim principima, kriminalističkim principima, prva 24 sata, prvih 48 sati i riješena su. Osigurala policija velike događaje na području Kantona Sarajevo tokom cijele protekle godine, svaki mjesec, ovaj MUP Kantona Sarajevo ima jedan veliki događaj koji ih obezbjeđuje i siguran sam da MUP Kanton Sarajevo i policijski službenici mogu biti uzor svim drugima u BIH kada je to u pitanju. Ja se na koncu želim zahvaliti, još jednom vam reći da sam sretan i ponosan što sam dio ove ekipe, da ovo nije priča koja je završena, ovo je priča koja je živa. Nada je stigla u Sarajevo, ona će živjeti i živjeti ako Bog da. Hvala vam.

Ministar Ismir Jusko:

Poštovane zastupnice, poštovani zastupnici, uvažene kolegice i kolege iz Vlade, poštovani građani Kantona Sarajevo sve vas najiskrenije pozdravljam. Možda u inicijalnom dijelu i nije mi bila namjera da se obratim, ali u međuvremenu sam tu odluku promijenio. Nastojat ću da moje obraćanje bude kraće i da možda bude malo drugačije od mojih prethodnika. Prije otprilike 13 mjeseci kada smo prvi put sjeli zajedno i razgovarali kao novi članovi Vlade, tada smo 3 zaključka donijeli zajednička, a to je da ne postoji škola za ministre, niko vas ne može spremirati za ono što će vas čekati na tim klupama, sva vaša životna, sva vaša profesionalna iskustva u jednoj jedinici vremena koliko god da mi tu budemo bili, doći će do potpunog izražaja. Naš privatni životi tu prestaju, bit ćemo izloženi kritikama, bit ćemo izloženi pritisku

sa svih strana, kako od građana, tako i od predstavnika zakonodavne i izvršne vlasti sa svih nivoa. Oni koji nemaju stomaka da takve pritiske izdrže veoma teško se mogu suočiti sa onim što ih čeka u njihovom Ministarstvu. I ono što je bio naš finalni zajednički zaključak na samom početku, a to moje kolegice i kolege mogu potvrditi da smo rekli da smo mi listopadi, da smo rekli, da možemo biti cijeli mandat, a da možemo otići sa tih pozicija u narednih par mjeseci. Meni je tako žao što nismo imali jučer kamere da snime našu sjednicu Vlade. Neko da je snimao tu sjednicu Vlade i da je pustio ja garantujem da bi 90% građana pomislilo da je to prva sjednica a ne da je to evo sjednica prije ovog mandata. Od samog početka pa sve do tada radili smo kao jedan tim, i sada ću biti malo ličan i otići u Ministarstvo koje predstavljam. Ministarstvo za boračka pitanja nije razvojno Ministarstvo i više puta sam istakao u medijima, a i svojim kolegama da evo u gotovo 30 godina radne karijere, nikada lično nisam prolazio kroz teži period u životu, kroz teže razdoblje samo iz jednog prostog razloga što se svaki dan suočeni sa velikim brojem tragedija i tužnih priča koje morate da slušate. Znači šta mi je davalo snagu u ovom poslu i zbog čega sam izdržao? Zbog ovih ljudi ovdje. Zbog toga što svaki put kada sam tražio bilo koju vrstu podrške, zbog toga što svaki put kada sam tražio razumijevanje od ovih ljudi to je razumijevanje dolazilo budite uvjereni za Ministarstvo za boračka pitanja svaki prijedlog od moje malenkosti koji je došao nije bio jedne jedine sekunde razmišljanja niti pitanja, niti potpitanja, da li to treba uraditi. To su ovi ljudi istovremeno odmah podržali. Sigurno da nije bilo takvih odnosa ja ne bih mogao izdržati pritisak koji sam imao sa strane i sve ono što sam na svakodnevnoj bazi imao prilike da slušam. Kada smo došli u situaciju da razgovaramo šta je to plan Ministarstva za boračka pitanja moja je želja bila da odmah krenemo u program zapošljavanja. Odmah sam dobio sredstva za te stvari, 130.000 KM za zapošljavanje predstavnika boračke populacije za 45 dana skinuli smo 23 predstavnika sa biroa, nakon toga njih još 14, nakon toga njih još 12. pomogli smo boračkim zadrugama, uveli smo prvi put u istoriji ovog ministarstva program koji je vezan za naše kvadriplegičare i paraplegičare, odnosno personalnu asistenciju. Ljudi koji to do sada nikada nisu imali. Ljudi koji nisu imali svoj život. Tragedija je da imate ljude koji po šest do osam mjeseci žive u svojim stanovima a nisu imali prilike da izađu ispred svoje zgrade zbog toga što im niko to nije mogao pomoći da urade. Sa druge strane kada je u pitanju rješavanje stamnih problema predstavnika boračke populacije prošle godine su potpisani ti ugovori za 33 stana, ali za iduću godinu je planirano da idemo na oko 50. sljedeći ministar za boračka pitanja koji bude došao ovdje imat će dosta komotniji posao da uradi stvari koje bi trebali čekati se naredne dvije godine, sada je to završeno malte ne u jednoj godini. I on što je izuzetno bitno istaći, ja sam to i medijski više puta rekao, a to je da biološki sat radi protiv boračke populacije i ne bi vjerovali šta na dnevnoj bazi samo prolazi kroz ovo Ministarstvo. Koliko mladih ljudi, kada kažem mladi ljudi, za mene su mladi ljudi koji još nisu napunili 50 godina, koji su malte ne u jeku svoje životne karijere i snage, ali imaju najteža oboljenja, karcinome, tumore, leukemije i da ne nabrajam dalje. I dolaze u ovo Ministarstvo da traže pomoć od nas. U tri navrata sam tražio od svojih kolega i kolegica u momentima kada je bila kriza sa budžetom da mi daju podršku, znate koliko je trajalo razmišljanje? Ni sekunde. Dali su podršku. I prvi put u istoriji svih Vlada, u istoriji ovog Ministarstva da smo dočekali da jednokratne pomoći dođu do januara mjeseca ove godine. Prije se to sve završavalo do augusta mjeseca. Sumirano, bez ikakvog opterećenja gdje će otići moja profesionalna karijera i politička, možda će ovaj govor da me skupo košta, ne interesuje me. Hvala vam za sve što mi uradili. Hvala puno.

/Aplauz/

Ministar Srđan Mandić:

Hvala. Teško je poslije komandanta Švabe izaći, ja ću vam, potpuno mi je sada promijenio koncept moje priče. Ja sam u ratu bio u jednoj maloj nebitnoj jedinici koja je onako skromna bila, ali kada se pojavi Švabo i kada se pojave Vikićevci mi smo znali da smo sigurni. I vjerujte mi u nekim danima krize kojih je bilo, danima prijetnji koje smo dobivali, koje sam ja lično dobivao, najznačajnija poruka koju sam dobio jeste kada mi je Švabo rekao dvije stvari, kaže ako treba preselit ću svoj kabinet odmah do tvoga pa ti koji te napadaju nek dođu prvo kod mene, pa neka sa mnom razgovaraju. Druga stvar, imaš moj broj, trebat će mi da dođem do mjesta gdje te neko napadne onoliko vremena koliko budem udaljen. E to je naša Vlada i to je ono što mnogi od vas ovdje ne razumiju, i neće razumjeti ali su razumjeli građani i razumjeli smo mi. Komandante hvala ti, ponosan sam i na 92 i na 95 što sam bio s tobom i ponos sam na ovih godinu dana što sam dijelio s tobom. Hvala ti puno. Dakle, neću sada potpuno, kratko ću pričati o nekim stvarima, puno je bilo prilike, iako nisam nikada razumijevao ovaj parlament. Ovdje su nas proglašavali da smo neki gosti, čini mi se da je gospodin Marić govorio, kao vi ste gosti. A radimo ovdje. Pa nam nisu dali da govorimo, koliko puta sam Dinu tražio, daj mi da nešto kažem, nemaš pravo. Pa evo izdržite pet, šest minuta da vjerovatno posljednji put u ovoj ulozi nešto kažemo. Ne da bi čuvali fotelje. Mi smo ovdje došli iz potpuno drugih pobuda. I to ćete vrlo brzo vidjeti. Nama fotelje nisu bitne. Nama ste bitni vi koji ste nas izabrali, a posebno građani zbog kojih smo sve ovo radili. Mi smo imali svoje živote prije ovoga, imat ćemo ih i poslije toga, dakle ovih pet, šest ili deset minuta, koliko budem govorio, nije vapaj da ova Vlada preživi. Ne, ovo je naš izvještaj onima koji su nas birali, onima koji u ovom momentu šalju nama poruke i govore izdržite, dobri ste. Moram jednu priču ispričati. Dakle kada je stranka iz koje dolazim par dana pred formiranje Vlade napravila jedan strateški sastanak, doveli smo jednog dragog profesora, i onako ja sam ga pitao nakon što sam saznao koja Ministarstva dobivamo, reko profesore šta bi ste vi nama preporučili. I onda je on rekao naravno kultura, obrazovanje, ovo ono. Reko a komunalna privreda? Nipošto to ne uzimajte. Dopala me komunalna privreda, kao što je ministra Štetu dopao javni prijevoz. I gle čuda, dvije stvari koje su prepoznate kao prostor u kojima je najveći napredak napravljen su ove dvije oblasti. Dakle, moguće je. Moguće je kada radite u dobrom timu, i moguće je kad radite stvari koje su transparentne i u interesu ljudi za koje radite. Priča je počela sa radom ja sam o tome govorio i neću se ponavljati kakao smo svojevremeno bili dočekani u toj firmi, ali ono što smo kao ova Vlada prepoznali kao prvu potrebu, prvi prioritet, šta bi smo mi to trebali uraditi da bi građani osjetili da smo došli. Dugo smo razgovarali bilo je jako kreativnih ideja, onda smo rekli hajmo očistiti Kanton. To je valjda prva stvar ko ju trebaš uraditi kada dođeš u neki novi prostor. I to smo uradili. Mnogi su se šprдали sa viših nivoa, kao to oni nešto čiste. Simbolična je bila ta akcija čišćenja. Mi jesmo očistili 150 deponija, desetine i stotine hiljada tona otpada ali smo počeli čistiti nešto što malo više smrdi i malo ovako teži ima a to je kriminal, korupcija, nepotizam i sve ono loše što smo zatekli u našim ministarstvima. Zato su se šprдали s nama, zato što smo počeli čistiti Kanton Sarajevo. U firmi RAD ste bili s nama zajedno svjedoci kada smo našli hotel apartman koji je plaćen 1 milion KM. O tome smo dovoljno pričali. U firmi RAD ste zajedno s nama svjedočili uslovima u kojima ti ljudi rade bez odijela, bez adekvatnog prostora za presvlačenje, bez vozila novih. To nikome nije od sindikata tamo smetalo. Smetalo im je kada smo prvi put smijenili direktora. Tada su se prvi put javili i tražili zaštitu. Javljaju se i ovih dana kada smo smijenili još dva direktora zato što ne rade svoj posao. Kažu mi tamo saobraćaj u mirovanju., čovjek doživljava mobing. Kakav može mobing doživjeti neko ko je 800.000 KM minusa napravio. Ti moraš biti umjetnik pa od tako jednog odjela gdje samo trebaš doći naplatiti parking koji ljudi, za auto koji ljudi ostave, 800.000 KM maraka uraditi minusa za prošlu godinu. Nemam problem ako taj čovjek ima mobing. Taj čovjek mora da radi. Samo smo, a ovdje su to draga kolegica Kerla tražila od nas da pauk počne malo bolje

raditi. Pa je počeo raditi kolegice Kerla i sada su tih prihodi udvostručeni. Nosimo i one džipove koje ste tražili. I kante koje ste tražili smo također dovukli tamo gdje treba. Ono što želim reći kada je u pitanju RAD ja ću skratiti priču. Nikada više radnici RADA, vama se obraćam, nemojte ići i ne morate ići na privatne posjede i praviti nekome vikendice. Nikada više to nemojte raditi. Nikada više nemojte čistiti privatne ulice za koje firma nema ugovor, to ne morate raditi, do sada ste morali. Nikada više ni jedan letak, ni jedne političke stranke ne mora se distribuirati po firmi. Ono što je meni i premijeru nuđeno, ako budemo pametni da ćemo imati 5000 glasova tamo, nikada se više ne smije desiti. Ovdje ostaje 17 ljudi koji će umjesto nas čuvati vas i govoriti o tome i stojimo vam na raspolaganju. Firma RAD više nikada ne smije postati ono što je do sada bila servis jedne vladajuće stranke. Firma RAD i sve druge komunalne firme moraju biti servis građana zbog kojih živimo. To je suštinska razlika. Pričat ću o firmi Toplane odnosno onom dijelu godine na koji sam posebno ponosan a to je kada je Federalna Vlada koji danas čekaju vako i cijelu godinu jedu kokice i gledaju šta se dešava u Kantonu Sarajevo. Brutalno zajedno sa preduzećem BH gas podigla cijene plina za 30%. zajedno smo ovdje prepoznali taj napad i zajedno smo usvojili odluku o subvencioniranju gasa. 7.560.000 KM je to koštalo građane Kantona Sarajevo. Da su barem pola toga preuzeli na sebe, najmanje jednu modernu kotlovnicu na plin smo mogli napraviti. Mogli smo hiljade stanova koji nas dana, koji koriste sredstva koja zagađuju zrak, prebaciti na ona koji koriste čistija itd. To govorim koliki je politički pritisak bio na ovu Vladu i na ovaj Kanton. I tome smo se oduprijeli zajedno. Imate preduzeće Bags u Vogošći o kojem nismo pričali. Koji je najveći zagađivač Vogošće. Sada je tema aktuelna. Umjesto da napravimo novu kotlovnicu tamo morali smo dati 2 miliona KM samo da spasimo firmu da bi imali grijnu sezonu stanovnici Vogošće. Da li znate da je neko toliko pametan iz prethodnih Vlada toj firmi naložio da zahvata vodu sa Peračkog vrela za 1,5 i da je upušta u vodovodni sistem za 0,25 feninga. 6 miliona godišnje ta firma pravi duga. Dakle 7 miliona subvencija, 2 miliona ovamo to skoro 10 miliona KM koje smo platili a da nismo morali. Kada kažu neefikasno trošite budžet itd. VIK puno smo o tome pričali, mislim da će kolege koji će govoriti poslije mene biti tu puno eksplicitniji. Ja ne mogu da se ne sjetim gostovanja direktorice i njenog saradnika ovdje koji nisu htjeli predsjedniku i dopredsjedavajućem Skupštine da podnesu izvještaj šta se to radilo. Da li znate da je postojao čovjek koji nije znao da razlike ponoć od podneva, i da je zbog toga umjesto da se tender zatvori u ponoć 24, on ga zatvorio u ponoć 23 nekog mjeseca. I da smo zbog toga građani Kantona Sarajevo platili 105.000 eura kazne jer taj kredit nije mogao biti realizovan a mi jedva spasili 25 miliona koje su prethodne Vlade uspjele da obezbijede za ono što nam je svima trn u oku, a to je rekonstrukcija vodovodne i kanalizacione mreže. I onda govore kao mi smo, tu nema politike. Ili znaš raditi posao ili ne znaš. Nakon njih je došao čovjek koji je to zna i taj proces je nezaustavljivo krenuo naprijed. Trenutno se rekonstruišu tri velike pumpne stanice, Bačevo, Alipašin most i Centar. I 16.02. se zatvara tender kojim kreće velika rekonstrukcija vodovodne i kanalizacione mreže u gradu Sarajevo. Ove godine, zaboravimo to često i dobro je da je tako. Kiše skoro da i nije bilo, ni jedan dan ni jedan sat nismo imali redukcije. To je zasluga tih vrijednih ljudi gore koji rade. Što se tiče firme Park, zajedno smo sa kolegama iz DF-a bili bitke gore. Znali smo u šta smo ušli. A onda kada smo vidjeli razmjere katastrofe i kratera koji smo tamo zatekli za glavu smo se hvatali. Zajedno sa kolegama iz DF-a. Tu su kolega Milavica je tu. Čim se pojavio problem tužbi građana svi smo sjeli našli smo novac, 1,3 miliona KM platili ljudima ono što su dobili na sudu i otkočili procese u toj firmi. Onda smo saznali za novih 8 miliona koje neko ko je vodio, a znamo ko je vodio prije nas te firme, napravio ne plaćajući porez ovoj državi. Spremnii smo i to platiti. Samo mi nije jasno da li ljudi koji danas odlučuju o tome posebno kolege iz DF-a znaju kome vraćaju tu firmu ponovo u ruke. Nadam se da znaju. Privodim kraju, ono što mi je posebno bitno, upalili smo. Da,

moram još naglasiti jer smo u medijima bili optuženi da nenamjenski trošimo sredstva. Imali smo jako dobru saradnju sa lokalnim zajednicama. Nismo uopšte gledali ko je iz koje stranke, sa Ilijašem smo ostvarili odličnu saradnju, sa Centrom odakle mi dolazimo, gdje se danas nalazimo još bolje. Kolega Ajnadžić će to potvrditi, to nije problem. Ogromne novce mimo onih 4,5 miliona KM vodnih naknada smo dali. Kada mi dođe načelnik opštine Ilijaš i kaže treba mi ministre još 250.000 da završim vodovod, a ja imam taj novac, pa naravno da ću dati. Kada dođe načelnik Opštine Vogošća i kaže dajte nam 100.000 da osvijetlimo ulaz u grad, gdje svi živimo, a ja imam taj novac pa naravno da ću dati. Kada dođe načelnik Ajnadžić i kaže tri godine molim ljude iz VIK da mi poprave Kranjčevićevu ulicu oni neće. Pa ja dođem i kažem direktore može, naravno da može. Milion i kusur stotina hiljada KM smo tu dali. Onda odemo na teritoriju Opštine Ilidža tamo gdje nas ljudi zovnu. Danas ljudi u Sarajevu žive nemaju priključke za vodu i kanalizaciju. I ja odem i kažem pa naravno da ćete imati. A onda neko kaže ko je taj ministar Mandić on meni šeta po opštini. To je moja opština. To su moji građani. Moramo svima dovesti vodu i priključke za kanalizaciju. I na kraju, ove godine smo upalili Vječnu vatru i u spomen parku Vraca i na taj način poslali još jednu jaku poruku antifašizma i to je događaj na koji sam posebno ponosan iz dva razloga: možda zato što ja ideološki pripadam tom svijetu. Ali zato što i moje kolege koji možda ne dijele te ideološke svjetonazore kao ja, su prepoznali u tome važnu stvar i zajedno smo otišli gore i bila je namjera da svako onaj ko misli da treba ići gore zato što su gore neke ideologije neka ide, ali isto tako otvoriti prostor onim ljudima koji gore odu kao turisti. Gore je sahranjen Vladimir Perić Valter, gore su sahranjeni brojni Srbi, Hrvati, Muslimani Bošnjaci, Jevreji zbog kojih mi danas također sjedimo ovdje, kao i oni moji saborci koji su dali život 92-95. dakle, još jednom hvala mojim prijateljima iz Vlade, hvala svima vama i posebno hvala građanima Kantona Sarajevo. Vidimo se uskoro. Idemo dalje.

Aplauz

Predsjedavajuća Danijela Kristić:

Zahvaljujem ministre. Molim još premijera za završnu riječ.

Premijer Edin Forto:

Evo čuli ste šta pojedini resori, oni koji su odlučili da se obrate, misle o svom radu. Onome što su zatekli, način na koji su radili. Želim reći da i oni koji nisu se obratili danas, da su uradili veliki dio posla. Neću nabrajati dostignuća iz njihovih resora ali to naravno možete vidjeti u izvještajima. I zašto na ovaj način treba da završimo ovo izlaganje? Čuli ste od velike većine, od svih koji su se obratili, pominjali su ovaj tim, radili smo s ovim ljudima, bili smo ponosni da radimo s ovim ljudima. To je bio moj zadatak koji sam najavio, obećao i nisam obećao da ću ga ispuniti ali sam obećao kada smo tek imenovani, da je moj zadatak da ovu raznolikost iz šest političkih stranaka, u Vladi pet, ali kod vas iz šest, da napravimo takvu atmosferu gdje ljudi žele da rade. Ja ću vam samo reći jednu stvar. U konsultacijama sa bivšim premijerom Konakovićem, tadašnjim predsjedavajućim, on meni daje savjete ja dolazim u ovu funkciju, i kaže mi ti imaš moć na sljedeći način: dobiješ dnevni red za sjednici i križaj šta ti se sviđa, šta ti se ne sviđa. I na taj način tjeraš ljude da rade. Ako neće nešto da naprave što ti želiš, možeš im skinuti ono što je njima bitno. I to je bila stvarna moja poluga koju sam ja mogao koristiti. Nikada je nisam iskoristio jer sam osjetio da je ovo novi momenat u kojem sa takvom raznolikom strukturom u Vladi ako bih to potegnuo vrlo brzo bi imali tri četiri grupe koje rade neovisno jedni od drugih. Iako mi je predsjedavajući tadašnji dao savjet, ustvari jedine moje moći, što mi Poslovnik i Zakon daju, ja to nisam koristio. I zbog toga čujete ove pozive na zajednički rad. Izgradnja konsenzusa nije samo nešto što je bilo ključno za rad ove Vlade, konsenzus je bitan u našem nastavku političkog djelovanja.

Konsenzus je bitan u djelovanju bilo koje buduće Vlade Kantona Sarajevo a svi koji znaju i vjeruju u specifičnost naše države bez konsenzusa ova država neće ni ići naprijed. Zbog toga je poluga koju koristite da nekog motivišete da nešto dobro napravi, uvijek dugoročno jača, nego poluga u kojoj kažete ako vi meni ne uradite ovo ja vama neću uraditi ovo. Mislio sam govoriti još nekoliko stvari ali ću značajno skratiti svoje izlaganje, mislim da su članovi Vlade prenijeli su vam način našeg rada, prenijeli su vam sve ono što smo za ovo kratko vrijeme pokrenuli neke stvari i završili. Ovih dana se spominje često istraživanje. Nevjerovatno je da u jednom demokratskom društvu, evo već u susjednoj Hrvatskoj ili u susjednoj Srbiji imate mjesečna istraživanja javnog mijenja gdje ljudi otvoreno govore i navikli su na to, podržavam ovu stranku, podržavam ovog lidera, najpopularniji, najnepopularniji, kada bi sutra bili izbori glasali bi za te i te. Kod nas to ne postoji. Ta istraživanja jesu skupa ali nisu toliko skupa da ne možemo javnosti predočiti šta građani misle o Vladi koja ih vodi. Ja se iskreno nadam da će u budućnosti, iz bilo kojih izvora, ova istraživanja je platila Međunarodna zajednica. Mi nismo mogli to finansirati jer bi se pogrešno protumačilo. I namjerno nismo iz stih istraživanja izvadili ovo šta ljudi misle za koga bi glasali i šta bi. Ali ono što vam moramo prenijeti iz tih istraživanja. 68% ljudi misli da je ova Vlada dobro radila. Ogromna je podrška i trend od istog takvog istraživanja iz sedmog mjeseca i sada iz ovog januara, jasno i nedvosmisleno ljudi građani Kantona daleko veći broj nego što podržava stranke koje sjede u ovoj Vladi. Znači čak i oni ljudi koji nisu iz naših političkih opcija, misle da smo radili. A velika većina od njih da smo dobro radili. Ovakav trend i ovakva podrška jednoj Vladi je novost na političkoj sceni. A znate zašto? Zato što smo imi kao projekat bili novost. Iz razloga koje sam naveo u svom uvodu, zbog procesa na koji način smo imenovani, zbog programa koji smo javno prezentirali i zbog pridržavanja tog programa. Ono što je ministar Garibija odlično rekao, kako smo osjetimo određenu poniznost zbog ogromne podrške građana. Svjesni smo mi da je ovo samo jedan momenat kao jedna politička novost građani, mi znamo da javnost zaboravlja. Mi znamo da za šest mjeseci možda neće biti ovog entuzijazma koko našeg rada, ali ono što je bitno je ono što ću vam reći, naša reakcija na upite i potrebe građana je ono što ustvari mijenja politički diskurs i ono što bih volio da svaka buduća politička opcija preuzme kao model, a to je pitali smo građane šta vam je bitno rekli su javni prijevoz. Mi u budžet ugradili javni prijevoz. Znači to su najosnovnije stvari. Tako rade ljudi koji misle da će vrlo brzo doći pred te građane i polagati račune. Dobro bi bilo da se ta praksa nastavi bez obzira ko je u pitanju. Pitate građane na reprezentativnom uzorku u skladu sa strukom, bez ikakvih pretjerivanja, bez ikakvog odlaska u korist nečega što bi nama odgovaralo. Nismo mi rekli dajte namjestite da to bude nešto, pa da se mi za to borimo. Jednostavno ljudi rekli javni prijevoz, čistoća. I onda sve ove druge stvari. Jedno takvo istraživanje je uradila Međunarodna zajednica, nevezano konkretno za ovu Vladu. I ovo je vezano za teret javne podršku koju je ministar Garibija pomenuo, koju smo svi mi osjetili. Imate odgovornost kada vam dođe neko je dobro situiran i radi dobar posao i kaže ako vi odete odosmo i mi. U smislu da će se odseliti. Teško je raditi u takvim uslovima. Ja se iskreno nadam da u slučaju da se imenuje nova Vlada da se neće desiti da će ljudi početi jednostavno pratiti i novu Vladu kao što su pratili nas i zahtijevati stvari koje su im bitne. Bez obzira. Ali istraživanje koje je sprovedeno, nevezano za nas, koje je bilo na daleko širem uzorku u BIH, zašto ljudi odlaze iz BIH? I možda će se neki iznenaditi. Ljudi ne odlaze zato što nemaju posla. Ljudi ne odlaze zato što su siromašni. Bar oni tako ne kažu. Ljudi odlaze, prvi razlog kvalitet života tj javne usluge. Kantonalna nadležnost. Ponavljam kvalitet života, javne usluge, kantonalna nadležnost. Je li čisto ispred kuće. Kada bilo ko od nas ide vani, a svi putuju, velika većina građana putuje i voze se kroz Njemačku, čista cesta, sve uredno, ljudi stoje na pješakom prelazu. To je ono što ljude vuče da idu vani jer kažu ovdje sve funkcioniše. Kod nas ne funkcioniše. Imam gomilu smeća ispred ulice. Čišćenje smeća je

paradigma našeg cijelog društva. Povećanje usluga, kvaliteta usluga. Zbog toga ljudi odlaze. Broj dva zašto ljudi odlaze. Korupcija. Imali smo veliki broj konkursa koje smo reklamirali. Ne javi se dovoljan broj ljudi, ljudi ne vjeruju da će dobiti posao jer je u državnoj firmi jer je u nekom Ministarstvu. Ne vjeruju da će dobiti posao, ne prijavljuju se. To je strašni problem koji svi mi imamo zadatak da izmijenimo i da ga riješimo. Kada to riješimo, i kada ljudi povrate nadu u sistem, kada ljudi osjete da su javne usluge u porastu, da je javni prijevoz u porastu, da je zrak čišći, da su ulice čišće, kada ljudi osjete da se mogu prijaviti za neki posao, i bez da ikome posebno plaćaju ili da ga vuku za rukav da imaju šansu, ili jednostavno da vam citiram jednog radnika Grasa koji je poslao poruku dok se ova rasprava dešava. Kaže: "Vratili ste nam nadu da možemo živjeti od svoga rada". Isplatili smo im 14 plata u 12 mjeseci. Odakle? Pa iz budžeta. Znači ima para u budžetu moramo ih samo upotrijebiti prema građanima i onda dobijete rezultat koji mi trenutno imamo, koji je nezabilježen u BIH, rijetko zabilježen u regiji. Da imate podršku jer ste se obratili onima koji vas podržavaju. Vrlo jednostavno. Jedan od ministara, sada završavam, jedan od ministara je rekao prije nekoliko danas evo raspravljali smo kako će ići ovaj politički proces, drago mi je kao što ministrica Brčić rekla da smo se vratili u zakonske okvire, da ovo sve radimo civilizacijski prihvatljivo, kaže puno si toga obećao u Ekspozeu. Neke stvari smo završili u prvoj godini, neke smo počeli, u nekim nismo bili toliko uspješni koliko smo očekivali, ali ono što smo obećali i što sam ja u Ekspozeu iznio u ime cijele Vlade, što je bili najteže za ispuniti, to je ustvari vraćanje nade građanima da se može živjeti bolje. Vraćanjem te nade, a mi sada imamo vrlo jasne signale da smo to uspjeli, manje ljudi će ići vani a neki će se možda i vratiti. Zadatak svih Vlada budućih bilo da radi o ovakvom sastavu ili nekom novom sastavu je da ovu nadu ne ugase. Na tak način ćemo zaustaviti egzodusa jer ljudi traže uređeno društvo. I traže pravu šansu. Ja neću reći zbogom, ja ću reći vidimo se. Hvala.

Aplauz

Predsjedavajuća Danijela Kristić:

Zahvaljujem premijeru. Prijedlog je pauza za ručak da idemo do 13,45. Skupština se mora izjasniti pa bih vas molila da glasate.

Pauza usvojena. Vidimo se 13,45 nastavak sjednice.

NASTAVAK NAKON PAUZE

Predsjedavajuća:

Otvaram raspravu. Dajem riječ zastupnik Nikšić.

Poslanik/zastupnik Damir Nikšić:

Hvala uvažena predsjedavajuća. Ja moram da vam objasnim kada sam intervenisao maloprije kada sam rekao da predlagač mora obrazložiti zahtjev za smjenu Vlade u glas su mi i vrlo osorno rekli da ne mora. Ne mora, ovako. I dobro, uvažavam da ne mora tako da očekujem da neće morati ni u nastavku sjednice obrazlagati jer javnost možda ne zna ili zna da su imali pravo ili mogućnost da pola sata čitaju zašto im ova Vlada ne valja, pa nisu to, vele da ne moraju. Vele dovoljno je 18 ruku. E sada, ja znam da je tih 18 ruku glavni razlog i bio je najteži posao skupiti 18 ruku, radi toga su se fokusirali na 18 ruku. Najviše košto taj zadatak, mogu da pretpostavim. Javnost pretpostavlja. Tako da su vjerovatno potpuno smetnuli s uma da uopšte treba ikakav drugi razlog zašto se smjenjuje Vlada. Fokusirali su se na 18 ruku i na tu čitavu pijacu. Ko biva šta hoće za te pare, jel? Još da ti objašnjavam zašto je smjenjujem, kad su ih već 18 ruku koštalo ko svetog Petra kajganu. A možda i nije tako, možda se varam. Evo ja se odmah izvinjavam ako se varam. Možda fakat nemaju nikakvih primjedbi na ovu

Vladu pa ništa drugo nisu ni pomenuli, samo su rekli 18 ruku. Možda stvarno su zadovoljni ljudi radom Vlade. Mislim imali su priliku pola sata pričati u obrazloženju, sve najgore da kažu, da se istovare ovdje i nisu to uradili, što znači, ja mogu da zaključim možda nemaju ništa loše da kažu o Vladi. Nemaju što kaže, nijesam ima primjedbi. Znači onaj vic. Nemaju primjedbi nikakvih, nikakvih zamjerki. A možda i zato što ne smiju reći prave razloge smjene ove Vlade. Možda i ne smiju reći. Ali ćemo zato mi umjesto njih reći, ovdje večeras imamo diskusije i nadam se da će nam pustiti, pošto nisu ništa rekli na početku, da će nam pustiti da mi to sve kažemo. E sada, interesantno mi je ovdje, malo sam dekonstruisao da se desilo ovdje, ja potpuno razumijem SDA i njihovu, ovo što je gospodin Čelik pročitao ovu direktivu iz centrale, vrlo jasno, kratko i jasno. Pa da oni nemaju ni razloga sada da objašnjavaju nama smjenu ovdje. Ne treba ništa ali ja ne razumijem što su se ovi iz DF i SBB ušutili kada hoće da izglasaju nepovjerenje Vladi koje su bili dio. Znači imaju svoje ministre u toj istoj Vladi. Mene interesuje, mene bi interesovalo, zato sam i pito. Nisam ja pito radi toga što je SDA to rekla ne treba više već mene začudilo a đe tu glas ovih drugih oko SDA iz trojke ili četvorke? Đe tu njihov glas da i oni dodaju nešto u to uvodno obrazloženje, da kažu nešto šta je njima smetalo, šta njima smeta. Recimo zašto su nezadovoljni radom svoje ministre Sofić ovdje ili svojih ministara Kurića i Juska? Dobro, skontao sam zašto su nezadovoljni što se tiče Juska i to nakon njegovog govora. Šta su njima ti njihovi ministri skrivili? I to me je interesovalo, to sam htio da čujem u tom uvodnom izlaganju. Ovo sve što je gospodin Čelik rekao, to sam nekako i očekivao, to se podrazumijevalo, znao sam, od samog početka se znalo šta SDA hoće, bitna je većina i to sve. Ali sam nekako očekivao neku, nadao sam se nekoj nadgradnji, nekoj dodatnoj dimenziji na taj govor s obzirom da se radi o trojci, tj četvorci. Očekivao sam dakle višeglasje neko u tom njihovom kvartetu novom većine. A ne šturo soliranje SDA i kao neke primadone ove većine i ove koalicije. Tako da bih eto ovim samo pojasnio zašto sam se javio i zašto sam to tražio. A u nekoj drugoj raspravi bi volio da vam pročitam i ono što građani misle o ovoj Vladi i ovom svemu kada se javim drugi put. Hvala.

Poslanik/zastupnik Elmedin Konaković.

Poštovana predsjedavajuća, dopredsjedavajući, cijenjene kolegice i kolege, ministrice i ministri u Vladi. Cijenjeni gosti, gledaoci TVSA, sve vas srdačno pozdravljam. Evo nakon dugo vremena govorim iz ove pozicije. Nije baš neobično i sreća je što nisam govorio, što je bila mala pauza nakon ovih ljudi iz Vlade bilo bi teško govoriti dok se malo emocije ne saberu. Mogli ste vidjeti i čuti šta su ovi ljudi uradili za godinu dana, od kojih je njih čini mi se 10 ili 11 prvi put sjelo u neku ministarsku fotelju ili poziciju. Trebalo im je barem tri, četiri mjeseca da shvate gdje su došli i onda su u ovako rekordnom roku postavili potpuno nove standarde bavljenja ovim poslom. I ja to mogu govoriti kao neko ko je vodio Vladu, ko je podupirao Vladu, ko je bio opozicija. Ovo mi je šesta smjena Vlade u zadnjih deset godina od kada sjedim u ovim parlamentima, tako da imam i tu rutinu. Kada ste luli sve ove ljude i kada ne čujete ove druge ljude, možete uporediti dva koncepta, jedan je koncept ovaj u kojem su ljudi iz Vlade govorili a drugi koncept je da ova moralna većina kako nam je predstavio DF Željko Komšić sa nekim novim moralnim principima, koje on veže za ime premijera Marija Nenadića, završi zastupnika Pecikozu koji je netom prije toga uslikan kako šmrka kokain i objavljen u medijima. Takvog čovjeka prigrlji ministar sigurnosti Fahrudin Radončić, uslika se s njim, objavi ga na svojim instagram i drugim profilima i ponosno ga predstavi bh javnosti. Takvog čovjeka prigrlji, čuva, štiti Osman Mehmedagić. Budući bivši direktor OSE poznat po aferi diploma i poznat po činjenici da u vrijeme njegovog mandata, na čelu OSE ni gram kokaina nije otkriven u Kantonu Sarajevo. Prilika da se sasluša javna ličnost gospodin Pecikoza i da kaže od koga, gdje i kako nabavlja i zašto to radi, pretvorena je u priliku da se završi jedna ruka. Moralna većina predsjednika Komšića. Drugi slučaj, Pleho. I mi imamo

papire Plehine. Završena istraga u agencijama, na Tužilaštvu stoji predmet. Saslušani svjedoci. Vještačeni telefoni, utvrđena izborna krađa, i stoji sve u Tužilaštvu u kojem moralna većina ima uticaj onakav kakav koristi godinama i pretvara u novu priliku za još jednu ruku. Vas nema 18. vas ima 16 i Pecikoza i Pleho. Nas ima 17. i zato ćemo vas onako kako smo vas disciplinirali i naučili da se ne krši Ustav, da se ne igra vitalnim nacionalnim interesom, naučiti ukoliko danas oborite Vladu iz opozicije kako se ovaj posao radi i nikada ga više nećete raditi onako kako ste ga radili prije nekoliko godina. Ta dva koncepta, prvi je potpuno uništio institucije. O tome govori Kojović, ovo kradem od njega, stranke na vlasti su uništile institucije. Vi nemate zaštitu institucija ove zemlje. Vi imate samo zaštitu stranaka ove zemlje. Ne vjeruje se Tužilaštvu, ne vjeruje se sudstvu, ne postoji komisija koja utvrđuje sukob interesa nekog od nas zastupnika, ova farsa oko prijavljivanja imovine koja je isplivala na površinu zato što su ovi ljudi vrijedno radili, pokazala je kada načelnik Ajnadžić kaže šta me briga uzela mi je punica kredit u 84 godini dala joj neka banka kredit da kupi stan od BOCC firme kojoj opština Centar čini mi se jadan od osnivača. Te paradokse uništenih institucija i zaštite pod stranačkom kapom, nisu meni krivi lideri politički koji dobro znaju šta rade, znaju to Izetbegović, Komšić, Radončić. SDA zna dobro šta radi, kreirala je taj koncept. Meni su krivi ovi, ovi ljudi koji žive u nekom političkom akvarijumu svjesni da će večeras doći kući, da će ih osuditi njihovi najbliži, i njihovi prijatelji, njihova rodbina. Bježe, Fejsbuk profile gase. Ne kreću se tamo gdje su se prije kretali. Znaju šta rade a ne smiju drugačije, računajući time valjda da će izbjeći ko biva odgovornost. Nećete izbjeći odgovornost. Večeras su na Ilidži tajkuni pripremili feštu. Oni koje smo umalo uveli u red. Da plate sve dugove, vodu smeće, sve druge dugove. Napokon da počnu plaćati komunalije. Pripremili su fešte jer ste im to Milavice, Poturak, Bilsena, i vi ostali, vi omogućili. Hasanoviću, vi im to omogućavate. I vi preuzimate teret na svoja leđa i nemojte misliti da vas svaki dan za to nećemo pitati. Vi ste ti kojom štite, znate da ne valja a glasat ćete jer ako ste pratili nastupe naših kolegica, Šahman i Kerla su potpuno ogolile ovu političku scenu s dvije izjave koje kažu. Kerla napada Jasnu Duraković i kaže: kako ne cijeniš one koji su te na tu listu stavili? A Šahman kaže: mene ipak stranka na tu listu stavila. Neću puno personalizirati, imati tu puno stvari koje bi možda u nekom naletu emocija mogao reći, pokušat ću to iskontrolisati. To je ljudi sistem protiv kojeg se prvi put neki drugi sistem bori. Povuci ću paralelu sa svojom ličnom smjenom prije, koliko je prošlo, dvije tri godine.uz ovoj sali imali smo sličan scenarij. Mi smo bili jedna mala grupica ljudi, pazit ću da ne daj bože neko ne pomisli da pokušavat sebi ili NIP priskrbiti neki politički poen jer to nije poenta da ne uvrijedim ove ljude u ovom sistemu. Ovo je sistem dobrih ljudi. Ta smjena je bila možda jedna mala iskrica i tada se nas nekolicina buntovnika suprotstavilo. Moram pomenuti taj famozni ZOI koji nam je bio kap koja je prelila čašu. Nismo htjeli po nalogu mog kolege Mahira Devića koji mi se potpisao na nalog Izvršnog odora da sačuva Mihdata Hubijara, nisam to htio uraditi. To nije htio ni Ademović, ni Okerić ni Mekić. Ni ostali. Nismo htjeli, bilo nas je stid da to uradimo. Tada smo odupirali sistemu kao grupica. Sada vi mislite da ćete ko biva danas s Pecikozom i Plehom smijenit ovakvu Vladu i ko biva vi ste riješili posao. Vi ste se tek u belaj uvalili. A pogotovo vi Milavice, Hasanoviću, Šahman, Poturak, i vi ostali koji znate da ne radite ispravnu stvar. Od danas vama kuca taksimetar i vas ćemo pitati, i Nenadića ćemo pitati hoćeš li nastaviti uvođenje Alije Budnje u sistem ili ćeš kao što si, kada smo trebali smijeniti ZOI, oboriti glavu u pod i poslušati nalog iz centrale? Dakle, sistem naloga iz centrale prvi put je dobio ozbiljnog oponenta u ljudima u armiji ljudi koji ne trpe nalog iz centrale. Ako nije pošteno, po Zakonu i korektno. Vaše licemjerje, ne vaših, pardon, vaših političkih lidera, i ovaj mangupski odnos Izetbegovića prema Komšiću i Radončiću u kom svaki dan im po čvoku spuca čovjek, da se tako izrazim žargonom. Ova dvojica nešto potrče da kažu, Zukorlići, helikopteri, razlozi. On kaže, mi smo 17. maja dogovorili tu koaliciju i tada je sve

već bilo gotovo. A vi ste sa nama sjedili na sastancima, Mariću, na kojima ja znam da niste znali, vas ne optužujem, ma niste imali pojma da je dogovor pao i da se ovdje kao ribice u tom akvarijumu krećete i da ništa mimo naloga političkih šefova ne smijete i nećete uraditi. Nema dobili smo MP kako DF tvrdi, Podžić, Komšić kaže vi možda ne znate ali granica s NATOM već je na Drini. Da li je moguće ljudi da se vi iza takvih pamfleta krijete rušeći ovakvu Vladu, i dovodeći neke kako ste ih najavili dovodeći neke nove moralne principe. I onda vam opet Izetbegović izađe jučer, prekjučer, onako kako se on dodvorava medijima u RS i za Glas Srpske kaže ne, ne, ne naravno nema NATO dok se svi ne dogovorimo. I ništa naravno siroti Komšić na to može reći. A vi svi ostali ćete slušati šta će vam on SMS poslati i tako ćete glasati. Prvi put jedna Vlada ili smjena jedne Vlade, naravno, taj vaš muk je, ovo je dijagnoza vašeg muka. Šta ćete ljudi reći. Pa šta možete reći. I greške koja je ova Vlada pravila priznavala ih je u trku i popravljala u trku. Kada prvi put grad cijeli žali za jednom Vladom. Prvi put. Ne znam jeste li sada izašli napolje. Govorim 15 minuta, formirali smo ova dva kluba. Ja sam u ovom jednom drugom klubu. Imam na to pravo. Prvi, ne znam jeste li išli na pauzu za ručak. Zna li da, neki dan je u Travniku pitao konobar, mogu li samo jedno pitanje. Kažem koje. Imaju li 18? pa pazi, ja pitam jeste li ikada prije pratili i znate li ikad prije ko su bili premijeri ko je bio smjenjivan. Ma nema čovjek pojma da sam i ja bio premijer ikada prije. Ali sada to gleda cijela država. Zato što je ovo prvi put sistemski, konceptualni odgovor na sve što su problemi u ovom društvu. A problemi su te stranačke monarhije u kojima slijepo slušate svoje političke šefove. Vi iz zdravstva šta ćete reći kolegama sada kada ih ponovo isporučujete Sebi Izetbegović, koja nije ih protjerala s KC, ona je te vaše kolege kojih mi je bila puna kancelarija, koji su mi donijeli, imam jednu crvenu fasciklu, kujem se, svi su mi ti dokazi i dokumenti od članova SBB i DF došli, ni jedan nije od nekog drugog. Gomilu dokaza o nezakonitosti, mobinga, strašnog udara, napada, ljudi bili presretni ushićeni i sada ih vi isporučujete osobi koja nije ih otjerala s KC, jer ona je uvela ovaj sistem, nabijem te s KC čvokom, pa te onda na Medicinskom fakultetu ne dam da radiš, pa te isključim iz Ljekarske komore, dakle ljudi se za živote bore. To su vaše kolege kojima ćete vi danas kada vam se bude tresla ruka, i kada budete glasali po nalogu stranke ponovo zagorčati život. I šta ćete im reći? Šta možete takvim ljudima reći? Puno bih, razmišljao sam da li da pobrajam ali sve su ovi ministri rekli i porijeklo imovine i registri silni. I potpuno drugi koncept upravljanja vlašću. Dakle tu nema nikakvih dilema i neću previše o tome. Hoću još nekoliko stvari koje sam sebi zapisao. Izdvojiti ću neke. Ova Vlada vaši ministri odozgo napadnu koncept, koncept to mi je. Vi ste danas dio koncepta i potpuno vam je normalno i ne reagujete ko ribice u tom akvirujumu u kojem federalni premijer ima firmu sa Džindićem iz SBB, koji posluju sa Pretisom, nad kojim vrše nadzor. Izađu na TV i to javno kažu i priznaju. Vi ste saučesnici u tom konceptu u kom to ljudima postaje normalno i ljudi to prihvataju. E znate šta se sada dešava, zašto ste uspjeli razbuditi milion neglasača? Jer prvi put institucionalno i sistemski to nekome nije normalno. I prvi put se o tome govori na ovakav način. Postalo vam je normalno da vaši tlačitelji sa vašim predsjednicima naprave paktove i da vi zato glasate. Šta vi iz SBB mislite o onome što mi je vaš predsjednik govorio da vam je rekao kada vas je skupio a kada je načuo da bi neki od vas mogli u SDA. I kada vam je zaprijetio svojom imovinom, svojim uticajem da onaj koji ode s SDA trpiti će to, to, to pa ste mi vi to neki potvrdili da mi je rekao istinu, pa vas je nazvao telefonima pa vam je rekao sada idemo s SDA. Neće više nikada ništa biti isto i nek vam je bog na pomoći. S druge strane da ne mislite, u ovim imenima, još vama iz DF, ako nam Šanku dovedete za ministra, imate večeru svi od mene. Vodim vas sve na večeru. Ako nam to zadovoljstvo priuštite da još spojimo Šanku i Sebiju, nakon što smo ujedinili Avaz, Stav, Faktor, Slobodnu Bosnu, pa više ne znate koji tekst iz kog brda bije, ako još to uradite, vjerujte proberite restoran u jednoj opuštеноj atmosferi idemo na večeru. Jer politički koncept u kom vi ovo uradite pred lokalne izbore

može biti samo želja nas koji vodimo i imamo stranke. Ali ljudski, vi ljudi rušite nešto što je prvi put mali tračak svjetlosti u ovoj zemlji da stvari mogu biti drugačije. Ove moje kolege iz SDA, na njihovoj listi, od prvih 15, 14 ih je u utрку za pozicije krenulo s budžeta. Osim ove moje kolegice Admele koja je radila u privatnom sektoru. 14 od 15 je krenulo svi ste bili u vijećima, zaposleni u opštinama, bili na budžetu. I ja sam, ne govorim. Ali kod nas mi smo šarali, nismo bili svi s budžeta. I dakle jedan koncept zaštite budžetlija, koji su uništavali institucije ponudili zaštitu isključivo kroz stranku, nismo mi bili protiv SDA, niti sam ne daj bože personalno protiv bilo koga, ali smo protiv tog sistema i vi ste najavili borbu protiv tog sistema, a onda ste na jedan zvižduk svojih predsjednika pod oštrim uglom promijenili kurs i dići ćete ruku za nešto za šta vi i članovi vaših porodica znate da je najgora stvar koju ste u životu uradili. Nikada vas nećemo ostaviti na miru ukoliko to bude loše. A boga mi ćemo vam aplaudirati ukoliko vi sada idete završiti tog Aliju Budnju i sve one koji su dužni novac u ovoj zemlji. Ako to budete radili onako kako smo htjeli, a mi još imali ove dane odmora, aplauz. Ako ne budete, nikada vas nećemo prestati uznemiravati. Hvala.

Predsjedavajuća Danijela Kristić:

Zahvaljujem. Zastupnica Vildana je bila ali nam se poništila cijela lista pa bih molila da se opet prijavite. Sistem nam je zablokirao, morat ćemo resetovati. Zadnja tri reda nisu u funkciji.

Imamo opciju da ministri pređu u prvi red, a ko će diskutovati da pređe na mjesto ministara, jer su tu mikrofoni i ponesu kartice. I glasati tako možemo. Znači, zadnja tri reda su samo problem.

Zamolila bih zastupnice i zastupnike da se opet prijave, ako ne znate redosljed imamo mi zapisano. Zastupnica Vildana, zastupnik Igor, pa evo prijavili ste se, OK.

Poslanik/zastupnik Vildana Bešlija.

Hvala vam. Pozdravljam sve prisutne i one koji na ovako zdušno prate. Današnja sjednica je ustvari apsurd na očigled javnosti, jer glasamo mimo volje građana. A čuli smo šta je ustvari volja građana, i po zadnjim istraživanjima o onome što nam pričaju prijatelji, rodbina, građani ovog Kantona. Glasamo o nepovjerenju prvoj reformskoj Vladi koja je u samo jednoj godini uspjela uraditi više nego bilo koja Vlada do sada. Moram istaći da kao zastupnica Naše stanke ponosna sam što je na čelu te Vlade, moj stranački kolega Edin Forto, koji je ustvari samo jedan među jednakim. O ovoj Vladi se pričalo u američkom senatu. Ovo je Vlada koja je pomicala granice i imala tendenciju da se kao plima proširi na ostatak države. Lijepo je bilo čuti riječi hvale od strane Međunarodne zajednice, prvi put u istoriji kao zastupnici ovog nivoa dobili smo pažnju i priliku da razgovaramo sa predstavnikom SDA-a, gospodinom Palmerom, o onom što smo uradili i planovima jer su vidjeli projekat ko ji je pravio pomake na lokalnom nivou. Na onom na kome se rješavaju životni problemi. Gledali su nas kao istinske zakonodavce, i borce za interese građana. Partnere, a ne kao ruke kojima se dirigira iz centrala njihovih političkih partija. Veliko je to jer znate, obično smo na marginama u poređenju s ostatkom svijeta. Ova Vlada Fortina Vlada, je pokazala da je moguće prevazići razlike u cilju ostvarivanja najboljih interesa građana. Reformskim naporima inicijativama oko usaglašenih zajedničkih principa i preko 300 mjera u mandatnom periodu. Ova Vlada je upalila svjetla i dala nadu građanima da može drugačije. Da možemo bolje jer ovo je naša zemlja i ovo je odgovornost svih nas. Ono što želim posebno naglasiti je probuđena interakcija sa građanima i građankama, bilo je mnogo pohvala, bilo je i kritika. Ali se u svemu osjetila njihova vjera da smo tu, da radimo za njih. A ne da zarađujemo plate za ništa. Veliki broj građana prestao je biti apatičan prema politici, i to je zasluga ove Vlade. Pozorno

su nas gledali, pratili naš rad i u drugim kantonima. I to je zasluga ove Vlade. Ne trebamo se vratiti daleko u prošlost da se sjetimo kako je to bilo prije dvije, pet ali i tokom zadnjih 20 godina naših života. Sigurna sam da nema osobe koja u periodu vladavine SDA i njihovih satelita nije osjetila bar neki vid nepravde. Lično, na svojoj koži. Proteklih godinu dana na djelu smo imali Vladu zasnovanu na transparentnosti, otvorenosti, konkretnom planu i mjerama, a sve su to preduslovi za mogućnost praćenja, sugerisanja, kritikovanja i prijedloga da nam svima bude bolje. Svjedočili smo da je već u prvoj godini mandata Vlada dovela do završne faze ili u potpunosti realizovala trećinu od 300 mjera. A da je implementacija ostalih mjera započeta, osim nekih lakših mjera koje su ostavljene za naredni period. 04.12.2019 godine će ostati zabilježen kao dan kada smo prvi put na ovim prostorima gledali otvorenu sjednicu jedne Vlade, Vlade Kantona Sarajevo. Na kojoj se govorilo o kriminalu u preduzećima, o kriminalu koji datira dugi niz godina, o činjenicama i tačnim brojkama. Katastrofalno stanje koje smo zatekli u svim sferama upravljanja zamijenili smo konkretnim mjerama i sada nakon godinu dana svjetla treba da se upravljačke poluge vrate tim istim ljudima u ruke. Pored zastupnika SDA zastupnici DF i SBB vi koji ste donedavno slijedili potpisane principe, ukoliko danas glasate za smjenu Vlade, iznevjerit ćete 68% građana koji po zadnjim istraživanjima žele da prva reformska Vlada ostane i sprovede svojih 300 mjera. To je izdaja svih onih koji su vas birali. Ne zaboravimo da smo izabrani voljom građana, sa ciljem zastupanja njihovih interesa. Ako je ono što smo imali priliku vidjeti posljedni mjesec dana kao što je neustavno, antiposlovničko djelovanje u kontinuitetu i niz grešaka od strane predvodnika pokušaja destabilizacije Kanton Sarajevo bojim se da će nas vratiti unazad. I to je ono što najviše boli svakog građanina i građanku koji su vidjeli svjetlo i osjetili nadu u bolje sutra. Ukoliko danas dođe do smjene Fortine Vlade, sve su prilike da ćemo i ove 2020 godine svjedočiti paralizaciji rada Skupštine i unapređenja života u Kantonu. I to po ko zna koji put pod krinkom da je u pitanju izborna godina. Način na koji je izvršen napad na Skupštinu i Vladu Kantona Sarajevo oslikava namjere nove stare većine, koje nisu u narednom periodu nešto rade nego da se zaustavi nova nada, ugasi svjetlo i zavlada potpuni mrak. Ako ste to i desi, nećemo pokleknuti, radit ćemo sa istim entuzijazmom i nadom u bolje sutra. Jer oktobar nije daleko, izdržali smo 25 godina mraka, izdržat ćemo još malo do sljedećih izbora jer ova zemlja može bolje. Hvala.

Poslanik/zastupnik Igor Stojanović:

Hvala. Zahvaljujem se ministrima na čelu s premijerom Fortom na prezentaciji ovoga što su uradili. Kao šef kluba SDP posebno ću se zahvaliti ministrima iz SDP Adnanu Šteti, Damiru Filipoviću i Maliku Garibiji što su izuzetno profesionalno i dosljedno do sada obavljali posao unutar Vlade i čuvali čast SDP koja je prije svega bila u službi građana. I izuzetno mi je drago, pogotovo nakon optužbi od pojedinih političkih stranaka u kojem je SDP bio optužen za nekakve planove BCD a danas kada se formiraju vlasti na višim nivoima sasvim je jasno ko je imao planove od samog početka. Kada je u pitanju glasanje o nepovjerenju Vladi Kantona Sarajevo ne čudim se što je SDA pokrenula ovakvu vrstu pitanja jer jednostavno 25 godišnji koncept na kojem egzistira SDA u Kantonu Sarajevo pa i šire, je koncept koji je usvojen na početku, a to je koncept prije svega nepotizma, namještenih tendera, prijatelja stranke, odnosno interesnog broja ljudi koji jednostavno funkcionišu unutar jednog ovakvog sistema, i nema tu neke spektakularne ideologije osim toga da se očuva taj neki sistem interesa i fluktuacije novca državnog prije svega i novca građana Kantona Sarajevo. Začuđujuće propadanje od strane SDA da ne prezaju kada izgube vlast i to je ono što smo vidjeli u ovom procesu u posljednjih mjesec dana, a to je da su spremni i na rušenje Ustava da bi se vratili u stolice i to je ono što je po meni najgora poruka koju su građani Kantona Sarajevo prije svega patriote BIH mogli dobiti od SDA u procesu unutar Kantona Sarajevo.

Rušenje Kanton Sarajevo je rušenje države prije svega rušenje Kanton Sarajevo kao Kantona u kojem egzistira glavni grad koji treba da bude primjer svima u BiH je pokazatelj na šta je spremna SDA da bi očuvala vlast. I zato se i ne čudim jer je to koncept kojim je SDA prije svega po meni pokazala da kapitulira pred politikama koje žele da podijele BiH, i nakon što je Sarajevo svo ovo vrijeme odolijevalo i štitilo Ustav na svaki mogući način, SDA nam je uvela politiku koju praktikuje Dodik u Banjaluci kada krši presude Ustavnog suda, pa smo i ovdje krenuli sa nelegalnim sjednicama kod kojih danas evo kada smo se našli na ovoj sjednici danas treba svi građani da znaju da je čitava ta sjednica od 28 bila farsa u službi kršenja Ustava. Ne čudim se zastupnicima iz SDA, čudim se zastupnicima iz SBB i naročito iz DF. Imam pitanje za zastupnike iz SBB, više onako retoričko nego što očekujem neki poseban odgovor a to je da li nakon prošlog mandata u kojem su četiri godine egzistirali u vlasti sa SDA mogu porediti nešto što se danas dešava? Gradnja Prve transverzale, silni projekti koji su započeti, kupovina autobusa, trolejbusa i da li istinski jedna priča o helikopteru koji bi trebao da bude u budžetu sa 1000 KM, evo zaustavljen je sada govorimo o privremenom finansiranju, još uvijek ga nema, ili ne znam o Zukorliću, treba da vrati SBB u koaliciju sa SDA i to sa onom SDA koja je kupila jelene lopatare za 2,5 miliona KM, četverosjed koji ne funkcioniše za 3,6 miliona KM, kiosk za 250.000 KM, koji vrijedi ni 20.000 i sada treba to neko opravdanje da se pronade za povratak za takvu vlast u kojoj je SBB egzistirao četiri godine. I na kraju krajeva u kojoj ministar Jusko vrlo jasno kaže na koji je način funkcionisala i šta on misli o takvoj Vladi u kojoj je egzistirao godinu dana. Ko je opravdanje zastupnicima SBB da sruše takvu Vladu? Vladu za koju i ja mislim daje donijela nadu građanima Kantona Sarajevo za bolji život. Moje pitanje za zastupnike iz DF je više retoričko a odnosi se s obzirom da oni vole da se predstave kao građanska stranka da su podržali ovakvo kršenje ustava od strane SDA za smjenu vlasti, u početku i da se krije iza Marija Nenadića kao i nekoj multietničkoj priči koja bi sve ove zastupnike iz SBB i DF kao i ministre koji su isključivo Bošnjaci, sada trebala da promijeni taj koncept u neku multietničku priču u Kantonu Sarajevo, postavio bih im pitanje šta misle oni o tome da kao građanska stranka, da neko opravda napad na Ustav Kantona Sarajevo, tako što kaže mi smo najmnogoljudniji i mi možemo ovdje šta hoćemo. Ako je to građanski koncept koji zagovora DF možda da im kažem da je to toliko daleko od građanskog koncepta da mogu se slobodno radikalnom desnicom u Kantonu Sarajevo. Sve ovo me začuđuje prije svega zato što je čitav ovaj proces i oko kršenja ustava i oko promjene vlasti ustvari isključivo pokriće za namještene tendere, za zapošljavanja, za sve ono što je zgdilo život ljudima u Kantonu Sarajevo. I zbog čega ljudi iseljavaju iz ovog Kantona. Ta multietnička priča u kojoj 17 zastupnika kako su nam predstavili iz SDA ima nas najviše Bošnjaka pa možemo ovdje sada i 28 organizovati sjednicu, pa možemo i smijeniti vas zato što nas ima 18 bez obzira da li je po propisima ili nije po pripisima, nosi sa sobom jednu političku bajku koja bi sada trebala da objasni građanima Kantona Sarajevo da ovo do sada je jedna šuplja priča bila od strane Vlade šestorke a sada tek dolazi svjetlo. I u tom svjetlu u medijima vidimo da će se najmanje pet šest ministara iz prošlog saziva vratiti, ministara za koji već vjerujem da se građani Kantona Sarajevo i ne sjećaju koji su bili tu. Ali će se vratiti ponovo da rade i kao sada će krenuti taj neki sjajni prosperitet o kojem mi na žalost ne vidimo niti jedan jedini dokument niti mjeru za koju će ova Vlada donijeti da bi unaprijedila život u Kantonu Sarajevo. E po tome se razlikuje Vlada šestorke u odnosu na ovo nešto što bi trebalo doći. Ta bajka koja liči na Snježanu i sedam patuljaka u kojoj su nekada djeca uživala, ja vjerujem da građani Kantona Sarajevo će to prepoznati kao bajku koju gledaju već 23 godine koja uvijek ima isti završetak, poguban za građane Kantona Sarajevo. I nije mi jasno da zastupnici SBB I DF koji su vrlo ravnopravno učestvovali pristaju da budu ponovo zastupnici u jednoj novoj bajci koja se zove Smiljana Viteškić i 17 političkih patuljaka. Hoću da vjerujem da oni ne misle tako i da misle da upravo ono što je ministar

Jusko rekao, a to je da je ova Vlada bila Vlada promjena i da bez obzira na političke poruke da jednostavno on želi da kaže kako je ova Vlada radila i da stoji iza tog rada. A ako tako kaže ministar iz te stranke kako je onda moguće da zastupnici misle drugačije i šta im je argumentacija. Još jednom želim da se zahvalim svim ministrima i premijeru Forti na dosljednom radu, na ovome što su prije svega dali nadu. Sigurno da se može još uraditi, ali im se želim zahvaliti da za ovu godinu dana su pokazali da se može još uraditi, ali im se želim zahvaliti da za ovu godinu su pokazali da se može mnogo, mnogo više nego u odnosu na sve prethodne Vlade koje su bile tu za 23 godine. Hvala.

Poslanik/zastupnik Neira Dizdarević:

Hvala predsjedavajuća. Također pozdravljam sve u sali kao i gledaoce koji prate našu današnju sjednicu. Pa kao zastupnika u drugom mandatu, ja ću na početku napraviti kratku paralelu između prošlog saziva, kako Skupštine, kao i prošlog saziva Vlade i rada ove Vlade. Sama statistika je neumoljiva. U jednoj godini mandata ove Vlade održali smo gotovo duplo više sjednica Skupštine nego u prvoj godini mandata prošle Vlade. Po prvi put smo imali viziju kako Kanton treba izgledati a ne samo procentualna podjelu plijena i fotelja. Imali smo dokumenat, program sa preko 300 mjera, koji će jedna Vlada realizovati pa smo i mi kao zastupnici, ali i građani i građanke Kantona Sarajevo mogli to pratiti. I pratilo se rad ove Vlade više nego i jedne prije. Prvi put smo imali transparentnu Vladu, Vladu koja nije bila svrha sama sebi, otuđena i nedodirljiva, već je bila otvorena i dostupna i u službi svih naših sugrađana. U samo jednoj godini mandata, realizovana je 1/3 mjera planiranih za četiri godine, a zatekli smo propast u svim sferama društva. Od javne higijene, saobraćajne infrastrukture, obrazovanja, zdravstva, upravljanja poljoprivrednim gazdinstvima, lažnih hotela na Bjelašnici, lažnih diploma. Javna preduzeća u takvom stanju da respektabilne nezavisne revizorske kuće ne da ne daju negativno revizorsko mišljenje, već ne žele uopšte dati revizorsko mišljenje. Decembarska sjednica Vlade koja je bila otvorena za javnost, definitivno nije pokrenula ali jeste znatno ubrzala smjenu ove Vlade, koja je dogovorena još u maju između novih koalicionih partnera, SDA, DF i SBB. Obračun sa kriminalom, kojeg štite, u ovoj godini bio bi daleko širih razmjera i nemilosrdniji nego u prvoj godini vlasti. 17 maja dogovorena je smjena Fortine Vlade, a onda u decembru na petak 13, formalizovana na jednom listu papira, sa 18 potpisa iako najavljujući i garantujući 19, bez ikakvog obrazloženja. Ali što je još važnije, bez ikakvih mjera koje ta nova većina namjerava sprovesti. Vlada je uzvratila izvještajem sa 50 stranica u najkraćim crtama prezentujući sve ono što su radili prethodnih godinu dana. Suštinske razlike su one u količini i kvaliteti rada, ali i u opredijeljenosti za građane umjesto za fotelje. Podsjetiti ću vas da je u prošlom mandatu SDA premijer Adem Zolj plagirao vlastiti Ekspoze. Nadam se da će ukoliko danas dođe do smjene Fortine Vlade, novi mandatar, evo pozivam da to udari ovaj put sa programom i mjerama, jer ovaj put zaista imate od koga prepisati. Godina dana jeste možda malo da se svi segmenti našeg društva koji su zanemarivani decenijama dovedu koliko toliko u red, ali nije bilo malo da ova Vlada dobije ogromnu podršku povjerenje građana Kantona Sarajevo, o čemu govori mnoga reprezentativna istraživanja. Važno je da javnost čuje kakve poruke građani šalju nama zastupnicima. Građani sa kojima kontaktiramo i po prvi put: „Budite nadu da ipak ima života u ovoj našoj napaćenoj zemlji. Samo naprijed uz vas smo. Jedna poruka iz inostranstva: Zbog Vlade Kantona Sarajevo razmišljam da se vratim u Sarajevo. Hvala vam što prepoznajete naše stvarne probleme. Najbolja Vlada od rata na ovamo. I brojne druge. Ovo je najveća satisfakcija i zato je danas tako časno, ponosno i lijepo biti zastupnica Fortine Vlade. Ukoliko se direktive stranačkih centrala ipak ispune, premda nevoljko od strane pojedinih zastupnika, primjećujem i da su zastupnici DF i SBB većinu dana van sale, vjerovatno im ne neugodno slušati sve ovo danas. Pa ipak ako se i danas

izglasa nepovjerenje Vladi što se tiče Kluba Naše stranke, kao i u prethodnom mandatu, bit ćemo konstruktivna opozicija, budno pratiti sve ono što nova Vlada bude radila i građani se ne trebaju apsolutno plašiti da će doći do nekih opstrukcija ili blokada sa naše strane. Međutim nova većina od 18 zastupnika je na samoj granici i ja se bojim da ćemo već od narednog mjeseca veoma malo raditi. Odnosno da narednog mjeseca počinje možda jedan veliki kolektivni godišnji odmor. Građanima Kantona Sarajevo želim se zaista zahvaliti na ogromnoj podršci koju ste nam pružali. Znamo da ćete nam svoje povjerenje ukazati i u oktobru i želim reći da sjeme nade koje smo posadili možda neće proklijati i niknuti ovog proljeća ali narednog sigurno hoće. Hvala puno.

Poslanik/zastupnik Segmedina Srna Bajramović:

Zahvaljujem predsjedavajuća, pozdravljam sve prisutne. Ono što ja želim reći jeste da se na žalost ponovno u Kantonu Sarajevo prezentovalo kako se u toj surovj borbi za vlast ne preza ni od čega. A bojim se da već predugo traje izživljavanje politike nad strpljenjem građana. U očekivanju pravne države od ponedjeljka i boljeg života, a u isto vrijeme ti isti građani nam svima zajedno u zadnje vrijeme šalju vrlo jasnu poruku odlaskom iz ove zemlje. I umjesto da se napuste te i takve pogrešne politike, bojim se da smo ponovno u procesu eskalacije političkog i moralnog, vrijednosnog urušavanja cjelokupnog sistema, što će kao rezultat sveprisutnih migracijskih trendova imati samo opstanak sretnika koji žive od budžeta Kantona Sarajevo. Na zadnjoj sjednici smo usvojili automatski sračunate finansijske dokumente, na bazi zakonskih definisanog finansijskog okvira za kontinuitet rashoda Kantona Sarajevo, ZZO, Službe za zapošljavanje, što je između ostalog potvrdilo kako je politika u borni za vlast i dalje najbitnija sama sebi. Bez obzira na posljedice i kao takva jasno odrađeno od stvarnih životnih problema. Moram naglasiti kako nam je suština ovih praktičnih problema lomljena vlasti i procedura preko koljena, kroz privremenost, pokazala kako je to godinama očigledno najznačajnija terminološka odrednica odnosa u politici. Jednostavno nije dobro. Nije dobro gdje smo sebe doveli tom prezentacijom nezajažljive potrebe za dolazak na vlast u kojoj na žalost uopšte nije moguće prepoznati strah od odgovornosti za rezultat, nego dominira ekstaza. Ekstaza od čudno ugrabljene prilike za raspolaganjem resursima novcem i interesima. Na zadnjoj tehničkoj sjednici smo samo implementirali instrument u narodu poznat „da život ne stane”, tačnije stvorili tromjesečni vremenski okvir u kojem građani ne bi trebali da osjete finansijske avanture igranja politike brojeva, petak 13, i broja 18. iako sam pomalo bila svjesna kako će današnja sjednica možda biti i prostor personalne potrebe da se dokaže kako je svaka strana pobjednik, heroj kompromisa i neupitna žrtva principa u interesu građanki i građana Kantona Sarajevo, imam političku i moralnu obavezu da danas iskoristim vrijeme da jasno i javno iznesem neke argumente o aktuelnom trenutku jer ne želim da me bilo ko dovede u poziciju odgovornosti za bilo šta privremeno u našem Kantonu. Kada politički analizirate zadnju godinu dana u BIH, kompletna može stati u jednu jedinu rečenicu, a to je da smo mi sami sebi sigurno najveći i jedini neprijatelji. Lažna percepcija za proteklu godinu, traženje interesne izborne matematike uz apsolutno odsustvo vizije i programa za bolji život građana, gomile javno snimljenih laži i uvreda, politika besmisla, privatni interesi, trgovina mandatima, spinovanje, te krađa izborne volje, u zadnjih mjesec dana se pokušavalo kao skup vrijednosti bolje perspektive instalirati građanima Kanton Sarajevo kroz novi broj 18. naš problem je očigledno što nemamo izborne rezultate, nego rezultate izbornog inženjeringa. Mi smo u ovih mjesec dana, usudit ću se reći možda i najviše kompromitovali demokratke vrijednosti, način na koji se osvaja, dokazuje i opravdava povjerenje birača. Sada već potpuno sludenih i dezorijentisanih birača. Da je u tom jednom satarašu političkih inercija postalo potpuno nebitno da li imaš ili nemaš rezultat rada, nego da li imaš ili nemaš 18. početak je 2020 godine i političkih maski očigledno do daljnjeg nema. Ne smetaju danas ideološki

osvješćenom Komšiću i DF-u ni SDA, ni Čović ni HDZ, pa ni SNSD Milorada Dodika. Ne smeta mu više ni njihovo antidržavno djelovanje, jer je očigledno patriotski najvažnije čuvanje SDA na vlasti bez obzira gdje će s njima završiti država. Ne smeta više Radončiću ni beščasni Izetbegović, ni Komšić sa balkona, dakle samo navodim ono što su javno govorili jedni o drugima. I šta reći o vrijednostima koje nosi koalicija Petak 13 u kojoj se nalaze lideri gdje jedan za drugog kaže da mu je član familije ukrao milijardu, a onda drugi njemu uzvratiti da je saradnik narko bossa. A ovaj treći vrišti kako ova SDA nije ni nalik onoj prvobitnoj SDA. Dakle tu više čak nema više nikakve ideologije. Jasno je da nakon svega ovoga prioritet nove matematike 18 nisu nove vrijednosti nego povratak na staro. Velikom većinom građani Kantona Sarajevo su suštinska vrijednosna suprotnost ovog skupa lidera i vrijeme je da to i pokažu. Dakle probudili ste tihog diva. Veliku većinu Sarajlija koji su prepoznali i pokazali da cijene kada ih se uvažava a da su spremni sačuvati dostojanstvo vlastito kada ga već politika gubi na svakom koraku, ne prilagođavajući svoje odgovor ambijentu trenutka. Ne smjenjuje se ovim sedmicama ni šestorka, ni četvorka, nego se s vlasti smjenjuje politički koncept koji je narod uz sve svoje greške počeo vraćati vjeruju u politiku. Na žalost, potvrđuje se isto tako kako su novac i interesi, očigledno i dalje jači principi u politici od povjerenja, transparentnosti, odgovornosti, i među vladajućim partnerima postali su snažan instrument političke senilnosti jer da je drugačije, nakon onoga što su jedni o drugima rekli, javno u medijima, ovi ljudi ne bi živjeli u istoj državi, a ne pravili vlast skupa. Oni očigledno smatraju da su njihova združena medijska indoktrinacija sponzoriranih medija uz promociju straha kao pratećeg monopola ucjene, ili mi ili oni, jači od pojedinca, jači od zdrave pameti, vlastitih očiju i svake istine. Sjetimo se dodatno patriotski ostrašćenih prijatelji, da nema državne vlasti bez AMP, pa dobismo državnu vlast gdje programi reformi reimenovan i kastriran tek nakon imenovanja. Dakle u globalnim igrama velikih sila, svakom normalnom i realnom jasno je da smo poslali i prazan papir, odgovor bi bio isti. Mi smo u ovim utakmicama vojnih saveza ipak objekat i sve procese u tom smislu treba gledati upravo kao interesnu ljubav velikih, gdje naša sigurna pozicija ipak zavisi od punopravnog članstva u NATO a ne putovanje koje može trajati i 50 godina. Javna prezentacija različitih tumačenja ključnih aktera istog dokumenta ukazuje da mi nismo napravili ništa spektakularno jer je i sam uspjeh u tom dokumentu direktno ovisan o konsenzusu kojem ne postoji ni u ovom trenutku među partnerima a čini se teško ga je očekivati u bliskoj budućnosti. Ovo sve navodim kao manifestaciju jedne nerealne politike koja je dominirala igrom po crvenoj liniji između nacionalizma i patriotizma, heroja i izdajica i kakvih sve ne podjela, ali kada se treba zauzeti ruka u džep građanina, o akciza i drugih nameta onda imamo složnu braću, kojoj ni NATO ni EU, ni Rusija ne predstavljaju nepremostive prepreke. U godini laži sлагаše nas i kako nema Vijeća ministara bez Vlade FBiH, pa dobismo upravo suprotno. Sada nam se priča kako je naš Kanton osigurač za izborni Zakon, zamislite, što pokazuje da je dežurni kontradiktorni patriotski moralista svjestan pogrešnih poteza i burne reakcije javnosti pa šalje poprilično stupidne spinove. A to je da sam proglašava svoje partnere u vlasti za prevarante a da je pri tome toliko bezobrazan da zbog vlasti i ličnog interesa na drugim nivoima vlasti, hipotetički rečeno, građane Kantona Sarajevo bez njihove volje potpisuje kao žirante svih svojih loših političkih kredita. Na žalost svjedočili smo jednoj prili pred izbore, drugoj zadnja tri mjeseca, godina dana laganja u oči svima, svojim članovima, biračima, partnerima pa čak i diplomatama. Dakle prisutna je sveopšta raskoš od javnih besmislica i izmišljenih razloga u spašavanju obraza zbog svojih pogrešnih odluka. Kolega Jakupović mi signalizira da mi je isteklo vrijeme ali govorit ću u ime Kluba i uskoro ću završiti, koristim to vrijeme. Dakle nastavlja se razvlačenje pameti narodu igrama patriotizma i nacionalizma. Ono što želim reći i što smatram važnim, jeste da se Vlada Kanton Sarajevo smjenjuje sirovom matematikom a ne boljim programom u interesu građana. Umjesto boljih projekata za građane, mi smo dobili

povratak na nekadašnju trgovačku političku logiku za bolji život pojedinaca koji čuvaju broj 18. sada imamo novu matematiku ali n a žalost nemamo logiku. Na ovim prostorima, koliko god matematika bila važna i bila prisutna, logika je potrebnija. Jer kada nema logike onda imate ozbiljne probleme u funkcionisanju vlasti. Ustvari mi u perspektivni dobijamo privatne raspodjele plijena. Ponovno očigledno idemo u politički koncept Radeljaš- zdravstva, ponovno će vjerovatno privatne postati i komunala i socijala i koncesije, jer nam je to posvjedočila istorija, a ono što vidimo danas ukazuje da se ponovo spremamo na već viđeno i traumatično putovanje, još jedno takvo putovanje. Međutim, danas više nisam sigurna da građani žele biti dio takvog putovanja u kojem politika želi završiti započeto. Naredne godine obilježiti ćemo 30 godina od gromoglasnog uvođenja demokratije na ovaj prostor a na sjednici Vlade, od 4.12 o tome su već govorili kolegice Bešlija i Dizdarević, vidjeli smo o kakvim rezultatima anarhijskog lopovluka se radi. Čuli smo jasno i konkretno šta su građani imali kao rezultat te frankeštajn demokratije obogaćene epidemijom lopovluka. Izgleda se od prošle sjednice, i zaključujem, i privremenim finansiranjem simbolično vraćamo u godine kada je svaka vrijednost postala privremena. Kada su se na vlast promicale politike nezajažljivih funkcionera, direktora JP, i institucija koje su lažima, prevarama, korupciji dosljedno provodili svoju osnovnu ideologiju kleptomaniju s okusom nacionalizma. S mirisom nacionalizma. Toliko. Zahvaljujem.

Poslanik/zastupnik Elvedin Okerić:

Zahvaljujem predsjedavajuća, dopredsjedavajući, uvažene zastupnice i zastupnici, članovi Vlade, građani pored malih ekrana sve vas srdačno selamim i pozdravljam. Danas smo imali zaista emotivno podnošenje izvještaja Vlade Kantona Sarajevo. Ono što je mene dojmilo i moj zaključak je sljedeći: kada dobiješ temperaturu zbog odgovornosti i pustiš suzu zbog savjesti koju imaš kao što je to danas uradila Vlada Edina Frote, ubijeđen sam da je pobjeda blizu nad onima koji su se opredijelili da nered čine. Ovo je samo pokazatelj koliko je važna istrajnost onih koji se odluče da uspostavljaju bolji sistem u društvu, podsjetit ću vas da je ova borba krenula od smjene Elmedina Konakovića i njegove Vlade. Znači potrebno nam je bilo tri, četiri godine kako bi probudili jedan dio građana, kako bi ubijedili jedan dio građana da je moguće popravljati stanje u društvu. Aktuelna Vlada, uz sve svoje greške koje je imala, ostavila je jako veliki trag kod građana Kantona Sarajevo, što pokazuju sve ankete i reakcije javnosti. Nedavno sam izjavio da je ovo zakašnjela reakcija koalicionih partnera okupljenih oko matematičke konstrukcije. Smatram i ubijeđen sam da se zakasnilo sa smjenom ove Vlade jer je uspjela nametnuti novi koncept rada u rješavanju problema građana Kantona Sarajevo. Ponudila je građanima najveću transparentnost jedne Vlade do sada, odlučnost u rješavanju nagomilanih problema u različitim resorima. Jasnu opredijeljenost u borbi protiv korupcije kroz sistemsko jačanje nadzora i kontrole te unapređenje procesa u Kantonu Sarajevo. Odgovorno postupanje u kriznim situacijama, zaštita vladavine prava i ustavnog poretka, te je priznavala svoje greške i brzo ih otklanjala. Aktuelna Vlada Kantona Sarajevo uspjela je postati ogledni primjer svim drugim Vladama u BIH, ogledni primjer svim kantonima te je dobila sve pohvale od Međunarodnih institucija i podršku javnosti. Predlaganjem izmjena i dopuna nekoliko ključnih Zakona te donošenjem novih ova Vlada i Skupština Kantona Sarajevo su suštinski promijenili bavljenje politikom te je uvjerala javnost i građane da je moguće obnašati vlast na transparentniji, odgovorniji i stručniji način, te da je ustvari, sve do političke volje. Ili će se zavoditi red u društvu ili pomagati činjenje nereda. Istaću nekoliko činjenica koje oslikavaju ovu Vladu kroz nekoliko Zakona. Izmjene i dopune najvažnijih Zakona u segmentu sigurnosti i to Zakon o unutrašnjim poslovima, Zakon o policijskim službenicima te Zakon o nabavljanju, nošenju i držanju oružja u Kantonu Sarajevo, a koji su nakon propisane procedure usvojeni dvotrećinskom većinom. Usvajanjem

prethodno navedenih Zakona od strane Skupštine Kantona Sarajevo, napokon su se stvorile realne pretpostavke za bolji i stabilniji sigurnosni sistem, jaču i sposobniju policiju, te snažniji osjećaj sigurnosti građana u Kantonu Sarajevo. A što se ogleda u konkretnim pokazateljima. Nakon reformskih izmjena, propisa sva teška počinjenja krivičnih djela, ubistava, pokušaja ubistava, razbojništva i krađe i slično su rasvijetljena i počinioci otkriveni i privedeni pred lice pravde. Krađa automobila kao jedan od najvećih problema u Kantonu Sarajevo je sveden na najmanji broj. Nakon višegodišnjih napora, pokriveni su video-nadzorom svi izlazi iz Kanton Sarajevo. Koji su godinama bili opstruirani. Pored navedenog ostvareni su najvažniji reformski ciljevi potpuno vraćanja struke u policiju, depolitizacija policije, jačanje transparentnosti u radu i antikoruptivnih kapaciteta, zaštita prava policijskih službenika, te jačanje integriteta MUP-a a što je prepoznato i pohvaljeno od akademske zajednice te stručne javnosti. Još jedan od važnih Zakona koji je ova Vlada i ova Skupština usvojila, jedina u BIH, to je Zakon o prijavljivanju i postupku provjere podataka o imovini nosioca javnih funkcija u Kantonu Sarajevo. Ovim zakonom se utvrđuje obaveza izabranih i imenovanih dužnosnika, nosioca izvršnih funkcija i savjetnika da prijave zatečenu imovinu i prohode porijeklo i promjene imovine. Ova Vlada i Skupština Kantona Sarajevo su prvi u BIH koji su usvojili jedan ovakav Zakon, cijeneći obavezu odgovornosti prema građanima Kanton Sarajevo, donošenjem ovakvog Zakona, uspostavlja se novi koncept bavljenja ppolitikom koji će se zasigurno u dogledno vrijeme prenijeti na čitavu BIH, kako bi se smanjile zloupotrebe i krenulo ka ozdravljenju naše države koja se nalazi u jako teškoj situaciji kada je u pitanju korupcija. Važno je da svaki građanin Kanton Sarajevo zna sa koliko imovine uđemo u politiku i sa koliko imovine izlazimo iz politike. Borba protiv korupcije u Kantonu Sarajevo je predstavljen kao najbolji primjer borbe protiv korupcije u BIH koji je ikada uspostavljen, koji daje efekte, a prepoznat je također od šire javnosti, od građana i od međunarodnih institucija u BIH. Uspostavljanje kanala za prijavljivanje te sistemsko prosljeđivanja nadležnim institucijama, te uspostavljanje niza registara od kojih su: registar konkursa, registar podataka o imovini nosioca javnih funkcija, registar zaposlenih u javnom sektoru i njihove plate, registar imenovanih lica u Kantonu Sarajevo, registar prijave korupcije. Za tri i pol godine preko 500 prijava smo imali u Uredu za borbu protiv korupcije od čega su 300 okončane a ostale su u postupku. Oko 50% prijava su potpisane, što znači da iako nemamo Zakon o zaštiti prijavitelja korupcije, Zakon o zaštiti zviždača, građani ukazuju i ulijevaju određeno povjerenje u ovu vlast, pa se potpišu imenom i prezimenom i prijave ljude, koje čine nezakonitosti. Ruđenjem ovakvog koncepta rada jedne Vlade vraćaju se i oživljavaju oni za koje smo dokazali da se na račun građana bogate pojedinci uzimanjem procenata 3% i više, ne plaćanjem vode, smeća i drugih obaveza, kao što su između ostalog porezi državi, zatim neodgovornim i netransparentnim trošenjem novca kao što je kupovina kioska od 250.000 KM i nismo imali nikakve osude iz političke partije direktora koji je ovo uradio. Nabavka neadekvatnog vertikalnog transporta na Bjelašnici također nemamo nikakve osude, uništavanje i onesposobljavanje materijalno tehničkih resursa, a sve u cilju pribavljanja ličnih interesa. Kako god bilo, ukoliko budemo imali novu Vladu, sve što bude dobro sigurno ćemo podržavati. Ali, zapamtite žestoko ćemo reagovati na sve zloupotrebe i nezakonitosti ukoliko bude pokušaja. I nemojte zaboraviti jednu stvar, ova Vlada je ostavila dovoljno mehanizama nadzora i kontrole u sistemu, koji mogu osvjetliti prostor i spriječiti počinioce da ne čine štetu društvu koju su do sada činili. Na kraju, ubijeđen sam da ni jedan trud nije ostao bez rezultata, pa neće ni rad ove Vlade. Siguran sam da je novi koncept zaživio i da građani neće zaboraviti sve što je urađeno s ciljem zaštite pravne sigurnosti i poboljšanja uslova za život građana u Kantonu Sarajevo. Isto tako siguran sam da neće građani Kantona Sarajevo zaboraviti kako i na koji način je formirana ova nova većina, na kojim principima, kakvi

matematičkim trgovinama, i sa kakvim moralnim horizontalama koji trebaju da donese odluke u interesu građana i njihove djece. Hvala.

Poslanik/zastupnik Samir Suljević:

Hvala predsjedavajuća. Pozdravljam sve prisutne kao i gledaoce pored malih ekrana. Ja u ovom trenutku želim da podijelim osjećanja koja danas imam. Prvo za godinu dana ove Vlade slušali smo maloprije šta je urađeno. Za neke mnogo, za neke malo, ali moramo da priznamo mnogo, mnogo više nego sve Vlade koje su ovih 25 godina vodili ovaj grad a da ne govorim i državu. Amela, Adnane, Amele i ostali hvala vam. Ponosan sam na vas što sam dio tima i moja SDP i ja lično, ponosan sam na sve što ste uradili u Centru za socijalni rad, što ste uradili oko energetske efikasnosti, nabavke tramvaja, infrastrukture, stajališta, socijalna davanja, pravne i finansijske stabilnosti u Kantonu Sarajevo, prijava imovine, dizanje ZOI, subvencije plina, grijanja, a što je najvažnije hvala vam što ste vratili nadu građanima Kanton Sarajevo da može bolje, može drugačije. To je naša obaveza, to znamo. Ali do sada te obaveze ljudi nisu izvršavali. Drugi dio priče, zaboravio sam reći, vrlo, vrlo važnu stvar ministre Jusko, dugo nisam se osjećao emotivnije i hvala vam na vaše malopredašnje izlaganje. A moram i da pohvalim nešto što niko nije primijetio ili je malo imalo odjeka u javnosti. Hvala ovoj Vladi koja je našla snage i dala pomoć Rukometnoj reprezentaciji BIH da ode na Europsko prvenstvo kada niko u ovoj državi nije stao, i Vlada FBIH, ni državni organi, ova Vlada je stala i naši momci su otišli na prvenstvo. Hvala vam. Damir Nikšić maloprije postavio jedno vrlo, vrlo važno pitanje. Pretpostavljam da se svi mi pitamo zašto ovo radite? Mislim na novu većinu. Optuživali ste nas, i optuživali ste ovu Vladu, kažete nesposobni, loši, ovako, nako, a onda u javnosti kažete da ćete najveći dio započetih procesa, mjera nastaviti. Po meni je to kontradiktornost. Odgovor zašto ovo radite dat ćete građanima Kantona. Ne iznenađuje me postupak SDA. SDA radi ono što je radila svih ovih godina, ja joj se ovom prilikom moram zahvaliti na odličnoj opoziciji, da nije bilo odlične opozicije od strane SDA pitanja da li bi ova Vlada imala ovoliko pozitivnih efekata. Ja smatram da SDA odlična kao opozicija, i volio bih da ostane opozicija i dalje jer tu su mnogo bolji. Kada su na poziciji, nisam siguran da mogu nešto uraditi. Ali očito je da vraćam se na neke stvari kako je do ovoga došlo. Moram podijeliti s vama jednu priču. Kada se počela raditi dogovori oko formiranja ove nove većine, ove Vlade, vlasti, šestorke, smatramo sam da je nemoguće da Dino Konaković i ja budemo na istim stranama. Il Vildana Bešlija, nije ni važno. Ispostavilo se da ove različite političke opcije odlično funkcionišu ako je pitanje interes građana. Ali da se vratim na to, danas se postavljaju pitanja, šta je sa SBB, šta je sa DF? Moj kolega Igor Stojanović kaže, iznenađen DF. Ja nisam. Moram podijeliti s vama prvi dogovor BH bloka kada je bio, kada smo dogovarali oko principa, svi koji su bili tu, sjećaju se da je prvi princip bio, ne koaliranje sa SDA. Naša stranka i SDP su to prihvatile, gospodin Dunović koji je bio tu, ne mi nećemo to potpisati, to se podrazumijeva. Evo tog podrazumijevanja danas. SBB neću govoriti o politici SBB. Politika SBB o njihovoj politici govori najnovija anketa koja im u ovom trenutku predviđa 2% popularnosti u Kantonu Sarajevo, a moram da kažem još jednu stvar. Ko je vidio najnovije ankete može da kaže, na pravom smo putu. Znači rekli smo 68% podrške ove Vlade. Tri političke partije koje danas ruše ovu Vladu imaju ukupno 14% popularnosti po anketama u Kantonu Sarajevo. Dobro ste čuli. 14%. a onda se kaže nova parlamentarna većina. Zapitajte se jeste li većina iza koje stoje građani ako samo 14% građana stoji iza vas. Ja moram da skinem kapu SDA dugo su igrali, trčali su maraton sa SBB i na kraju pobijedili u tom maratonu. Krivci će biti kažnjeni u oktobru, ali bez obzira na ovaj maraton, moram da kažem meni je drago a i građani se toplo nadaju da će uskoro biti ona priča maratonci trče posljednji krug. Hvala.

Dopresjedavajući Vibor Handžić.

Zahvaljujem predsjedavajuća. S obzirom da se javljam prvi put, sve vas srdačno pozdravljam, želim dobar dan. Čuli smo u ovom detaljnom izlaganju premijera i nekolicine, pa skoro svih ministara u Vladi, aktuelnom sazivu Vlade Kantona Sarajevo još uvijek, sve ono što je ova Vlada radila u prethodnih nešto više od godinu dana, i nakon što su još neki zastupnici govorili o pozitivnim stvarima koje je ova Vlada radila, meni se čini da bi i jedna riječ dodatna u njenom radu zaista poslije ovih briljantnih istupa bila potpuno viška, i zato ću ja nešto govoriti. Taj ću dio izostaviti govorit ću o političkom aspektu pokretanja smjene ove Vlade i svega što se dešava u prethodnom periodu u Kantonu Sarajevo. Dakle proces rekonstrukcije bilo koje Vlade na generalnom nivou, ne predstavlja ništa sporno. Čak ni posebno to ne predstavlja ništa sporno u Kantonu Sarajevo jer čini mi se da je ovaj Kanton možda i rekorder u procesima rekonstrukcija Vlada u prethodnom periodu. Ali moram istaći da je pokretanje i proces smjene ove Vlade izuzetno specifičan kroz i te kako relevantna istraživanja o zadovoljstvu građana radom ove Vlade, a posebno ću naglasiti kroz istupe gospođe Jasne Duraković i kroz istupe gospodina ministar Ismira Juska, gdje vam je jasno stavljeno do znanja šta ljudi misle o radu ove Vlade, kada misle slobodno. Nisam apsolutno iznenađen ovim obrazloženjem za pokretanjem, odnosno izglasavanjem nepovjerenja ove Vlade i zašto stoji samo jedna rečenica da postoji neka nova parlamentarna većina. Meni je za razliku od nekih mojih kolega to uopšte nije iznenadilo. To je nekako šlag na tortu ovih prethodnih mjesec dana i svega što se u ovoj zgradi dešavalo. Gdje je poslala jedna jasna poruka: mi nogama otvaramo vrata za ulazak nove vlasti, imamo većinu, ne moramo nikome polagati račune i radimo šta mi hoćemo. Po završetku općih izbora 2018 godine, nova parlamentarna većina tada 24 zastupnika moram istaći u nikada bržem roku, bez obzira na tu disperziju različitih ideologija i političkih subjekata koji su činili šestorku, potpuno odgovorno i ozbiljno, najprije napisala neke mjere po kojima će se raditi u budućem periodu i te mjere nisu bile važne samo sa aspekta ozbiljnosti rada nove Vlade koje je funkcionisala po prvi put na osnovu nekog programa i napisanog dokumenta već i da ljudi izvana, izvan ove zgrade mogu valorizirati i cijeliti i mjeriti rad i kvalitet rada Vlade. To se podsjećam nikada ranije nije desilo. Mi smo imali budžet usvojen u januaru a znate da su se nekada parlamentarne većine formirale u martu, aprilu, nekada čak i kasnije. Dakle šest političkih subjekata je potpisalo sporazum o radu za mandatni period. Dakle slovom i brojem to znači četiri godine. U prethodnih godinu dana na sjednicama Skupštine koje su bile baš onako dugotrajne moje diskusije su bile minorne u odnosu na diskusije pojedinih zastupnika u smislu kritike bivših vlasti u Kantonu Sarajevo, a koji su danas potpisali zahtjev za izglasavanje nepovjerenja Vladi. Zato je potpuno smiješno, apsurdno, infantilno pričati o nekih godinu dana koji su određeni politički šefovi dali ovoj Vladi kao lakmus papir da ocijene kvalitet njenog rada. O helikopteru za koji moram iskreno reći nisam znao da postoji, da imamo najviše eksperata po glavi stanovnika u svijetu, o Zukorličima i nekakvim građanskim konceptima kao jednom katastrofalnom pokušaju defanzivnog PR-a, o NATO putu za koji evo baš gospodin Bakir Izetbegović kaže da ga neće biti dok se sve strane o njemu ne usuglase, o Izbornom Zakonu na federalnom nivou koji se donosi na državnom nivou gdje je vlast već formirana, o vaskrslim nanama itd. Smiješno je ljudi da mi o tome pričamo. Nema ovdje izglasavanja o nepovjerenju Vladi zbog ikakve objektivne valorizacije njenog rada, ona je produkt isključivo interesa i neprincipijelnih aranžmana. Što se može na kraju, krajeva vidjeti u ovom jedno-rečeničnom obrazloženju za pokretanje izglasavanju nepovjerenju Vladi. Pogledajte kroz kratku istoriju izjave pojedinih zastupnika. Četvrtak 12.12.2019 godine fale Vladu, sljedeći dan 13.12. popodne kritikuju rad ove Vlade. Ja se, kakva je to podvojenost. Zastupnici šestorke u petak ujutro imaju radni sastanak a u isto vrijeme na portalima izlaze vijesti o novom dogovoru na dva lista papira, a onda ide zatim

nalet patetični nalet deklarativnog patriotizma i mahanja zastavama, nećemo mi Republiku Sarajevo hoćemo državu BIH. Kakav je to nonsens, meni nije jasno, kao u bajama Hansa Kristijana Andersena. Meni je, d a vam kažem iskreno potpuno jasno ovo što radi SDA, oni su od početka ovdje bili u opoziciji, cilj im je politički i za mene je legitiman da pokušaju izbaciti iz kolosijeka aktuelnu Vladu. Nisu mi jasni njihovi partneri ako ih tako mogu nazvati. Kako su sebi dozvolili da iz jednog pozitivnog ozračja među građanima pređu u mordor, da potpišu sporazum u kojem će SDA imati sedam ministarstava i potpunu kontrolu nad radom buduće Vlade, da ih drugi izvode za ruke sa sjednica kao djecu, da budu kao one lutke babuške, koje jedna u drugu se stavljaju i onda najveća je SDA koja ih sve poklopi. Ova Skupština je održala daleko najveći broj sjednica ja mislim kako je ovdje parlamentarne demokratije u kojoj su mnoge bile dugotrajne. Na njima se, podsjetiti ću preko 20 zastupnika ironično naslađivalo, ovo ironičko govorim, sa mnogim genijalnim genijalnim menadžerskim poduhvatima u JP u Kantonu Sarajevo. Kao što je govorio i kolega Stojanović, kao što je kiosk od 250.000 KM kao što je komunalna vikendica na Bjelašnici koja je služila valjda za polaganje stručnih ispita u iznosu od preko milion, četverosjeda i ratraka na Bjelašnici koji ne mogu da se kreću od nekoliko miliona, krađi vode, nametnutom političkom povećanju cijena plina, jelenima lopatarima, javnom sjednicom Vlade na kojoj su iznijete kriminalne radnje i prevare od nekoliko miliona KM, i poslane krivične prijave nadležnim institucijama. I gdje su sve te kritike otišle, valjda negdje u helikopteru. Ono što je posebno specifično je činjenica da se nikada u javnosti nije pričalo i govorilo o jednoj Vladi, a posebno ne u tolikoj mjeri u procesu njene smjene. Kao što sam rekao bilo je u ovom Kantonu puno rekonstrukcija vlasti, ali nikada ni jedan ovaj proces nije digao, žargonski da kažem toliko prašine. Iako iskren da vam budem, ovo što vi danas radite, govorim za novu parlamentarnu većinu, nama izuzetno političku odgovara za vrijeme koje je pred nama, a nekima će se dobro obiti o glavu, moram istaći da sam izuzetno zabrinut zbog samih krajnjih korisnika, zbog kojih se mi bavimo ovim poslom. Zašto to govorim? Ovaj prethodni period od mjesec dana kada je nova parlamentarna većina i govorio sam, nogom pokušala otvoriti vrata za ulazak nove Vlade i ovo nepriznavanje Poslovnika i Ustavnih procedura, bojim se da je to dio ekspozea rada nove vlasti i pravac djelovanja koji možemo da očekujemo u budućnosti. Izuzetno je (nerazumljivo) da će snage koje su rukovodile štetnih procesima po Kanton u prethodnom periodu opet imati izuzetno dominantnu ulogu u budućim procesima u Kantonu Sarajevo. Za smjenu neke Vlade 18 glasova je i te kako potrebna velika hrabrost i ogromno odricanje i požrtvovanost u budućem radu, što ja, odmah da vam kažem, i te kako sumnjam da će biti slučaj. Bojim se da će tempo koji je nametnula ova Vlada i mi kao Skupština, ovaj tempo rada doživjeti nagli, strmoglavi, slobodni pad. Ovo što danas namjeravate da uradite, budite sigurni, kratkoročno vam vjerovatno donijeti političku korist, a dugoročno, ubijeden sam, politički debakl. I još za kraj, ja bih da izrazim najiskrenije zadovoljstvo, moje lično u radu sa ovom Vladom, da joj čestitam na svemu što je uradila u prethodnih nešto više od godinu dana. Ponosan sam što sam bio dio te ekipe, ponosan sam što sam i dalje ove skupštinske ekipe koja je do kraja zadržala obraz i principijelnost. Evo ovdje ima ljudi koji su u najtežim životnim okolnostima u ovom gradu siledžijama s brda rekli ne, a da ne mogu to danas uraditi pojedinačnim političkim moćnicima. I želim na kraju da kažem, da je povjerenje koje je ova Vlada izgradila svojim radom, sigurno neće poremetiti bilo kakvo izglasavanje nepovjerenja danas. I koje sam siguran da će biti i te kako kratkog daha. Zahvaljujem.

Poslanik/zastupnik Amra Junuzović-Kaljić:

Hvala. Prije svega srdačan pozdravljam sve uvažene ministre, predsjedavajuće, dopredsjedavajuće, kolegi kolegice zastupnike i sve one koji nas danas gledaju. Dosta smo

toga čuli o tome šta je Vlada radila i kako je protekla ova godina dana u jednom vrlo napornom i plodonosnom radu i u okviru ovih diskusija ne bih se vraćala na pojedinačne, sve te velike urađene stvari, nego na možda jedan momenat koji je karakterističan i koji je prosto novost u našem političkom ili javnom djelovanju a to je, ili novost koja ima jednu silnu refleksiju u javnosti, u narodu. A to je transparentnost. U suštini transparentnost je nešto na šta nismo navikli, pogotovo da ona dolazi od političke i vladajućih struktura. I transparentan rad i javnost toga rada, javnost podataka, javnost svega i svakoga pomaka je u ustvari i građanima našeg Kantona bila jedan novi izazov, jedan drugačiji doživljaj politike., i to je ustvari ta refleksija javnosti o kojoj hoću, želim da nešto kažem. U suštini treba istaći da je ova Vlada proaktivno objavljivala informacije, pazite, Zakon ne obavezuje javne institucije da proaktivno objavljuju informacije. Međutim, to je jedan manir u kome je ova Vlada sve vrijeme funkcionisala. I to želim podcrtati ustvari kao jednu neobičnu, novu karakteristiku koja je jako ohrabrila građane da onda stupe u otvorenu jednu interakciju prosto sa Vladom, sa zastupnicima itd. To je nešto što će svakako obilježiti buduće vrijeme. I to je novost koja je ohrabrila građane. Transparentnost ustvari i institucija vlasti i javnog sektora ustvari se i temelji na toj pretpostavci da informacije od javnoga interesa, ili javnoga karaktera moraju biti dostupne. Građani informirani o radu institucija i odlukama koje se odnose u njihovo ime. To ustvari u suštini povećava odgovornost i izabраних zvaničnika i u obavljanju javnih funkcija i umanjuje prostor za zloupotrebu vlasti, za sve ostale negativne procese. Ta interakcija koja je otvorena tokom protekle godine ona je jedan ogroman benefit ustvari za sve građane jer bilo je dosta riječi danas o pritisku, o pritisku javnosti, o pritisku zastupnika koji su Vladi postavljali različite izazove i različita pitanja. Ali suština je da je upravo to bila interakcija, da je to bio jedan dvosmjerni odnos na koji je Vlada odgovarala postupkom, korekcijom postupaka itd. Ustvari, taj novi koncept ustvari jeste bila ta sloboda da nosioci vlasti reagiraju na kritiku. Da koriguju učinjene greške. To je transparentnost koja je ustvari ohrabrila građane da prosto vrše i veći pritisak da u njihovim očima i da javno o tome govore i da javno o tome istupaju. Javnost se ustvari susrela sa nečim na šta nije bila navikla. Detektuju se neki problemi, prijavi se taj problem i onda na taj problem imaš odgovor. To jeste ustvari i funkcionalnost i izvršne i zakonodavne vlasti. Dakle i upravo kroz takav rad i odgovore na potrebe građana, ova Vlada je i zadobijala podršku javnosti. Čuli smo mnogo o tome kakvi su apsurdni tokova novca koje je detektovao ministar Kovačević itd. A koliko je ustvari malo potrebno da se neke stvari koriguju u da teku mnogo bolje i da na njima još zarađujemo a ne trošimo ili gubimo. O tome svjedoči izvještaj ministara Filipovića, ministra Bašića, uvođenje registara, prikupljanje podataka, i kada prikupite podatke i detektujete šta treba da se uradi onda je mnogo lakše raditi. Dakle, u pogledu nekog daljeg rada, svaka Vlada, buduća Vlada funkcionisanje eventualno nove Vlade, buduće Vlade bit će u boljoj poziciji da nastave ove procese imaju smjernice, imaju detektovane probleme u koje se treba rješavati. Dakle, željela sam samo da istaknem jedan opšti utisak javnosti, jednu totalno novu refleksiju, a to je ta otvorenost transparentnost na koju je naša javnost i naši sugrađani do sada nisu bili navikli ali sada već je poznaju kao metod interakcije sa svim budućim vladama. Hvala.

Poslanik/zastupnik Jasna Duraković:

Zahvaljujem predsjedavajuća. I evo obzirom da se prvi put javljam, pozdravljam naravno sve kolegice i kolege koji su u sali kao i predstavnike medije i sve one koji prate rad današnje sjednice. Ja neću držati velike govore, ili neke analize, moj stav je kao što već svi znate, jasan i opšte poznat iz medija. Dakle ponovit ću ono što rekoše moji prethodnici da zaista svi relevantni pokazatelji govore da je ova Vlada jako dobro radila, i tek se čini mi se počela zagrijavati, u tom zagrijavanju trasirala izuzetne i mnogobrojne projekte i programe razvoja u

Kantonu Sarajevo. Na mom primjeru ću vam reći, i mislim da smo pomalo svi bili iznenađeni, ali se upravo kroz moj primjer vidjelo kolika je enormna podrška koja dolazi ovoj Vladi koja dolazi upravo od građanki i građana Kantona Sarajevo. Dakle, podrška je bila nedvojbena, iako se to pokušalo u proteklim mjesecima prikriti svim silama, i minimizirati. Osim toga direktni pokazatelj također da i ove nedavne statističke podatke koje smo dobili to govori da je ovdje pobijedio glas naroda. Narod je stao uz ovu Vladu i glasao o povjerenju ovoj Vladi u dominantnoj većini. I to je ono što ne smijemo zanemariti. To su dakle ozbiljni podaci koje o tome govore. Mene zaista mnogo ljudi zaustavi na ulici svakodnevno i priđe da mi čestita. I to je jedan od pokazatelja da smo nešto jako dobro radili. Čini mi se da je ovo prvi put da smo probudili konačno tu nadu, konačno tračak nade dali ljudima, jer se prvi put ljudi ticalo šta to tamo radi ta Skupština Kantona Sarajevo. Ovo je jedan od najgledanijih programa, to nije bez razloga. Podignut je naravno i rejting Kantonalne TV upravo zbog prenosa sjednica uživo, zato što su se ljudi pitali, aktivno su se uključivali u naš rad, slali nam poruke, konstruktivne prijedloge, pa smo mi svi zajedno, naravno ovdje nikoga ne amnestira, zaista svi zajedno radili, učestvovali u tome da radimo u javnom interesu, i da se prije svega zapitamo ko nas je to postavio ovdje. To su prije svega birači, naši birači. I njima smo dužni odgovarati. I biti njihovi najbolji reprezentivi, i to je ono što treba naravno svima biti jasno i to je ono što niko od nas ne smije zaboraviti. Zašto smo mi tu gdje jesmo. Radi građana i građanki Kantona Sarajevo. Ja nisam mogla niti ću ikada protiv volje naroda, ili protiv svih onih koji su nas ovdje izabrali, ja dakle ne mogu i neću biti samo ruka. Ja ovom prilikom apeliram još jednom na kolegice i kolege kojih evo na žalost nema u sali ali slušaju, čuju me, da još jednom razmisle i da prestanu biti samo ta ruka, da srcem i mozgom i razumom prije svega, odluče hoće li podržati ovu Vladu koja slijedi ili će ostati samo ta ruka, i samo za kraj, ne trebate se bojati, jer ima ona narodna, sreća prati hrabre. Toliko hvala.

Poslanik/zastupnik Vedran Jakupović:

Zahvaljujem predsjedavajuća. Pokušat ću biti emotivan da malo nakon kolegice Jasne Duraković vrlo teško. Na početku ću evo pozdraviti, obzirom da se prvi put javljam kolege i kolegice, članove Vlade, gledaoce i slušaoce. Da ispravim kolegu Čelika koji je ovo u jednoj rečenici naglasio da je ovo izraz volje građana i većine. Da, izraz volje većine u ovoj Skupštini, a li nije izraz volje građana, ne po ovom novom istraživanju. Nego po broju glasova koje su dobili ovih 18 ruku i ovih 17 zastupnika u Skupštini Kantona Sarajevo. Osvrnut ću se, evo da odmah naglasim ispred Kluba novo osnovanog, pa ću ako produžim da odmah naglasim da će to možda biti duže od 10 minuta. Kao čovjek koji evo da se osvrnem na Vladu kao čovjek koji je već dugi niz godina, više od decenije radio u međunarodnim kompanijama globalnim. Naučio sam na jedan sistem rada koji se može nazvati zapadnoeuropskim, američkim ili da kažem ono što mi zovemo sistemom, a što mi sada trenutno u ovoj državi nemamo. Naučio sam radeći u globalnim kompanijama šta radi plan i rad po planu, i držanje plana i ocjenjivanje tog rada, odnosno mjerenje rada. I nakon ulaska i u politiku, po pozivu Naroda i pravde, uz želju da i u ovoj državi pravimo sistem onakav kakav naš narod zaslužuje, imao sam sreću da sam bio dio ekipe, još uvijek sam, ali obzirom da govorimo o ovoj Vladi premijera Forte da dođem u priliku da sarađujem sa ljudima koji su naučili raditi na isti način. Ljudi iz korporativnog svijeta. Od premijera Forte, pa evo ministara, nadam se da neću nekoga i zaboraviti, i Kovačević i Mandić, Šteta, i ljudi koji su, iako nisu radili možda u korporacijama radili i politički i u svojim oblastima u sistemu svjesni da taj sistem ne valja i tražili način na koji ovaj sistem treba promijeniti. Mislim na ostale ministre, posebno, evo nabrojati ću ih: Katicu, Jusku, ministricu Brčić, Sofić, i posebno dvojicu mladih kolega Garibiju i Filipovića. Kada kažem da je jako bitno naučiti šta znači planirati, šta znači izmjeriti ovo što smo isplanirali nakon godinu dana, evo imali smo, to je i

kolega Okerić rekao priliku da vidimo šta je urađeno za godinu dana, da izmjerimo ono što je napisano. To što je napisano ovih 300 mjera. Nova većina ima plan koji ćemo vrlo brzo moći izmjeriti i u tom planu imamo raspodjelu ministarskih pozicija. Tako da ćemo vrlo brzo moći evaluirati jesu li dobro ispoštovali ono što su dogovorili u svom planu. Dakle vraća se sistem ovog stranačkog ili keš zapošljavanja, tenderisanja, poludivlje gradnje ove po Zakonu, vraća se kadroviranje kako se ko kome sviđi, ili kako se sviđi nekom od stranačkih šefova, i možda ovo može na prvu izgledati malo pesimistično ali nimalo se ne osjećam tako, i u završnom dijelu ovog govora ću reći ustvari šta nas čeka i šta građani Kantona Sarajevo mogu da očekuju. Kada kažem ovo kadroviranje i ovaj način djelovanja, podsjetit ću evo sebe a i reći građanima jednu anegdotu pred same izbore, jedan od članova do tada a evo u narednom periodu vladajuće partije objašnjavao je kako je jedan od njihovih funkcionera dobar i kada se neko dijete razboli on tako nazove ove biznismene i kaže dajte svako po pet po deset hiljada za to dijete da se to dijete izliječi. To e taj sistem koji smo živjeli i koji ćemo evo izgleda još neko vrijeme morati trpiti. Dakle nije sistem u kojem to dijete ima sistem na koji će biti tretirano, pa ako ne može u Bosni da će se isplatiti liječenje tog djeteta vani. Dakle ne znamo put. Imao sam sreću da dobijem poziv gospodina Palmera kao jedan od predstavnika stranaka šestorke i podsjetit ću na jednu njegovu izjavu kada je rekao na intervju na TV N1 da je sarajevska šestorka ili parlament ustvari jedan perfektan izraz čiste demokratije ili kako je on rekao laboratorija demokratije. Znači jasno je da je riječ o skupu istomišljenika kada je riječ o vitalnim, krucijalnim pitanjima za državu BIH. Ne za republiku Sarajevo nego za državu BIH a da to kreće iz Sarajeva kao centra i kao mjesta u koje gledaju građani BIH. Dakle, ne radi se snovima neke grupice pojedinaca, entuzijasta riječ je o veoma preciznim projektima i o realizaciji ovih projekata. Znači nije riječ o jeftinom populizmu, nije riječ o realizaciji projekata na ovim balkanskim premisama kako sam to rekao, već na modernim europskim pa i američkim principima. Kažem još jednom čestitke Vladi, drago mi je da je svako od vas pojedinačno, ukratko objasnio šta je radio i kako je radio, ljudi ne vole da čitaju ovaj vaš dokument na preko 40 strana je javan i može pročitati koga zanima svaki detalj. Kolege su rekly da ih je iznenadio DF i SBB. Mene nije iznenadio, ja cijelo vrijeme govorim na ovim sastancima, nije me iznenadio ni DF ni SBB, posebno nije DF. Riječ je o dvije stranke jednog lica, u kojima se definitivno taj lider za sve pita i ljudi koji uđu u te stranke moraju na taj način da funkcionišu tako da ja apsolutno razumijem kolege i ne očekujem nisam očekivao da će neko od njih preći na stranu i ove Vlade i mogu slobodno reći građana Sarajeva. Podsjetit ću da je DF krenuo još od onog izbora bošnjačkog člana rukovodstva., pa je onda bio izbor za Dom naroda, pa je onda bilo riječ o nekim uslovljavanjima za smjenu ministricice Bogunić itd. O nekim kadrovskim rješenjima kojih sam se i ja stidio. Posebno iz oblasti zdravstva i farmaceutike, tako da to je jedna ekipa ljudi koja je mogla funkcionisati samo kao priključeni član i naše ekipe, a evo i ove druge izgleda SDA ekipe. Što bi rekly u farmaceutici i medicini ono po potrebi. Ali nije riječ o lijeku. SBB vidjet ćemo u oktobru šta će se desiti. Desilo im već par puta evo sada u oktobru očekujemo da građani pokažu šta misle. Ono što je bitno naglasiti evo i da idem ka završetku, kada kažu da ova Vlada nije ništa radila, oni koji kažu jesu u pravu jer oni ne vide, ne mogu da vide šta je ova Vlada uradila, nisu na istim talasnim dužinama, ta perda, zavjesa je toliko debela da ne mogu da vide šta je Vlada uradila. Građani vide šta je Vlada uradila, kada kolega Dević kaže da je ovo Fejsbuk Vlada, jeste ovo je Fejsbuk Vlada. Fejsbuk kao kontra mideru, s tim da naglasim da je u ovom slučaju da je Fejsbuk jedno islamsko djelovanje, transparentno, mjerljivo, s ciljevima, s konkretnim projektima. Mi krećemo u jednu formu koja, ja sam je evo nazvao peticom. Dakle ovo nije četvorka ovo je petica, imamo četiri stranke NiP, NS, SDP, NBL i izuzetno jak klub samostalnih zastupnika koji su pokazali da se može, koji su pokazali da je ova klica, ili ovaj zametak začet. Očekujemo rođenje za devet mjeseci, u oktobru na izborima. Rođenje prvog

djeteta, a onda još puno više djece za tri godine. Građanima koji su nakon informacije da ova Vlada će biti srušena počeli izražavati svoje negodovanje i govoriti kako će ići iz BIH, ja ću građanima reći da moraju biti strpljivi, istrajni, uporni zbog naše djece. Ovo je maraton, ali ne u onom negativnom smislu kako je moj kolega Suljević rekao, ovo je maraton u pozitivnim stvarima. Jedna dugotrajna, mukotrpa borba i hvala Vladi što je skupa s nama pokazala da se može i da mi kao zastupnici, obzirom da ćemo nastaviti rad u ovoj Skupštini, imamo obavezu da ovim putem idemo još jače i da što kažu ovu državu dovedemo na zelenu granu. Hvala.

Poslanik/zastupnik Arijana Memić:

Zahvaljujem predsjedavajuća. Obzirom da se prvi put javljam koristim priliku da pozdravima sve prisutne i gledaoce kraj malih ekrana. Ja neću govoriti o rezultatima koje je ova Vlada postigla u kratkom vremenskom periodu, to će ocijeniti građani i već jesu. Vlada koja je vratila izgubljenu nadu da može drugačije, pokazala da se može raditi u interesu građana, javno i transparentno, danas o sudbini te transparentne Vlade odlučuju oni kojima je važniji lični interes od opšteg. Odlučuju zadrugari i oni koji nepravdu učinjenu njima lično su stavili na drugo mjesto a sve za radi interesa svojih političkih šefova, danas o smjeni ove transparentne Vlade odlučuje i Aljoša Čampara koji je također i federalni ministar unutrašnjih poslova. Ministar institucije u kojoj su uništeni pojedini materijalni dokazi o ubistvu moga brata Dženana Memića i što je najžalosnije, nikada niko za to nije odgovarao. Danas će ova Vlada biti smijenjena od političkih poslušnika. Ja sam svjesna nadležnosti Vlade i Kantona ali sam također svjesna i političke moći i ovlaštenja onih koji danas pokušavaju preuzeti vlasti. Sasvim sam sigurna da će Kanton Sarajevo u kojem je ova Vlada uspješno započela procese reformi da se vrati u prvobitno stanje, a to je stanje potpune pravne nesigurnosti. Podsjetit ću vas da je za vrijeme bivše Vlade pravosudni sistem u Kantonu Sarajevo doveden u kolaps. Podsjetit ću vas na ubistvo moga brata Dženana Memića u kojem je umreženi sistem iscenirao saobraćajnu nesreću. Slučaj ubistva moga brata je predmet koji će četiri godine potresa bh pravosuđe i to bez reakcije državnih funkcionera. Spremnost najviših funkcionera da spriječe rješavanje ubistva Dženana Memića koji vodi do vrha vlasti dovela je građane u situaciju nepovjerenja i beznađa. Podsjetiti ću vas sve na slučaj Sanjina Sefića. Jeste li zaboravili na naše Selmu Agić i Editu Malkoč čije porodice još uvijek nisu dočekale pravdu? Jeste li zaboravili na Havu Dovadžiju, Mahira Rakovca? I brojen druge slučajeve u o kojima je došao do izražaja nerad Tužilaštva Kantona Sarajevo? Tužilaštva koje se nalazi pod uticajem vladajuće političke stranke. Ovo o čemu govorim ovo je život. Ovo je istina i ovo je ono što se dešava u našem Kantonu. Ovo je ono od čega većina vas okreće glavu. Iza svakog ovog slučaja nalaze se na desetine pa čak i na stotine ljudskih sudbina nevinih ljudi kojima je nanesena nepravda jer su političkim diktatom i lošim pravosudnim istragama i presudama dovedeni do očaja. Dolaskom na vlast bivše Vlade imat ćemo situaciju da tužiocima štite ubice umjesto da ih izvode pred lice pravde. Umjesto da isti ti tužiocima odgovaraju za svjesno zataškavanje ubistava oni bivaju nagrađeni većim pozicijama pojedini čak i izmišljaju funkcije. Dokazano je da se činovi dobijaju prema zaslugama ali ovi dobivaju zato što zataškavaju ubistva. Predmet o smrti moga brata Dženana Memića formiran je u vrijeme dok je glavna kantonalna tužiteljica bila Dalida Burzić. Ona je u međuvremenu unaprijeđena na poziciju sutkinje Suda BIH. Tadašnja zamjenica Dalide Burzić, Anika Kešelj imenovana je za tužiteljicu u Federalnom Tužilaštvu, i ona je unaprijeđena. Tužitelji Kantonalnog Tužilaštva Kantona Sarajevo Mladen Furtula, Ivana Petković, imenovani su za državne tužioce. Seada Kreštalicu, jednog od postupajućih tužitelja aktuelna glavna kantonalna tužiteljica Sabina Sarajlija predložila je za v.d. svog zamjenika. Nagrada poslušnima je oproban mehanizam za opstanak, pogotovo ako se njome utiče na javnost, poručujući da ste nedodirljivi. Sankcionisanjem tužilaca i policajaca zbog organizovanog kriminala i pokušaja zataškavanja

ubistva poslala bi se poruka da niko nije iznad Zakona ali očito je da političkim moćnicima i državnoj mafiji ne odgovara da se sazna istina te ciljano ne žele riješiti slučajeve koji godinama potresaju javnost. Ja jesam zastupnica u Skupštini ali sam prije svega sestra nepravedno ubijenog Dženana Memića za kojeg ni dan danas njegove ubice nisu pronađene ni procesuirane. Ja danas govorim kao ta sestra, sestra Dženana Memića, kao predstavnik više od 8000 građana koji su mi ukazali povjerenje i oni od mene očekuju da iznesem ovu problematiku. Svi vi danas imate pravo da se izjasnite, ne kao politički poslušnici, nego kao roditelji ne žele da im djeca odrastaju u ovakvom okruženju. Vlada Kantona Sarajevo mora raditi po Zakonu i u interesu građana. U interesu onih koji su im dali povjerenje. Međutim, zaustaviti procese koji su transparentni i pozitivni za građane, zasigurno nije u interesu tih građana. Interes onih koji po svaku cijenu žele da smijene ovu Vladu je jedino uskostranački i to kako će raspodjeli i zagospodariti novcem građana i javnim dobrom, te zaštititi jedni druge. To je njihov jedini interes. Dokaze za to imate u slučajevima koje sam vam navela. Kao što je npr slučaj ubistva moga brata. Tim korakom oni vraćaju nas kao i građane u stanje normalizacije zataškavanja, potkusurivanja, mutljaže, u stanje dogovaranja sudbine Kantona po kafanama, lobirajući pojedince sumnjivog morala. Da li je to ono što mi građani želimo. Kao neko ko je osjetio sistemski kriminal institucija n a vlastitoj koži mogu vam reći da to sigurno nije ono što normalan čovjek želi za sebe i za svoju djecu. Pitam vas čije dijete je sljedeće, ko je od nas sljedeći? Ja neću više duljiti, imate činjenice pred sobom. Imate oči, uši i razum. Imate pravo zagarantovana Ustavom i zakonom ove zemlje, ali imate i odgovornost. Ako ne za sebe, onda za svoju djecu. Nadajte da vas zastraše. U politici strahu ne smije biti mjesta, i mi ćemo se za to boriti.

Predsjedavajuća Danijela Kristić:

Zahvaljujem. Pretpostavljam da su se zastupnici Nikšić, Konaković javili za drugu diskusiju pa ću ja iskoristiti pravo za prvu.

Rad Skupštine i Vlade Kantona Sarajevo od samog imenovanja se razlikovao od svih prethodnih do sada. Period formiranja same Vlade i skupštinske većine prethodnih Vlada bio je puno duži tako da se budžetski novac za isplatu plaća uglavnom trošio za plaćanje nerada. Za to vrijeme, ova Vlada i skupštinska većina je već bila formirana i imala rezultate iza sebe. Od samog početka jasno se vidjelo ko su oni koji sjede u skupštinskim klupama, koji su bili dio skupštinske većine, kojima će smetati ovakav način rada, rad za građane a ne za lične interese. A posebno je opozicija isticala svoje nezadovoljstvo takvim radom. Prilikom ukidanja paušalnih naknada zastupnicima na prijedlog Vlade, koja je smatrala da su pored plata koje zastupnici primaju te naknade neosnovane. Neki od zastupnika, koji danas sjede tu su bili protiv te odluke. Opozicija je bila za uslov da se izjednače plate zastupnika i ministara što po stepenu odgovornosti i težine posla nikako nije imalo smisla. Odluka o ukidanju paušala ipak je usvojena i na taj način se građanima u samom startu jasno dalo do znanja da će ova Vlada i skupštinska većina raditi u interesu građana ovog Kantona. Zasnivanje rada sa jasno definisanim mjerama i principima koje je bio plan ove Vlade koji se odmah počeo i realizovati. Mnogo toga je urađeno u periodu od decembra 2018 do januara 2020. navest ću samo neke od tih stavki. Pobljšanje usluga u javnom gradskom prijevozu, nabavka novih vozila, poboljšanje cestovne infrastrukture, sanacija saobraćajnica koje su godinama bile uništene, sanacija vodovodnih mreža, zamjena dotrajalih, starih i štetnih po zdravlje stanovništva, vodovodnih cijevi, izgradnja nove gasne mreže, utopljavanje javnih objekata, 370 objekata finansirali za uvođenje grijanja na gas, čime se smanjilo zagađenje, a po pitanju zagađenja uradilo bi se puno više da Vlada FBiH nije donijela iznenadnu odluku o enormnom poskupljenju plina koji je Kanton Sarajevo jednim dijelom subvencionirao te time potrošio 8

miliona KM koje su se mogle iskoristiti za utopljavanje dodatnih objekata. Sprovedenje akcija čišćenja, te uklanjanje 132 nelegalne deponije. Uvođenje transparentnosti i raznovrsnosti u socijalna davanja. Osiguravali sredstva za refundiranje troškova vantjelesne oplodnje kako bi se natalite povećao, koji je jako bitan u vremenu kada nam mladi ljudi umiru i odlaze iz ovog grada. Ukinute su liste čekanja za djecu u vrtićima, povećane su investicije u kulturu i sport, za mlade, na nadarene učenike, za borce i još mnogo toga. Otvoren je odjel Pedijatrije u Općoj bolnici, ono što je najviše smetalo opoziciji a što su građani podržali i pozdravili kao odlične stvari u radu ove Vlade je transparentnost, uvođenje struke u unutrašnje poslove i policijske službenike Kantona Sarajevo. Odluke o objavljivanju javnog Registra uposlenih sa podacima o primanjima. Odluka o prijavljivanju imovine svih uposlenih u javnim ustanovama i njihovih bližih srodnika, dupla kontrola javnih nabavki, supervizori nad konkursima za zapošljavanje u javnim ustanovama i preduzećima i još mnogo toga. Još jedan faktor koji je smetao opoziciji i onima koji danas izglasavaju nepovjerenje do sada, po mišljenju mnogih je razotkrivanje nepravilnosti u radu prethodnih Vlada, ukidanje privilegija za moćnike koji su ovaj Kanton i ovu državu oštetili za milione maraka, razotkrivanje u radu menadžmenta preduzeća koji upravljaju Kanton Sarajevo. Ulaskom novog menadžmenta u preduzeća, svakodnevno su se otkrivale nepravilnosti koje su preduzeća obeštetile za milionske iznose. Revizijom izvještaja i održavanje vanredne sjednice Vlade Kantona Sarajevo, 04.12.2019 godine koja je prenošena uživo, dirnulo se tamo gdje se nije smjelo. Od tog momenta počinje užurbana aktivnost za smjenu Vlade uz kršenje Ustava BIH, Poslovnika o radu Skupštine Kantona Sarajevo, još niz Zakona, gdje je Sarajevo poslalo negativnu sliku onima koji krše Ustav u drugom entitetu da je to sasvim u redu. Štimanjem izvještaja u PD Butmir da se gubitak od 30.000 prikaže kao dobit od 247.000 KM počinjeno je i krivično djelo koje iziskuje najoštrije kazne. Prodaja jedne i po karte na Igmanu prikazivanjem prometa u restoranu na Bjelašnici od 8 KM zbog kojeg je preduzeće ZOI kažnjeno, također je počinjeno krivično djelo. Dovođenjem preduzeća do milionskih dugovanja, počinjeni su mnogo krivični prekršaji i za to bi neko morao odgovarati. Kanton Sarajevo je dužan 165 miliona samo poreza, što je jasan pokazatelj nemara i bahatog ponašanja prijašnjih Vlada i menadžmenta preduzećima. Dok sadašnji menadžmenti pokušavaju popraviti stanje, gdje se iz sistema vodosnabdijevanja isključuju oni koji ne plaćaju vodu, gdje se prilikom fakturisanja odvoza smeća obračunava stvarna cijena koja je za hiljade, hiljade maraka veća od one koja je do sada fakturisanja, moćnicima koji štite pojedine stranke, gdje je prodaja ski sezonskih karata povećana za više od 100%, gdje se izdaju fiskalni računi za svu prodatu robu i usluge, gdje se prikazuje realna prodaja karata na Igmanu, ovdje danas se izglasava nepovjerenje toj Vladi. Vlada koja je pokrenula lavinu pohvala od strane Međunarodnih zvaničnika, organizacija, stanovnika ovog Kantona, koja je mnogima postala primjer dobrog obnašanja vlasti, danas zastupnici koji su u proteklog godini bili sastavni dio skupštinske većine i njihovi ministri dio Vlade, povinovali su se naredbi onih iz vrsta stranke i zaboravljaju ko su i sami prije samo dva mjeseca su hvalili rad ove Vlade. I dići će ruku za izglasavanje nepovjerenja i samim tim pristati da u nerednom periodu glasaju za obaranje izvještaja o poslovanju tih preduzeća u 2019 godini kako bi imali razloge da smijene menadžmente te ponovo vrate prijašnje. Dakle, morat će dići ruku protiv onih menadžmenta koji su samo za godinu, neki i u kraćem periodu otkrili milionske prevare, vikendice koje su koristili za ličnu korist bivših direktora, nabavka ski opreme koja nije upotrebljiva, nezakonite dodjele imovine članovima porodica direktora, rodbinsko zapošljavanje, pribavljanje lične koristi. Morat će oboriti izvještaje onih koji su poboljšali, unaprijedili rad preduzeća, i povećali prihode istih. Dok će s druge strane u naredne tri godine morati podržavati rad onih koji će opet nabavljati jelene lopatare, neupotrebljive četverosjede, koji će kupovati vikendice koje isključivo mogu koristiti direktori koji neće ulagati u opremu za rad, koji će nanositi štetu ovom Kantonu u

svakom segmentu i koji će zapošljavati svoje najbliže. Morat će slušati svoje nadređene, jer kao što su i sami izjavili u proteklim danima, oni moraju biti odani svojim šefovima koji su izdali svoje glasače, kršeći obećanje iz predizbornih kampanja. Ali očigledno, stranka je preča od naroda. Rad ove Vlade, sigurno će obilježiti transparentnost, otkrivanje malverzacija i krađa u JP, dostupnost građanima, gdje se jasno vidi povećavanje interesovanja za praćenje rada Vlade, te mnogobrojnim kvalitetno sprovedenim aktivnostima koje su dale građanima tračak nade i dozu sigurnosti i želje za ostajanjem u ovom gradu. Oni koji smatraju da su im šefovi stranaka preći od građana i njihovih glasača danas će glasati za smjenu ove Vlade, i nastaviti podržavati kriminal, krađu, nepotizam. Građani će to kazniti na narednim izborima i dokazati da je rad ove Vlade bio u službi građana. Čast mi je bila biti dio ove ekipe, dio ekipe najbolje Vlade, Fortine Vlade. Hvala.

Poslanik/zastupnik Damir Nikšić:

Hvala. Ja sam maloprije već kada je uvažena zastupnica Arijana Memić govorila onako se osjetio suvišnim za drugu diskusiju jer me baš, baš me potreslo. Eto, kao neki sam ja, neku komediju, stendap komičar, umjetnik, i to sve dobro, ali me je toliko potreslo. Ja ne znam kako, pitao sam se kako ljudi koji ovo slušaju podnesu ovo. Ja da sam napolju, ja bih do sada došao ovdje i zapalio nas sviju skupa. Toliko mi je to bilo emotivno. Strijeljao bih nas sviju radi ovoga kada čujem sve ovo, i pravosuđe i to sve. Znači radi se o jednom školskom primjeru zarobljene države koja je na pragu da bude „failed state” znači totalno propala jedna država a mi se ovdje zezamo i onda krenem. I sada trebam da pričam o zelenim politikama, o ekologiji i tome svemu. Znači toliko je to dno dotaklo. I sada razmišljam o tome, ja ne znam šta je gore ovim sada što hoće da preuzmu ovo. Da li, možda bi oni trebali da pobjegnu kao kralj Petar nekada, da im se ne desi neka loša sudbina, jer kada bi Arijanu Memić pustili da govori pola sata na ovoj TV, ja mislim da bi došlo do kuršlusa u Kantonu Sarajevo. Srećom ima samo 10 minuta da priča. Srećom. I onda poslije toga ja pričam i još neko, tako zatrpamo sve te stvari nekim drugim stvarima, pa se to malo omekša, pa se to malo ovako pokrije. Kada bi ona pričala pola sata, ne daj bože sat vremena, ovdje bi bio totalni revolt i svašta bi se desilo. To je moje mišljenje. Imam pravo na svoje mišljenje ovdje. A vidjet ćemo šta ljudi misle inače, u narednim mjesecima. Vi ste mogli pobjeći svi iz zemlje u te vaše stanove u inostranstvu i firme u inostranstvu i to sve šta imate. Možda bi to bilo najbolje. Možda ovo nije pametna ideja. Možda je ovaj povratak u Kanton da zgrabite sve te tendere i to sve to bahaćenje i to, možda je loš potez. Ja nešto razmišljam naglas ovdje. Možda je to loše. Ima onaj film, bogovi su pali na tjemenu, kada. Kako oni tamo Bušmani love majmuna. Majmun zgrabi i ne zna da pusti iz onog sanduka i onda ga on ulovi, jednostavno radi toga što majmun ne zna da pusti. Tako da se bojim. Ne znam, samo naglas razmišljam da bi vam se isto moglo desiti. Otkud znam. Vidjet ćemo. Nisam prorok da proričem, ni vidovita Džemila. Ali vidim da vi stvarno odnosno svi vi stvarno ne čekate ni jednog trenutka. Znači dok mi ovo ovdje govorimo, znači Vlada još nije ni zvanično ni pala, nova još nije zvanično ni preuzela, ode Edin dođe Mario, ovi su jurnuli.

Predsjedavajuća Danijela Kristić:
Vrijeme.

Poslanik/zastupnik Damir Nikšić:
ja govorim u ime kluba molim vas.

Predsjedavajuća Danijela Kristić:
Druga je diskusija, nema u ime Kluba. Tri minute.

Poslanik/zastupnik Damir Nikšić:

Jel nema? Dobro ovi su jurnuli da prave solitere bez obzira na najnoviju studiju o ventilacionim koridorima i aerozagadenjima. Znači u inat nam nešto rade. Znači na Marin dvoru prave tri solitera od 15 do 19 spratova. To su sada odlučili. Večeras su odlučili to. Znači već su se spremili, već znaju nemaju strpljenja da sačekaju da se ovo sve. Već su krenuli u napad, i to tako brutalno, tako bezobrazno. Znači evo vam sada tri solitera tamo će treba da bude park. Gdje smo se svi složili da treba da bude park, jer treba graditi parkove u Sarajevu. Jer nemamo da dišemo, i vi ćete da pravite solitere, nama u inat ovdje. I građanima u inat. To je združeni zločinački poduhvat protiv zdravlja građana. Znači profiteri svih nivoa vlasti „united” protiv građana. Tako ja to vidim. Hvala.

Poslanik/zastupnik Elmedin Konaković:

E ovu ću vam drugu diskusiju ja nešto reći kao Bošnjak koji živi u Sarajevu. Kada smo formirali ovu vlast mene ste i Kojovića optužili vi i vaši botovi da ćemo mi urušiti identitet Bošnjaka. Da ovo odlazi jedna koalicija koja će istjerati vjeronauke iz škola, koja će tobože, ma svašta ste nam nakitili. Hoću da vam nešto kao Bošnjak kažem. Izgradili ste društvo koje potpuno urušava identitet Bošnjaka. Prezenterate nas i predstavljate nas kao jedan koruptivni narod, koji mora biti poslušan svome lideru, svome vođi, da bi dobio posao, da bi bio dio bilo kakve zajednice i to samo isključivo kroz stranku. Da vam kao Bošnjak kažem nešto o helikopteru, a posebno Radončiću i posebno vama iz SBB. Vi koji ste nas na Drini ostavili s četiri duge cijevi, MUP Kantona BPK do prije nekoliko mjeseci imao je četiri duge cijevi, kao jedina organizovana vojna formacija u kojoj djeca u školama proklamuju fašističku i četničku propagandu stavljajući kokarde, i koji od nas ponovo pravite plijen jer samo kada smo slabi, mi smo plijen. Pa nam Radončić drži govor i sprječava nabavku jednog helikoptera u Kantonu Sarajevo, vi iz SDA to poslušno odobravate a MUP RS nabavlja nova tri. I prije toga je nabavio mnogo istih. Od nas pravite društvo podobnih, koje u klimi i geografskoj poziciji u kojoj se mi nalazimo, ne može odgovoriti ni na jedan izazov. A kamo li neki dobro osmišljeni napad. Napadate časne nebošnjake, koji su sa nama odbranili ovu zemlju, koji su bili dio Armije RBiH. I napadate mene kada nešto u njihovu korist kažem. A vaš predsjednik Izetbegović jučer u intervju za Glas Srpske kaže svi smo propatili, svi smo preživjeli stradanja, potpuno relativizirajući genocid u Srebrenici, nepresuđene genocide u Prijedoru i drugim gradovima u BiH. I potpuno relativizira stradanje i žrtvu našeg Bošnjačkoga naroda. A časne Srbe, Hrvate i ostale napadate one koji su sa nama branili ovu zemlju. Tako ste nam uništili šansu da u reviziji presude protiv Srbije tu zemlju zovemo agresorom ono što ona jeste, jer vaša dodvoravačka i poltronska politika nije zaštita bošnjačkog identiteta. Ona je uništavanje bošnjačkog identiteta ovo što mi radimo suprotno je vašim ciljevima. Ovo je Vlada koja je nakon 25 godina prihvatila inicijativu da se zaposle članovi svih, članovi šehidskih porodica i poginulih i palih boraca koji su na birou. Mnogo je toga što bih vam još htio reći, a bit će prilike da vam kažem ali ovo sam čekao dugo, nije bilo prilično da vam se ko Bošnjak obratim. I o tom ćemo bošnjačkom identitetu u narednim sjednicama i danima vjerujte mi mnogo razgovarati, ali ćemo vam secirati sve ovo što ste uradili u proteklom periodu nanoseći štetu. A posebno Radončiću poruka. Kakav god da si nećeš slabiti bošnjački narod u onom dijelu koji se zove spremnost na odbranu od nekog novog fašizma koji buja na ovim prostorima. Hvala.

Poslanik/zastupnik Vedran Jakupović:

Pošto su istekle tri minute kolege Konakovića ja ću samo ukratko da podsjetim građanstvo vezano za ovu priču, osim ove pomoći MUP-u BPK. Prvi put smo ova Vlada u budžet stavili finansiranje škole u Novoj Kasabi, za djecu povratnika Konjević polje-Kasaba. Iznos 416.000 KM. Finansirane internata u Srebrenici. Pokušaj uvođenja jedne priče o „e-learning” odnosno učenja na daljinu koje bi olakšalo ovu tzv nacionalnu grupu predmeta našoj djeci. Neću se fokusirati samo na Podrinje, već i recimo u nekim dijelovima Hercegovine, ministar Garibija već pomenuo DZ Stolac, to su neke stvari koje konkretno ova Vlada radila. Neću govoriti o nekim vjerskim momentima obzirom da evo vraćaju nam se kolege spremaju se za glasanje. Tako da podcrtam ovu priču jedne sveobuhvatne brige za građane, ne samo Kanton Sarajevo nego brige o građanima ove države, u onoj mjeri u kojoj Kanton Sarajevo to može, i zakonski a i finansijski. Hvala vam.

Poslanik/zastupnik Mahir Dević.

Ako nema više niko da diskutuje možda pauzu desetak minuta ispred Kluba SDA, a ako ima diskutovati evo nek završe. Ne znam da li ima ko prijavljen.

Predsjedavajuća:

Ukoliko se više niko ne javlja za riječ, zaključit ću raspravu i 10 minuta na prijedlog zastupnika Devića je pauza.

NASTAVAK NAKON PAUZE

Predsjedavajuća Danijela Kristić:

MOLIM POSLANIKE DA PRISTUPE IZJAŠNJAVANJU O PRIJEDLOGU ZA GLASANJE O NEPOVJERENJU VLADI KANTONA.

Obzirom da nam sistem ne radi ići ćemo sa ručnim glasanje, tako da molim da se izjasne zastupnici koji glasaju za smjenu Vlade.

Molim zastupnike da se izjasne ko je protiv smjene Vlade.

Molim zastupnike da se izjasne ko je suzdržan za smjenu Vlade.

Uključite kolegu Okerića. Mogu li nam službe fino reći koliko je bilo za? 18 ZA a 15 bilo protiv.

Poslanik/zastupnik Elvedin Okerić:

Izražavam sumnju i tražim pojedinačno izjašnjanje.

Sekretar po ovlaštenju Almira Kulovac Šetkić:

1. Aljović Hamed ZA
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša ZA
5. Čelik Mirza ZA
6. Ćosović-Hajdarević Samra ZA
7. Delalić Sabahudin ZA
8. Dević Mahir ZA
9. Dizdarević Neira PROTIV

10. Duraković Jasna PROTIV
11. Handžić Vibor PROTIV
12. Hasagić Amra ZA
13. Hasanović Senad ZA
14. Hodžić Admela ZA
15. Jakupović Vedran PROTIV
16. Junuzović-Kaljić Amra PROTIV
17. Kerla Bibija ZA
18. Konaković Elmedin PROTIV
19. Krstić Danijela PROTIV
20. Marić Zvonko ZA
21. Marjanović Damir OPRAVDANO ODSUTAN
22. Mekić Amel PROTIV
23. Memić Arijana PROTIV
24. Milavica Sead ZA
25. Nikšić Damir PROTIV
26. Okerić Elvedin PROTIV
27. Pecikoza Fahrudin ZA
28. Pleho Haris ZA
29. Poturak Dževad ZA
30. Srna- Bajramović Segmedina PROTIV
31. Stojanović Igor PROTIV
32. Suljević Samir PROTIV
33. Šahman Bilsena ZA
34. Viteškić Smiljana ZA
35. Vreto Elvis OPRAVDANO ODSUTAN

Predsjedavajuća Danijela Kristić:

ZA SMJENU VLADE GLASALO JE 18 ZASTUPNIKA, PROTIV SMJENE VLADE BILO JE 15 ZASTUPNIKA.

KONSTATUJEM DA JE SKUPŠTINA IZGLASALA NEPOVJERENJE VLADI KANTONA SARAJEVO.

Zakazujem sastanak rukovodstva Skupštine Kanton Sarajevo za pet u 15,00 sati, radi konsultacija u vezi sa izborom predsjedavajućeg Skupštine Kantona Sarajevo. Obzirom da smo iscrpili dnevni red današnje sjednice, zaključujem na današnjoj sjednici i zahvaljujem se uvažanim kolegicama i kolegama.